

**UNIVERSITY OF EDUCATION, WINNEBA**

**AKANFOO ADESIEDEE MU MPENSEMPENSEMU**



**UNIVERSITY OF EDUCATION, WINNEBA**

**AKANFOO ADESIEDEE MU MPENSEMPENSEMU**



**HELENA FRIMPONG-MANSO**  
**(220023233)**

Nhwehwemu dwumadie a efiri Akan-Nzema, Faculty of Ghanaian Languages Education,  
de koma School of Graduate Studies,

nam so ma manya abodin krataa  
Master of Philosophy  
(Ghanaian Language Studies-Twi)  
afiri University of Education, Winneba.

**OBUBUO, 2024**

## PAEMUKA

### OSUANI PAEMUKA

Me, Frimpong-Manso Helena, pae mu ka se, saa dwumadie yi ye nhwehwemu a m'ankasa na meberee me mogya ani yee. Se mede nea nkurofoɔ a mabobo won din wo dwumadie yi mu no to nkyen a, nea aka nyinaa ye m'ankasa me nsa ano adwuma. Obiara nyee emu fa anaa mua bi se ode repe abodin wo baabiara.

Nsoano.....

Da.....

### DHWESOFOD PAEMUKA

Mepae mu ka se, meseee adagyee mehwee dwumadie yi so, tenetenee no maa no yee nsiesie a efata senea Simpa Suapon akwankyerɛ a wofa so de tentene tiisisi dwumadie no te pɛpɛpɛ.

### OWURA EMMANUEL ASUBONTENG

Nsoano.....

Da.....

## **DINTOO**

Meto nwoma yi din ma me nua barima, Owura Dickson Kwaku Frimpong a wanya ne baabi korɔ. Onyame mfa no nsie.



## ASEDA

Mede aseda a enni kabea ma Otwedumpon a ɔbɔɔ soro bɔɔ asase wɔ n'ahobammɔ ne ne nhweso pa a ɔde ama me firi mmere santene yi, ɔhaw ne ɔshwe ahodoɔ nyinaa mu no, wahwe me so ahye me den ama matumi aye dwumadie a ete sei a, na deɛ meka ara ne se, Awurade, aseda nka wo din.

Deɛ edi ho bio ko ma me nhwesofoɔ, Owura Asubonteng Emmanuel a ɔye kyerekyerɛni wɔ Department of Ghanaian Languages, Faculty of Arts, Oguaa Suapon mu wɔ ɔɔɔ, abotare ne adaagye a ɔnya maa me de teneteneɛ me wɔ dwumadie yi mu no, esɔɔ m'ani yie pa ara. Owura, meda wo ase pii, esie ne kagya nni aseda.

M'aseda a edi ho ko ma m'abusuafoɔ nyinaa, nkanka ne me hokani, Owura George Fosu-Hene, me maame, Awuraa Regina Frimpong-Manso, me nnuanom, Michael Owusu-Ansah, Mavis Frimpong-Manso, Ellen Frimpong-Manso, Isaac Frimpong-Manso, Edward Frimpong-Manso ne me mma, Princeton Akwasi Fosu-Hene, Adwoa Adutwumwaa Fosu-Hene ne Kingsley Tuffour Fosu-Hene wɔ nkuranhye ne mmoa ahodoɔ a wɔde maa me bere a mehye dwumadie yi ase kosii se ekɔɔ n'awieeɛ. Deɛ meka ara ne se, meda mo ase pii.

Ne korakora no, mede aseda a edi ho ma Prof. Akwasi Adomako, Dr. Regina Ceasor, Owura Nicholas Obeng Agyekum a wokyerɛ adeɛ wɔ Simpa Asuapon mu fa a ewɔ Ajumako enne me namfonom nyinaa, nkanka ne won a me ne won hyeɛ adesua yi ase a mmere nti mentumi mmobɔ won din nyinaa. Nokwasem ne se, won nkuranhye ne won mmoa ahodoɔ bi ka ho na ama dwumadie yi awie pe ye. Ne saa nti no, mentumi mfa won aseda nni, meda won nyinaa ase. M'ani so biribiara a woye de boaa me maa dwumadie yi wice peye.

## EMU NSEM

PAEMUKA	iii
DINTOO	iv
ASEDA	v
EMU NSEM	vi
NHYENMU	xii

## ƆFA A ƐDI KAN

### ADWUMA YI NNIANIMU

1.0	Nnianimu	1
1.1	Adwuma yi Nnyinasoo	1
1.2	Ɔhaw no Adiyie	4
1.3	Adwuma yi Botaee	5
1.4	Adwuma yi ho Nsemmisa	5
1.5	Adwuma yi ho Mfasoo	6
1.6	Dee adwuma yi ano Kɔpem	7
1.7	Adwuma yi ho Akwansidee	7
1.7.1	Nanasetwetwee	7
1.7.2	Afidie hwammɔdie	8
1.7.3	Nnipa binom hwammɔdie	8
1.7.4	Sikasem mu haw	9
1.8	Adwuma yi nhyehyeee tiawa	9
1.9	Adwuma yi tofabo	10



2.5.1	Efunudwaree	44
2.5.2	Efunudeda	45
2.5.3	Adesiedee	46
2.5.4	Efunu so Mmusuyie	47
2.5.5	Dee nti a Akanfoɔ yɛ ayie	48
2.6	Adwenemusem anaa tiɔri a mede dii dwuma yi	50
2.7	Ɔfa yi Tɔfabɔ	53

### **ƆFA A ETƆ SO MMIƆNSA**

#### **ADWUMA YI HO AKWANKYERE**


3.0	Nnianimu	34
3.1	Adwuma yi Nhwɛhwɛmu Kwan	54
3.2	Nnipa a Mede wɔn yɛ Nhwɛhwɛmu Yi	56
3.2.1	Nnipakuo pɔtee a mede wɔn dii dwuma	57
3.3	Beaɛɛ a adwuma yi kɔɔ so	59
3.4	Akwan a Mefaa so Nyaa me Nsemmoano No.	60
3.4.1	Nkɔmmɔtwetwee	61
3.4.2	Atwerɛtwere	62
3.5	Ɛkwan a Mefaa so Yɛ Mpɛnsɛmpɛnsɛmu no	62
3.7	Ɔfa yi tɔfabɔ	62

### **ƆFA A ETƆ SO NNAN**

#### **ADWUMA YI MPENSEMPENSEMU**

4.0	Nnianimu	63
4.1	Nneema ahodoɔ a Akanfoɔ de yɛ adesiedee, ne dee nti a wɔde yɛ	63

4.1.1 Nneema a Akanfoɔ de yɛ adwaredeɛ	65
4.1.1.1 Bokiti /Dwaresɛn	66
4.1.1.2 Sapɔ ne adwarepaawawa	69
4.1.1.3 Toobetɛ	71
4.1.1.4 Bɔɔroba / Towuro / Mpepaho	73
4.1.1.5 Samina	75
4.1.1.6 Ankaatwadeɛ	77
4.1.1.7 Baha anaa aburodua	79
4.1.1.8 Adwe	82
4.1.1.9 Yiwan anaa bileedi abaa	83
4.1.1.10 Nsokoduaa	85
4.1.1.11 Nkuto	87
4.1.1.12 Pawoda	89
4.1.2 Akanfoɔ adesiedeɛ a wɔde siesie efunu ho	92
4.1.2.1 Pieto	92
4.1.2.2 Nika	93
4.1.2.3 Ahwennee anaa Ntɔma	94
4.1.2.4 Danta ne etam	96
4.1.2.5 Dɛbɔwo (Duku)	97
4.1.2.6 Ntoma	99
4.1.2.6.1 Kente	101
4.1.2.6.2 Agyeibɔhyɛn	102
4.1.2.6.3 Ntoma fufuo	104



4.1.3	Akanfoɔ adesiedee a wɔda so	106
4.1.3.1	Kete	107
4.1.3.2	Bommo	109
4.1.3.3	Sumiie	111
4.1.4	Akanfoɔ Adesiedee a wɔgye wɔ mmere a wɔdeda efunu no	113
4.1.4.1	Sika	113
4.1.4.2	Duku (Hankɛkyifu)	115
4.1.4.3	Kaawa (Petia)	116
4.1.4.4	Buroni nsa (Hyenaapo)	118
4.2.0	Nsakrae a aba Akanfoɔ adesiedee mu ne nneema a wɔde ye adesiedee no mu	121
4.2.1	Adesiedee aye Sikasem	122
4.2.2	Adesiedee adane akansie	123
4.2.3	Nneema a wɔgye se adwaredee no wɔmfa nware amu no	125
4.2.4	Nneema a wɔfemfem	126
4.2.5	Adesiedee adane afɛɛfesem (Fashion)	128
4.2.6	Adwaredee nneema no bi a asesa	129
4.3	Ɔfa yi tɔfabɔ	131



## NHYENMU

Dwuma yi ye nhwehwemu a eye adesua a efa amannee a ewo Asantefoɔ amammerɛ no mu baako a eye ayiyɛ. Nhwehwemu yi twe adwene si nneema a Akanfoɔ de ye adesiedee ne senti a wɔde saa nneema no ye adesiedee, enne nsakraeɛ a aba kane adesiedee ne enne mmere yi mu adesiedee nneema mu. Mede sukyere anaa nhwehwemu akwankyere a ennyina akontabudee so na eye nhwehwemu yi. Mefaa nnipa aduasa (30) na mede dii dwuma yi na nhwehwemu yi koo so wo Asante Mantam nkuro ahodoɔ a eye Efiduase, Asokore, Dwaben ne Asukokoo a ne nyinaa wo Sekyere Apueee Mansini mu. Mefaa anototoɔ anaa nkommotwetwee kwan nko ara so na menyaa nsemmoano a mede dii dwuma yi. Dwumadie yi mpensempensemu nyinaa gyinaa ‘Saussure (1983) adwenemusem “Semiotics” so. Dee ebedaa adi wo adwuma yi mu ne se, Akanman mu se onipa bi wu a, na onwuiiɛ, na mmom wowo gyidie se okoo kuro foforo so a wofre no Asamando a nananom adi kan wo ho na ete se oman a dee yeye no wo asase yi so no, saa ara pɛpɛpɛ na woye no ho. Ne saa nti no, nneema a yehia no wo asase yi so no, owufoɔ a yeregya no kwan nso hia saa nneema yi na ode akotoa n’abrabo so. Enam wei so nti na Akanfoɔ de nneema bi te se sapa, samina, toobetɛ, towuro, ankaatwadee, bobrapa bokiti, nkuto, pawoda ne dee ekeka ho dware owufoɔ bi no na amma wamfa sebe honam a nka wo mu ankopue Nananom anim. Bio, ebetoo dwa wo nhwehwemu yi mu se, Akanfoɔ nneema bi te se sika, petia, duku, ntoma, hyenaapo, bommo, ne dee ekeka ho gya owufoɔ bi kwan na wanya bi ada so de bi akoo n’amanee wo Nananom anim. Ne korakora no, edaa adi wo nhwehwemu yi mu se, nneema a kane no na Akanfoɔ de ye adesiedee no nsakraeɛ pii aba mu a dee edi akotene wo mu ne sikasem ne akansie a aba adesiedee mu no. Dwumadie yi beboa akenkanfoɔ ama wɔahunu Akanfoɔ amammerɛ a efa adesiedede ho, nkanka ne mmabunu no. Wobehunu nsakraeɛ a aba kane Akanfoɔ adesiedee nneema ne nne mmere yi dee mu.

## ƆFA A ƐDI KAN

### ADWUMA YI NNIANIMU

#### 1.0 Nnianimu

Ɔfa yi kyere dwuma yi nnyinasoo, ne nhyehyeee na esane nso kyere adwuma yi su. Saa ɔfa yi mu ara eɔa ɔhaw korɔ a ekanyann me maa menyaa ɔpe se medi saa dwuma yi adi. Ɔfa yi, eɔa botaeɔ a etaa adwuma yi akyi, nsemmisa ahodoɔ pɔtee a adwuma yi gyina soo, na asane ada mfasoo a yenya firi adwuma yi mu nso adi. Ne korakora no, eɔa beaeɔ a adwuma yi ano kopem ne ne nhyehyeee, efiri mfitiasee kɔsi n'awieeɔ adi, na eɔe dwuma yi nyinaa tofabɔ nso ato dwa.

#### 1.1 Adwuma yi Nnyinasoo

Nneema ahodoɔ pii na nnipakuo bi wɔ a wɔkyere ma wɔda nso firi afoforo mu. Saa nneema yi bi ne amammere. “Amammere ye akwan a nnipakuo bi nam so hyehye wɔn asetena ne wɔn abrabɔ mu nneema ahodoɔ no nyinaa to ho firi awɔ ntotoasoo so kɔsi awɔ ntoatoasoo” (Prempeh, 2016). Prempeh kyere mu se, amammere kyere seɔee na nnipakuo bi tee, seɔee wote enne yi ne seɔee wɔbeyɔ daakye bi. Saa amammere a wɔahyehye ato ho no ma saa nnipakuo no da nso firi afoforo ho.

Amammere ye aɔee a efiri tete, na ewɔ ho enne, ne daa daa. Prempeh (2016) kyere se, amammere hyee aseɔ wɔ bere a yen nananom nyaa suahunu anaa nimdee ne tumi de nsenkyerene dii dwuma ahodoɔ bi se wɔbemema nneema ahodoɔ din, na yeasɔ din no mu ama amansan agye atom preko pe. Okɔ so kyere mu se, amammere ye aɔee bi a eyɔ nwanwa na eyɔ nnidisoɔ nnidisoɔ na etumi dane beyɔ nsenkyerene. Asubonteng ne Hope (2019) nso akyerɔ amammere mu se, eyɔ akwan ahodoɔ bi a yen nananom faa soo de wɔn bra ne wɔn

suahnu ahodoɔ a wɔnyaɛɛ yɛɛ susudua de too ho gyaa nkyirimma. Sɛ wɔkyere a, esiane sɛ nnipa nyɛ supɔ wɔ ewiase yi mu na mmom wɔne abodeɛ ahodoɔ na ɛwɔ wiase yi mu no, wɔn suahunu a wɔwɔ wɔ abodeɛ ahodoɔ a atwa wɔn ho ahyia ne gyidie a wɔnyaa wɔ abodeɛ no mu, deɛ wɔde abodeɛ a atwa wɔn ho ahyia no yɛɛɛ, nneɛma a wɔhunu ne deɛ wɔnhunu a wɔde wɔn atenka nya, ne wɔn ho wɔn ho nkutahodie nyinaa mu na ɛka bom ma wɔnya amammere no. Ne saa nti no, agudeɛ, ntaadehyɛ, gyidie, nyankomade, kasa ne adwinnee nyinaa hyɛ amammere ase.

Akanfoɔ nni wɔn amammere ho agoro. Nneɛma a Akanfoɔ yɛ firi wɔn awoɔ so de kɔsi wɔn wuo mu no, wɔwɔ ɛmu biara amammere a wɔyɛ. Ne saa nti nneɛma a wɔhunu wɔ amammere mu no, wɔbɔ mmɔden sɛ wɔbɛbɔ ho ban sedee ɛbeyɛ a ɛbetena ho daa. Saa nneɛma a Akanfoɔ nni ho agoro, na ɛka wɔn amammere ho firi awoɔ so kɔpem owuo mu no bi ne wɔn anyamesom, awareɛ, abadintoɔ, bragoro ne kyiribra, ayiyɛ, ne deɛ ɛkeka ho. Adwuma yi fa Akanfoɔ ayiyɛ ne fa bi ho a mpensempesemu kɔɔ so fann ara yie. Ayie yɛ Akanfoɔ amammere no mu baako a wɔntoto no ase koraa. Akanman mu no, sɛ obi wu na n'abusuafoɔ anyɛ no ayie a, ɛkyere sɛ wɔamfa obuo amma saa onipa no. Akanfoɔ wɔ gyidie bi sɛ, sɛ onipa wu na n'abusuafoɔ anyɛ no ayie a, ɛtumi ma saa nipa no saman dane samantwentwen. Ne tiawatwa mu no, ayie yɛ amammere a Akanfoɔ yɛ de gya owufoɔ bi kwan firi ateasefoɔ asase so kɔ awufoɔ asase so. Prempeh (2009) kyere a, Akanfoɔ wɔ gyidie sɛ, onipa wu a, ɔkɔtoa n'abrabo so wɔ asamando. Saa gyidie yi nti sɛ obi wu a, wɔyɛ amannee de gya no kwan sedee ɛbeyɛ a ɔbekɔ akɔpue asamando animuonyam mu.

Boahene (2004) ma yɛte aseɛ sɛ, onipadua biara wɔ ɔkra, mogya, honam, nnompe ne sunsum. Bere bi duru na sɛ ɔkra yi ne sunsum yi tete mu pɛ a, na ɛkyere sɛ onipa no awu. ɔkyere a, Akanfoɔ bu owuo sɛ ade kesee enti wɔsusu sɛ, ɛyɛ onipa akwantuo a ɛtwa too wɔ


wiase asetena mu. Owufoɔ no kɔ beaɛɛ foforo a ɛyɛ wiase ntoasoɔ. Gyidie a ɛtae akyire ne sɛ, obi firi mu a, ɔkra no sane kɔ asamando kɔtoa abrafo foforo so. Wei nti sɛ obi wu a, abusuafoɔ keka wɔn ho pɛ ɔkwan pa bi fa so de gya no kwan sononko ɛfiri sɛ onipa no som bo ma wɔn. Mpo, ɛkɔba sɛ onii no resane aba wiase bio a, wanya ɔdo sononko ne wɔn abɛtena ase anigyɛɛ mu. Wei nso ane ma yehunu sɛ, Akanfoɔ wɔ gyidie sɛ, wɔn a wɔwɔ asamando ho no, wɔn ara na wɔsane ba ma wɔwɔ wɔn ba wiase bio no, nti wɔwɔ nwoma bi a woto no sɛ, ‘Asamando kwan mu, obi rekɔ na obi reba’.

Mpanimfoɔ se, ‘Ɛka wo nantini a, na aka wo to’. Ɛna sɛ ani nya a, na ɛhwene nso anya. Ne saa nti no, sɛ adeɛ tɔ obi ani wɔ Akanman mu a, ɛyɛ a na adɔfoɔ taa kɔgyam no na wɔkyerɛ ɔdo a wɔwɔ ma saa nipa no. Adɔfoɔ taa kyere wɔn do wɔ akwan ahodoɔ pii so a ebi ne nsawabodeɛ ne adesiedee. Adesiedee yɛ amanneɛ a Akanfoɔ yɛ ma owufoɔ no de kyere ɔdo a saa nipa no wɔ ma dea wawuo no.

Akanfoɔ wɔ akwan ahodoɔ mmiensa a ateasefoɔ fa so de kyere ɔdo ma owufoɔ bi wɔ adesiedee kwan so wɔ bere a onipa no kɔ ne kra akyi. Akanfoɔ wɔ gyidie sɛ, onipa wu a, na ɔnwuie, na mmom ɔkotoa n’abrabo so wɔ asamando sedee yekyerɛ no, ɛno nti na woyɛ saa amanneɛ yi de ma wɔn no. Dee ɛdi kan no yɛ bere a onipa bi awu na abusuafoɔ resiesie ne ho de no ato mpa so adeda no ansa na wɔakɔsie no. Sedee yeadi kana da no adi no, esiane sɛ owufoɔ no ɔretu kwan afiri ateasefoɔ asase yi so akɔtoa n’abrabo so wɔ asamando nti no, obi wu a, ansa na wɔde no beto adaka mu akɔsie no no, ɛsɛ sɛ wɔsiesie ne ho fɛɛfɛfɛ te sɛ ɔkwantuni no. Nneɛma a abusua de siesie owufoɔ yi ho nyinaa yɛ adɔfoɔ na wɔde ba. Saa nneɛma yi na wɔato ne din sɛ adwaredee. Nneɛma a ɛwɔ adwaredee yi mu no bi ne nsuohyee a ɛgu dwareseɛn mu, samina, sapɔ, nku, pawoda, nnuhwam (spray), ankaatwadee, ne dee ekeka ho.

Okwan a eto so mmienu a atasefoɔ ye de kyere won do ma owufoɔ bi no ne dee woye no bre a amu no da mpa so na adɔfoɔ regyam no. Saa amannee yi na wofre no akwankogyadee. Enam se Akanfoɔ gye di se owuo ye kwan a owufoɔ no retu akotoa n'abrabo so nti no, woye saa amannee yi ma no sedee ebeye a obenya ahoden ne sika a ode betu ne kwan no na ode bi nso akobo ne bra wo baabi a areko no. Nneema a wotumi de gya awufoɔ no kwan no bi ne sika, patia, duku, sika a wokyere se eye owufoɔ no hyentuadee, ntoma, ne dee ekeka ho. Dee eto so mmiensa nso ne dee woye no wo bere a woye owufoɔ no ayie. Ateasefoɔ no ye saa amannee yi de hye owufoɔ no animuonyam. Nneema a wode ye saa amannee yi bi ne ntoma, bommo anaa kete, sumiie, mpaboa, nsa, odwan, ne dee ekeka ho.

Akanfoɔ nye won biribiara kwa. Saa nneema ahodoɔ a mabobo so yi ne nkae no nyinaa wo gyidie ne botae nti a woye. Me nhwehwemu adwuma yi hwe nneema ahodoɔ ne dee nti a Akanfoɔ de ye adesiedee wo ayie ase, enne nsakrae a aba nneema a Akanfoɔ de ye adesiedee mu.



## 1.2 Ohaw no Adiyie

Nnwuma ahodoɔ pii na animdefoɔ binom adi a efa amammere ne amannee ho. Animdefoɔ bi te se Forson (1988), Boahene (2001), Osei (2002), Agyekum (2010), Prempeh (2016), ne Mitja (2017) nyinaa ye nhwehwemu adwuma ahodoɔ a efa amammere ne amannee ho. Saa animdefoɔ ahodoɔ yi nyinaa de won nhwehwemu no faa amammere ne amannee ahodoɔ a efa nnipakuo ahodoɔ bi ho.

Ansa (2014) aye nhwehwemu afa kasa ahodoɔ a ewo Lateh ho, saa ara nso na Johnson (1978) nso yee kasa ahodoɔ a yeka no Lateh a ne nyinaa nso ye amammere no bi a ema

wɔda nso firi afoforɔ ho. Afei, Nketia (1955) ne Finnegan (1970) nso de wɔn nhwehwemu no faa Akanfoɔ nsuiɛ no bi mu mpɛnsempɛnsemu.

Sɛ yehwe ayie ho nhwehwemu nso a, animdefoɔ bi te sɛ Adotey (2010) ahwe ɔkwan a wɔde ayiesɛ nkrataa se ayie, Adinkra (2015) nso de ne nhwehwemu no faa owuo ahodoɔ ho. Ɔkyɛ owuo ahodoɔ mu mmieniu a ɛnonom ne deɛ wato ne kɔn awuo ne atɔfowuo. Afei, Odame (2017) nso adi dwuma afa nsakraɛ a aba Akwamufoɔ ayiye mu.

Sɛ yehwe nnwuma ahodoɔ a mabobo so wɔ ha yi a, deɛ yehunu ne sɛ, adwene ntwe nkɔ amanneɛ ahodoɔ a ɛwɔ Akanfoɔ adesiedɛ mu nhwehwemu so. Ne saa nti no, mehunu sɛ ɛye nimdeɛ akwannya bi a ɛda ho a ɛsɛ sɛ nhwehwemu adwuma bi kɔ so de sɔ ano. Wei na ɛhyɛ me nkuran maa mefa too me ho so yɛ saa nhwehwemu yi.

Bio sɛ yehwe sɛdeɛ nansa yi nneɛma a Akanfoɔ de ye adesiedɛ no adane afɛɛfɛdeɛ ne akansie no a, yehunu no sɛ nneɛma a ɛwɔ mu a ɛbɛda no adi de akyerɛ nkyirimma no reyɛ ayera. Ne saa nti no dwumadie yi hwɛ nneɛma a Akanfoɔ de ye adesiedɛ ne botaeɛ a ɛtae akwire a wɔde saa nneɛma no di dwuma na ne korakora no nsakraɛ a aba nneɛma a na tetefoɔ no de ye adesiedɛ ne ɛnne mmere yi deɛ mu.

### **1.3 Nhwehwemu no tirimpɔ**

Dwumadie yi tirimpɔ ne sɛ ɛhwɛ nneɛma ahodoɔ a Akanfoɔ de ye adeseideɛ, deɛ nti a wɔde saa nneɛma no ye adesiedɛ ne nsakraɛ a aba Ajanfoɔ adesiedɛ mu.

### **1.4 Adwuma yi Botaeɛ**

Nhwehwemu adwuma yi botaeɛ titire ne sɛ, ɛrehwehwe;

- i. nneɛma ahodoɔ ne deɛ nti a Akanfoɔ de ye adesiedɛ wɔ ayie ase

- ii. nsakrae a aba nneema a Akanfoɔ de ye adesiedeɛ wɔ ayie ase no bi mu.

### **1.5 Adwuma yi ho Nsemisa**

1. Edeen nti na Akanfoɔ de nneema ahodoɔ ye adesiedeɛ wɔ ayie ase?
2. Nsakrae ben na aba nneema a Akanfoɔ de ye adesiedeɛ wɔ ayie ase no bi mu?

### **1.6 Adwuma yi ho Mfasoɔ**

Adwuma a ete sei ho wɔ mfasoɔ pii. Mfasoɔ a saa nhwehwemu adwuma yi de beba no bi na edidi soɔ yi.

Dee edi kan no, adwuma yi ye nhwehwemu a efa Akanfoɔ adesiede ho wɔ ayie mu na ayie nso ka Akanfoɔ amammerɛ ho a wɔmfa nni agoro koraa. Ne saa nti, eboa ma won a wonye Akanfoɔ no hunu Akanfoɔ amammerɛ ne okwan a Akanfoɔ fa so gya awufoɔ kwan. Dee eto so ne se, adwuma yi boa akyerkyerefoɔ ne asufoɔ a wɔwɔ adantam sukuu mu ne suapon ahodoɔ nyinaa mu, nkanka ne won a woresua Akanfoɔ Amammerɛ, na ebesan aboa akenkanfoɔ ne daakye nhwehwemufoɔ se mmoa nwoma.

Bio, saa nhwehwemu adwuma yi boa ma yehunu se, nneema a Akanfoɔ de ye adesiedeɛ no nyinaa wɔ senti a wode ye na emu biara wɔ n'asekyere. Enam saa nti na Akanfoɔ gye adesiedeɛ wɔ awufoɔ ayie ase no.

Afei, adwuma yi kyere nsonsonoe a ewo nneema a na Akanfoɔ de ye adesiedeɛ kane no ne enne mmere yi mu dee. Nti adwuma yi da no adi ma yehunu nsakrae a aba nneema a na Akanfoɔ de ye adesiedeɛ kane no ne enne yi dee mu.

Ne korakora no, ema yehunu okwan a yefa so bo Akanfoɔ amammerɛ ho ban, ne titire ne amannee a eda adi wɔ ayie mu a ebi ne adesiedeɛ. Ema yehunu nneema a na eye ne dee


enyɛ a na kane no wɔde ye adesiedee ma awufɔɔ a enne mmere yi nneemafoɔ ato papa no a na ewɔ mu no atwene no na yeasane akɔfa efiri se, sankɔfa dee yenkyiri.

### **1.7 Dee adwuma yi ano Kɔpem**

Nhwehwemu adwuma yi fa Akanfoɔ amammere ho na enam se Akanfoɔ amammere dɔɔso no nti, mantumi anhwe amammere ahodoɔ no nyinaa. Ne saa nti no, adwuma yi hwe Akanfoɔ ayiye nko ara a amammere nkae no nka saa nhwehwemu yi ho bi.

Bio, Akanfoɔ ayiyɔ dɔɔso na ebiara nso wɔ amanee a ekɔ so, nanso saa adwuma hwe Akanfoɔ ayiyɔ no mu baako a eye dɔteyie ne amanee a ekɔ so a eye adesiedee nko ara. Ne saa nti no, ayie ahodoɔ nkae no nka saa adwuma yi ho.

Adwuma yi kɔɔ so wɔ Asante Mantam mu. Se yehwe mu a, Asante Mantam ye Mantam a eso yie a Amansini ne nkuro pii na ewɔ mu. Ne saa nti no, mefaa Mansini baako pe wɔ Asante Mantam no mu a eye Sekyere Apuee. Wei nti no, Amansini ne nkuro ahodoɔ a aka wɔ Asante Mantam no mu no nka m'adwuma yi ho.



### **1.8 Adwuma yi ho Akwansidee**

Adwuma a ete sei no meka se manhyia ohaw biara a, na medi atorɔ. Mehyiaa ohaw ne amanee pii nanso, Nyame adom nti metumi twi faa saa ohaw yi nyinaa so. Ohaw ahodoɔ yi bi na edidi soɔ yi.

#### **1.8.1 Nanasetwetwee**

M'akwansidee a edi kan ne se, yen nyinaa yenim se, se wope se woye nhwehwemu bi na wobonya nsemfua mmoano no ferenkyemm a, gye se wotu anammɔn kɔ wɔn a wɔwɔ saa

adwuma no ho nimdee nan so ne won kotwetwe nkommɔ ansa. Enam se nnipa bonefoo amma yeanhunu nnipa papa nti, eye a nnipa a wɔwɔ nimdee wɔ w'adwuma no ho a wope se wo ne won twetwe nkommɔ no twetwe won nan ase a wɔmpɛ se wode ahokeka ne ahofama ne wo betwetwe nkommɔ no na kampɛse wɔama wo kwan ama woatwe won anoasem agu ahoma so. Wei ma nhwehwemu adwuma bi ye ye den. Mehyiaa saa akwansidee yi bi wɔ me nkommɔtwetwee no mu. Na dodoo no ara nim se mede won anoasem regu afidie so akɔbo akyere amansan anaa rekogyɛ sika afiri baabi, ne saa nti na dodoo no ara ampe se wone me twetwe nkommɔ no.

### **1.8.2 Afidie hwammɔdie**

Dee eto so ne afidie a mede twetwee amanfoo anom nsem guu so no dii a edii me hwammɔ. Yen nyinaa yenim se afidie te se onipa a onam ho na ne ho ye den, yaree tumi kyere no ma otumi mpo firi mu ma no ye nwanwa. Saa ara nso na afidie te. Se wode afidie reye adwuma a, emfa ho se woadi kan ahwehwe ho ahunu se mfomsoɔ biara nni ho, etumi see mmere biara. Sei na etoo me wɔ mmere a na meregye me nsemmoano a mede dii dwuma yi. Se eto da na meko kuro bi so kogye amanfoo anonsem gu afidie no so a, meduru fie na merebo a, na emu reye twitwitwitwi a wonte nsem no wie. Se eba saa a, gye se metu anammɔn ko ho bio ko ne won twetwe nkommɔ foforo. Wei maa mmere a mede maa me ho se mede begye nsemfua mmoano no kaa akyire kakra.

### **1.8.3 Nnipa binom hwammɔdie**

Akwansidee a edi ho no ne nnipa a mede won dii dwuma yi anaa megyee me nsemfua mmoano firii won ho no hwammɔ a ebinom dii me. Na nnipa binom te se won a wodeda

amu ne wɔn a wɔkyere adesiedee wɔ ayie ase no ntene wɔn ho ne me ntwetwe nkɔmmɔ a ɛfa adesiedee a wɔgye no ayie ase no ho. Nsem bi wɔ ho na se mebisa wɔn a, wɔkatakata so a wɔmpɛ se wɔbɛka no pempen de akyere me. Na na mennim deɛ nti a wɔkatakata nsem no bi so saa. Deɛ na wɔka ne se, eye wɔn adwuma mu nsem nti nye ne nyinaa na wɔbetumi abue ani akyere me. Obi nso wɔ ho na se mekɔ ne nkyen a, dwuma a ɔdi nti na ɔnnya kwan ne me nni nkɔmmɔ papa. Obi nso wɔ ho a, ɔhye me bere ma mekɔ, nanso meduru ho bio a, ɔsane hye me bere foforo.

#### **1.8.4 Sikasem mu haw**

Ne korakora no, mehyiaa sikasem ho haw bebree wɔ me adwuma yi mu. Nnipa binom wɔ ho na mekɔ wɔn nkyen a, wɔbɔ me boɔ ansa na wɔatumi ne me atwetwe nkɔmmɔ abue nsem bi so akyere me. Wɔkyere se, enye obiara keke na wotumi susu wɔn nnwuma ho nsem de kyere wɔn. Ebinom mpo tumi bisa oburoni nsa srada (akotoa baako) firi me ho ansa na wɔatene wɔn ho ne me atwetwe nkɔmmɔ no. ɛba saa a, mesre pa kyew ma wote me aseɛ. Ebinom nso wɔ ho a, wɔkyere me se, eye wɔn amannee nti wɔntumi nkwati no. ɛba saa a, mekyini kɔpe bi de bre wɔn.

#### **1.9 Adwuma yi nhyehyee tiawa**

Nhwehwemu adwuma yi kura afa num. ɔfa a edi kan no de adwuma no nnyinasoɔ to dwa sane yi ɔhaw no adi. ɔfa yi twe adwene si adwuma no botaeɛ, eho nsemmissa a adwuma yi gyinaa so ye mpensempensemu no, deɛ dwuma yi ano kɔpem, akwansidee a mehyiaa no adwuma yi mu ne ne nhyehyee nyinaa da adi wɔ ɔfa a edi kan yi mu.

Mede adwuma yi mu ɔfa a etɔ so mmienu no sii hɔ kaa deɛ animdefoɔ bi aka ne deɛ nhwehwɛmu adwuma ahodoɔ bi ada no adi na ɛne me nhwehwɛmu yi wɔ twaka bi adi. Mpanimfoɔ kaa asem bi se, “Enam dua so na ahoma hunu soro.” Ne saa nti, eho kɔhiaa se megyina adwuma ahodoɔ bi a animdefoɔ bi ayɛ so na ama me adwuma yi aduru ne botaeɛ ho. Eno nti, mekyerɛkyerɛ wɔn adwuma no ani so kakra ansa na mereda me deɛ no adi. Ɔfa yi sane twee adwene sii adwuma yi adwenemusem anaa tiɔri a mede dii dwuma yi so. Mede ɔfa a etɔ so mmiensa no kyere ɔkwan a mefaa so yɛɛ nhwehwɛmu yi. Eha yi na medaa beaeɛ a nhwehwɛmu yi kɔɔ so, nnipa a mede wɔn dii dwuma, ɔkwan a mefaa so paa nnipa no ne ɔkwan a mefaa so nyaa nsem a mede dii dwuma yi nyinaa adi.

Ɔfa a etɔ so nan no nso yɛɛ mpensempensemu faa Akanfoɔ adesiedɛ ho. Eha yi megyinaa adwuma yi ho nsemmissa so pensempensem nsemmissa no mu. Nneema a Akanfoɔ de ye adesiedɛ wɔ ayie ase, nneema a Akanfoɔ de ye adesiedɛ no mu biara asekyere anaa deɛ nti a wɔde saa nneema no ye adesiedɛ, ɛnne nsakraeɛ a aba nneema a na kane no Akanfoɔ de ye adesiedɛ ne ɛnne mmere yi deɛ mu. Mpensempensemu a meyeɛɛ no nyinaa megyinaa adwenemusem anaa tiɔri a wɔfrɛ no Simiɔtese so.

Ɔfa a etɔ so num no ne adwuma yi ayieeɛ. Saa ɔfa yi mu na meboɔ adwuma no tɔfa. Eha yi na meboaboa adwuma yi nyinaa ano firi ɔfa a ɛdi kan kɔpem ɔfa a etɔ so num a eyɛ adwuma yi nyinaa ayieeɛ no. Mede m’adwenkyere ahodoɔ a ɛfata wɔ nhwehwɛmu yi mu ne me nsusuie ahodoɔ no nso too dwa wɔ ɔfa yi ara mu.

### **1.10 Adwuma yi tɔfabɔ**

Saa adwuma yi wɔ nkyekyɛmu num. Emu biara wɔ biribi pɔtee a ɛkasa fa ho. Saa ɔfa yi ahwɛ adwuma yi nyinaa nnianimu. Makyere nhwehwɛmu yi nnyinasoɔ, adwuma yi ho haw a mehyiaɛ ne ɔkwan a mefaa so sii ano.

Bio, ɔfa yi akyere botaeɛ a ɛsi m'ani soɔ wɔ saa adwuma yi mu ɛna makyere nsemmissa ahodoɔ a megyinaa so pensɛmpensɛmm me nsemfua mmoano no mu. Afei, ɔfa yi akyere mfasoɔ ahodoɔ a adwuma yi de bebɛre amanfoɔ, akyerekyerɛfoɔ, asuafoɔ ne akenkanfoɔ nyinaa.



## ƆFA A ETƆ SO MMIENU

### ANIMDEFƆƆ BINOM NWOMA A ƐNE ME ADWUMA YI WƆ TWAKA

#### 2.0 Nnianimu

MpanimfoƆ kaa wƆn asem bi se, “Dee Ɔdi akyire no sua dee Ɔdi kan nanteƆ”. Afei se obi nnim a, obi kyere. Saa ara nso na biribiara nni wiase a ebi mmaa da. Ɛnye me na medi kan a mereye nhwehwemu afa amammere ho ne titire ne AkanfoƆ ayiye ho. AnimdefoƆ binom adwenkyere na mede atoto me dee yi ho ahwe se Ɛne no bo abira, Ɛfoa wƆn dee no so, anaa Ɛsakyera wƆn dee no mu.

Ɔfa a eto so mmienu wƆ me adwuma yi mu no hwe dee animdefoƆ binom aka afa AkanfoƆ ne wƆn kasa ho, amammere ho, amammere su, amammere ahodoƆ ho, amammere mfasoƆ ho, owuo ne ayiye ho, ayiye ahodoƆ ho, amannee ahodoƆ a Ɛwo ayiye ho, ayiye so mfasoƆ ho ne adwenemusem adwuma a adwuma yi gyina so. Ɛno akyi no, mebo Ɔfa yi nyinaa tofa ansa na saa Ɔfa yi baa n’ayiee.

#### 2.1 AkanfoƆ ho nsem ne wƆn Kasa

Dolphyne (1988) kyere se, edin Akan wƆ ho firi afe 1950 na eye edin a eda nnipakuo a wƆka Akan kasa no nso, na afei nso Ɛno ne Ɔkasa a nnipa dodoƆ no ara ka na nnipa dodoƆ no te aseƆ pa ara wie wƆ Ɔman Ghana mu. Ghana afaƆan no mu biara no, kasa a nnipa pii no ara de di dwuma ahodoƆ ne Akan kasa.

Nhwehwemu ada no adi se, AkanfoƆ dodoƆ no ara na wƆwo Ɔman yi Apuee, Atsee, Mfinimfini, Asante, Bono Amantam ne Firaw Mantam, fa bi mu. Akan kasa nkorabata ahodoƆ no ne Fante, Asante, Akuapem, Akyem, Gomoa, Agona, Asene, Denkyira, Kwawu, Akwamu, Twifo, Wassa, Buem ne Bono kasa (Agyekum, 2006:361)

Bosiwah ne nkae bi (2015) nso kyere se, Akan kasa ka kwa (Greenberg 1930's Western kwa) kasasuo a ewo Niger- Congo a eka 'Central Volta- Comoe' kasa abusua no ho. GSS (2020) di adanse se, Akan ye abusuakuo kесеe wo oman yi mu a ekuta nnipa beye 24,658,825. Se yekye oman Ghana kasakuo ahodo mu oha a, Akanfo nko ara nya oha mu nkyekyemu aduanan nson ne akyire po mmiensa (47.3%) (GSS 2010). Akanman mu no, kasa a yede di dwuma kесеe ne Akuapem, Akwamu, Akyem, Asen, Twifo, Asante, Denkyira, Kwawu ne Bono. Yetaa te Mfantse nso firi Takoradi kosi Nkran mpotam (Boadi, 1997). Asante Twi, Mfantse ne Akuapem Twi ne Akan kasa nkorabata mmiensa a yetumi sua wo yen sukuu ahodo mu na yefa won mu biara se eye kasa a etumi gyina ne ho so (Akpanlo- Nartey, 2012:143). Akanfo wo nneyee ahodo pii a eboa ma woda nso firi nnipakuo a waka no ho. Won kasa, won amammerе ne amannee, won aduane ne won som nyinaa ka ho bi na ema woda nso firi afoforo ho.

Abakah (2004) nso kyere se, Boka, Anee ne Iguae ye kasa a ehye Mfantse kasa no ase. Ewo yen nwomasua mu nhyehyeee no, Akan kasa ennan: Akuapem, Asante, Mfante ne Nzema na asuafo sua firi mfitiasee sukuu mu kopem suapon mu. Yeasan akyekye Akan kasa nnan yi mu ako akuo mmiensa a enonom ne Twi (Akuapem, Asante) Mfante ne Nzema. Saa nkyekyemu mmiensa yi ne Akan kasa ahodo a wotwere.

Osam (2008) kyere a Akan ye nnipakuo bi a wowo Ghana anaafow fam na woka kasa a ese pa ara. Yebetumi ahu won a woka saa kasa no wo Asante, Bono, Ehafo, Mfinimfini, Apuee, Atsee mantam no mu na Fira Mantam fa baabi. Boahene (2001) nso kyere se, Akanfo a na wowo tete Ghana Ahemman mu no na wote Asuboten Niger nkyen baabi. Eha na Akatananfo nkramofo (Almoravids) yi bepam won afe 1076 AD mu. Abenfo kyere se, na Ghanafo yi te Sudan atsee beae bi a eben bep Taurus. Saa nnipa a na wote Taurus yi

na nnipa bi dwene se wɔn ara tete Babylonfoɔ nnipakuo a wɔfre wɔn Akanad no. Saa nsem yi ye Dr. J. B Danquah adwene a okyerɛɛ.

Boahene (2001) sane de toa so se, Akanfoɔ asefoɔ a wɔtenaa Bono Takyiman ne Asante no firi Dia Omanpɔn no mu. Wɔfiri Dia ho ansaa na wɔrekɔ Niger Asubɔnten ho (Djanne ne Timbuktu ntam). Saa bere no mu na saa nnipa (Bono ne Takyimanfoɔ) yi kyekyeree Dialla enna Asantefoɔ a wɔfra wɔn mu no nso kyekyeree Dialla. Bere a wɔtu firi Dialla no, akwantufoɔ baanu yi (Bono ne Asante) yi betenaa Bono ansaa na Mossifoɔ yi rebedi wɔn so afe 1000AD mu. Wɔde amemenemfe firi ho kɔtenaa Gbon-Djal (Gonja) akyire koraa ansa na wɔbetenaa Firaw Asubɔnten ho a wɔkyekyeree Bono man afe 1295 mu a na wɔn panin ne Obaahemmaa Ameyaw ne ne mma mmarima binom. Obaa yi beyee wɔn so ohemmaa a odi kan, na emu na ne ba barima a otɔ so mmiensa no nso beyee omanhene a odi kan.

Boahene (2001) kɔ so kyere mu se, Asantefoɔ no a na wɔte Dialla no nso tu firii ho a obaahemmaa Nyankomadiawuo da wɔn ano betenaa Bono a ewɔ ɛenne Ivory Coast (Cote D'ivoire) man mu. Afe 1600 mu no, Mandefoɔ de oko toaa wɔn bedii wɔn so. Ankyee Nyame, obaapanin a oda Oyokoo abusua ano no boaboa ne mma ano betenaa Bonofoo nkyen wɔ Takyiman. Ne ba baa Bempɔmaa a one wɔn nam no faa baabi kɔkyekyeree ne kuro a ede Asiakwa. Ne Nana osee Tutu beyee Kumashene afe 1699. Mfee mmienue akyire no, obeyee Asantehene (Hwe Bosiwah ne afoforo, 2015).

## **2.2 Amammere**

Amammere ye okwan a nnipakuo bi nam so hyehye wɔn asetena ne wɔn abrabɔ mu nneema ahodoɔ no nyinaa to ho firi awoɔ ntotoasoo so kɔsi awoɔ ntoatoasoo (Prempeh, 2016). Oko

so kyere mu se, amammerɛ kyere sedee na nnipakuo bi tee, sedee wote enne yi ne sedee wobeyɛ daakye bi. Saa amammerɛ a wɔahyehye ato ho no ma saa nnipakuo no da nso firi afoforo ho. Akanfoɔ nso ye nnipakuo a wode saa nhyehyee yi di dwuma wɔ wɔn asetena mu. Amammerɛ ma nnipakuo bi da nso firi afoforo mu. Ema yehunu nnipakuo bi nnuane a wodi, ntoma a wofira anaa ntadeɛ a wɔhye, wɔn anyamesom, wɔn kasa ne deɛ ekeka ho. Akanfoɔ desiedee a woye no wɔ ayie ase de ma owufɔɔ no nyinaa ye adeɛ ema Akanfoɔ da nso firi nnipakuo nkaeɛ no mu sedee onimdefɔɔ yi ada no adi yi.

Tylor (1871) kyere se amammerɛ ye adeɛ bi a eye hanyann nanso nnimdee, gyidie, adwinnee, mmara, ɔbra-pa, amanneɛ ne suban biara a nnipa sua anaa nya efiri se, eka nnipakuo biara ho. Ampa, wei mfa mmarima ho pe, na mmom mmaa nso ka ho a woye bi. Efiri Tylor mmere so, asem “amammerɛ” abeye nhunumu ne fapem pɔtee a wɔn a woye amammerɛ ho nhwehwemu no de di dwuma wɔ wɔn nwuma mu. Tylor (1871) de toa so se, nnipa nneyeeɛ ne wɔn adwene nye adeɛ bi a enni botaeɛ anaa tirimpɔ biara, na mmom wodi mmara kann so, Eno nti wobɛtumi afa nimdee soronko kwan so aye nhwehwemu afa ho. Kasasin a eho hia wɔ ne nkyerekyeremu no mu ne se “onipa benya biribi esian se oka ekuo bi ho”. Tylor nkyerekyeremu no nso hwe biribi fa nneyeeɛ ne gyidie a onipa nya na enye se ɔrenya afiri n’abusua mu, na mmom ɔnya wɔ bere a ɔrenyini wɔ ekuo bi mu a woda amammerɛ pɔtee bi adi. Tylor nsem a ode to dwa wɔ ha yi ne saa dwuma yi wɔ twaka kyere se, gyidie a Akanfoɔ wɔ se owuo ye akwantuo ma ɔteasefoɔ nyi na se onipa bi wu a na wɔrekɔsie no a wode adesiedee ka ne ho sedee ɔbenya nneema de akɔtoa n’abrabo so wɔ asase foforo no so.

Adamson (1990) kyere n’adwene wɔ amammerɛ ho se, eye nneyeeɛ ne suban ahodoɔ bi a wode abom asua na eda adi wɔ nnipakuo bi mu. Deɛ onimdefɔɔ yi repe akyere ne se, yennya

suban ne nneyeε firi yen ho yen ho bere a yeaka abom se nnipakuo anaa abusua baako. Wei di adanseε pefee se, nye nnipakuo anaa abusua bi a yefiri mu nko ara na yetumi nya suban anaa nneyeε bi firi, na mmom bere a yene yen ho yen ho di ahyia no, yetumi sua saa suban anaa nneyeε yi bi. Eno na Zimmemann (2002) de ato so se, amammere ye adeε a yesua wε nnipakuo titire bi ho, εfa wεn kasa, nyamesom, nnuane, nnwom ne adwinnieε ho.

Amammere di akotene wε nnipakuo biara asetena mu a Akanfoε nso ka ho. Akanfoε amammere no bi ne abadintoε, bragoro ne kyiribra, ayiyε, nsaguo, anyamesom, awareε, adesiedeε, ne deε ekeka ho. Yen nananom hyeε da hyehyeε saa amammere yi too hε sedee εbeboa ama wεn asetena mu atu mpon. Se εduru mmere a ese mu a, wεtumi sakra amammere mu to deε enye no twene kofa deε eye no ka ho bere a nnipa nimdee reko anim sedee εbeboa adasamma asetena mu.

Asiama ne Lugogyε (2008) aka no wε Tuffour (2020) mu se, amammere ye nsunsuansoε mu a nneema a εfa nnipa ho no de aba. Wεtoε so se, yebetumi aka se amammere ye oman bi agyapadeε. Ne saa nti eye awu-a-gya-mma. Wei kyere se, yede ma firi awoε ntoatoasoε de kosi awoε ntoatoasoε so. Ne saa nti na nnipakuo biara wε wεn amammere no. Yewε Asantefoε Amammere, Nkranfoε Amammere, Korobofoε amammere, Akyemfoε amammere ne deε eka ho nyinaa. Wei na εboa ma yehunu nsonsonoeε a εda saa nnipakuo yi ntam. Bere a Anwonafoε redi akple se wεn aduane titire no, na Asantefoε nso redi fufuo se wεn aduane titire, bere a Dagombafoε rehye fuugu se wεn afadeε no, na Asantefoε nso refura kente se wεn afadeε. Weinom nyinaa ma nsonsonoeε ba nnipakuo yi ntam.

Montagu (1975) kyere n'adwene wε amammere ho se, eye adwene ahodoε bi anaa ade dodoε bi a ekeka bom hanyann na εda nneyoεε anaa suban bi a ewε yen mu ne nneema a

εωο ανισοο no nyinaa adi, na εbom na εma onipa tumi nya nneεma a atwa yen ho ahyia, deε εhwe so anaa εdi so, na εtumi sesa no abere biara na εtumi nso kyere afoforo.

Εrekame ayε se nnipakuo anaa nnipa biara ωο amammere. Oburoni oo, Obibini oo, obiara ωο n'amammere. Amammere ye adeε a εfiri tete yen nananom mmere so, na atena ho abesi enne na εbewo ho daa daa, mmom nsakyerεaeε na εbeba ebinom mu. Nsem yi ye nokware kyere se, gyidie hye amammere mu na gyidie a Oburoni ωο fa owuo ho no, Obibini nso ωο gyidie foforo fa ho. Bio, nneyεε a εko so ωο mmere a obi awu ωο Akanman mu no, nneyεε bi nso ko so ωο mmere a obi awu ωο Korεboman mu, na mmom nsakraeε na εwo mu. Wei kyere se, nnipa ahodoο nyinaa ωο amammere, ne saa nti, amammere akoye agyapadeε bi a nnipa biara ωο bi na εde di dwuma ωο n'asetena mu sedee (Kottak, 1990) kyere no. Bio, Geertz (1973) nso de to dwa se, adwenefua a εgyina amammere sua no ene ne nsenkyerene so. Amammere ye mmara a yεahyehye na yeaka abom na εbo suban ne nneyεε ahodoο no ho ban, Se nye saa mmara ne nhyehyεεε a akeka abom na εbo nnipa suban ne wεn nneyoεε ho ban ωο εman anaa nnipakuo bi mu a, anka asetena beye den ama onipa biara.

Sedee madi kan akyerε mu no, amammere ye adeε a εfiri tete, na εwo ho enne ne daa daa. Prempeh (2016) kyere se, amammere hyεε aseε ωο bere a yen nananom nyaa suahunu anaa nimdeε ne tumi de nsenkyereneε dii dwuma ahodoο bi se wεbemema nneεma ahodoο din na yeaso din no mu wie ma amansan agye atom preko pe. Oko so kyere mu se, amammere ye adeε bi a eye nwanwasoo na eye nnidisoο nnidisoο na εtumi dane beye nsenkyerene. Ne saa nti no, agudeε, ntaadehye, gyidie, nyankomade, kasa ne adwinniε nyinaa hye amammere ase.

Akanfoο nni wεn amammere ho agoro. Ne saa nti no, nneεma biara a εhye wεn amammere mu no anaa nneεma a yehunu no ωο amammere mu no, wεbo mmoden se wεbebo ho ban

sɛdɛɛ ɛbɛyɛ a ɛbɛtɛna hɔ daa. Ɛnam saa nti na amanɛɛ a Akanfoɔ yɛ owufoɔ de gya no kwan firi atɛasɛfoɔ asase yi so kɔ asamando no atɛna hɔ firi nananom mmɛrɛ sɛ de abɛsi nɛɛ yi, na ɛbɛtɛna hɔ daa daa ɛsiane sɛ amammɛrɛ yɛ awuagyama. Saa nɛɛma a Akanfoɔ nni ho agorɔ no bi ne adɛsiedɛɛ a wɔdɛ gya wɔn dehyɛɛ a wɔwuo no kwan.

### **2.2.1 Amammɛrɛ Ahodoɔ**

Asiamah ne Lugogyɛ (2008) kyɛrɛ sɛ, amammɛrɛ gu mu ahodoɔ mmienu. Wɔkyɛrɛ sɛ, dɛɛ ɛdi kan ne amammɛrɛ mmara a wɔdɛ asi hɔ na yɛntumi mfa yɛn ani kann nhunu. Dɛɛ ɛto so mmienu nso ne dɛɛ yɛntumi de yɛn ani kann nso hunu.

Dɛɛ ɛdi kan a yɛnfa yɛn ani kann nhunu no yɛ amammɛrɛ mmara a ɛyɛ ɔhyɛ ma obiara sɛ ɔdi so na ɔdɛ bɔ ne bra. Saa mmara yi yɛsua na yɛdɛ ma afoforɔ nso na abɔ kwan a wɔbɛfa so adi wɔn nwuma na wabɔ ho ban. Ɛyɛ nnipakuo biara akyiwadɛɛ sɛ obi bɛkyɛa afiri amammɛrɛ mmara ho. Mɛn pii no, wɔtaa twe nnipa a wɔbu mmara so no aso. Akanfoɔ akyiwadɛɛ sɛ obi bɛnyɛm na yɛangoro no bra. Wei nti ɛba saa a, wɔyɛ no kyiribra de twe n'aso. Saa mmara yi yɛ dɛɛ yɛmmfa yɛn ani kann nhunu, nanso obiara di so sane de di dwuma wɔ asɛtɛna mu sɛdɛɛ ɔnkɔ ɔhaw ne amanɛhunu mu wɔ bɛaɛɛ a wɔtɛ no.

Bio, Akanfoɔ amanɛɛ a wɔyɛ no wɔ adɛsiedɛɛ mu wɔ mmɛrɛ a obi afiri mu no bi wɔ hɔ a, yɛmfa yɛn ani nhunu. Obi wɔ a, wɔma no sika sɛ ɔduru kwan so a, ɔdɛ atɔ nsuo anom anaa ɔdɛ atua kaa a ɔbɛforo no ka. Afei, wɔtumi mane dɛɛ wawuo no sɛ ɔmfa nkɔma obusiani bi a wadi kan wɔ asamando hɔ. Weinom nyinaa yɛ nɛɛma a Akanfoɔ mfa wɔn ani nhunu sɛ kaa bi wɔ asamando a owufoɔ foro anaa awufoɔ hunu wɔn ho bio, nanso wɔgyɛ di. Ne saa nti no ɛka wɔn amammɛrɛ ho a wɔnni ho agorɔ na saa nɛɛma yi bi na dwuma yi twa no mfonin hwɛ botɛɛ a Akanfoɔ gyina so yɛ saa amanɛɛ yi bi.

Amammerɛ a ɛtɔ so mmieniu no yɛ deɛ yɛde yɛn ani kann hunu no sɛ amammerɛ no yɛ nneɛma ahodoɔ a ɛka nnipa dadaa asetena mu. Weinom yɛ kwan a yɛfa so yɛ yɛn nneɛma bi, yɛn adan ahodoɔ a yɛdeda mu, yɛn nhyehyɛɛ a ɛfa ahensem ne awaresem ho, mfidie a yɛde yɛ yɛn nnwuma ahodoɔ ne ade.

Sɛ yɛhwɛ nneɛma a Akanfoɔ de yɛ adesiedɛɛ de sie awufoɔ no a, ɛrekame ayɛ sɛ ne nyinaa yɛtumi de yɛn ani hunu. Nneɛma bi te sɛ bokiti a wɔde dware awufoɔ, toobetɛ a wɔde pepa owufoɔ ho, ankaa tawdeɛ a wɔde siesie owufoɔ ho, Buroni nsa a wɔde yi amu no so mmusuo, bommo ne ketɛ a wɔde ma owufoɔ no kɔda so, ne deɛ ɛkeka ho nyinaa yɛ nneɛma a yɛde yɛn ani hunu na ɛka Akanfoɔ amammerɛ ho a wɔntoto no ase koraa.

## **2.2.2 Amammerɛ Su**

Prempeh (2016) kyɛrɛ sɛ amammerɛ wɔ su ahodoɔ bi a ɛho hia yie pa ara. Saa su yi bɛboa ama wɔn abrabɔ betu mpɔn na wɔn amammerɛ nso anyera. Saa su yi bi na ɛdidi soɔ yi:

### **2.2.2.1 Wɔkyɛ nneyɛɛ a ɛwɔ amammerɛ mu**

Nneyɛɛ biara a nnipakuo bi bɛgye ato mu sɛ ɛka wɔn amammerɛ ho no, sɛ wɔreyɛ saa nneyɛɛ no a, wɔkyekyɛ ma obiara nya ne kyɛfa a ɔde bɛboa sɛdeɛ biribiara beyɛ kama, sɛdeɛ amansan rehwehwɛ no. Sɛ ebia, ayie bi ba abusua mu a, abusuapanin no kyekyɛ asɛdeɛ no ma nnipa a wɔwɔ n'abusua no mu. Sɛ mmarima no bɛbɔ amena, mmaa bino bɛkyɛrɛ adesiedɛɛ na ebinom nso adeda wɔn a wɔbɔ nsawa no ase, mmirantɛɛ no nso bɛsoa nkonnwa na mmayewa no nso akyekyɛ nsuo ama ahohoɔ. Wie nyinaa boa ma obiara di ne dwuma kama wɔ ɛberɛ wɔyɛ ayiyɔ amammerɛ no.

### **2.2.2.2 Yesua Amammerɛ**

Sɛ yɛwo obi to amammerɛ mu a, ɛsɛ sɛ ɔsua n'amammerɛ anyɛ saa a, ɔbetumi atɔ sini wɔ ne nkorɔfoɔ mu. Enam sɛ Akanfoɔ mpɛ sɛ wɔn mma werɛ bɛfiri wɔn amammerɛ ne amanneɛ no nti, Akanfoɔ tumi kyerekyerɛ wɔn mma sɛdɛɛ ɛbɛyɛ a wɔntɔ sini wɔ wɔn amammerɛ mu. Wɔtaa kyere wɔn mma ɔkwan a wɔfa so yɛ nnoɔma ahodoɔ binom te sɛ tweneka, ɛhayɔ, nnwontoɔ, asa, aduanenoa, atono ne dɛɛ ɛkeka ho sɛdɛɛ wɔn nkyirimma nso betumi atoa so de agya wɔn mma. Dɛɛ Prempeh de to dwa yi ne saa dwuma yi sɛ wɔkyere amammerɛ no wɔ twaka yie ɛfiri sɛ, ɛfiri tete nteredee no, nneɛma a akɔ so wɔ adesiedee a wɔde ma awufoɔ no, saa ara na ɛkɔ so ɛnne mmere yi nso. Sika a na wɔde bɔ owufoɔ bi duku ano sɛ ɔmfa ntɔ nsuo nnom, petia a na wɔde bɔ ne duku ano sɛ ɔmfa nyɛ amenneɛbɔ, dwaresen ne nneɛma ahodoɔ binom a na wɔde dware awɔfoɔ na enam so ama wɔanya nneɛma de akɔtoa n'abrabɔ foforo so tete mmere no, saa nneɛma yi atoa so ayɛ adesiedee a Akanfoɔ de ma awufoɔ ɛnne mmere yi nso. Wei di adanseɛ sɛ, wɔn a wɔdi akyire no sua saa amammerɛ no afiri wɔn a na wɔdi wɔn akyi no ho sɛdɛɛ mpanimfoɔ ka sɛ, 'Dɛɛ ɔdi akyire no sua dɛɛ ɔdi kan nantɛɛ' no.

### **2.2.2.3 Nnipa na ɛyɛ Amammerɛ**

Ɛyɛ nnipakuo biara asɛdɛɛ sɛ wɔbɛhyehyɛ nneyɛɛ papa a wɔgyɛ di sɛ ɛbetu mpɔn ama wɔanya nkɔsoɔ wɔ wɔn daa daa asetena mu. Nananom yɛɛ nhyehyɛɛ ahodoɔ a wɔde gya nkyirimma sɛ wɔntoa so. Nnipakuo biara wɔ wɔn amammerɛ a wɔyɛ a ɛma wɔda nso firi afoforo dɛɛ ho. Amammerɛ yɛ suban pa ne nneyɛɛ pa a yɛsua ma nnipa da sononko.

Onimdefoo yi adwenkyre yi a waka afa amammerɛ su ho yi ye nokware yie pa ara ɛfiri se, nneyɛɛ ahodoɔ biara a ɛko so wo amammerɛ mu no, eye nnipa a wɔwo ɔman anaa kuro bi mu no na wɔye. fa no se eye Akanfoɔ amammer se onipa wu a, ansa na wɔbesie no no, gye se wɔdware no ɛfiri se wɔsusu anaa wɔwo gyidie se onipa no retu kwan ako nananom nkyen nti ese se ɔkopue ho wo animuonyam mu. ɛnam se owufoɔ no ara ntumi nware nti no, eye nnipa a wɔwo efie ho no asedee se wɔye saa amanneɛ no de ma owufoɔ no. Wei nyinaa foa dee Prempeh de to dwa fa amammerɛ su ho no so, na eye nokware se yesua nnipa na wɔye amammerɛ anaa amanneɛ a ewo amammerɛ mu no, eye nnipa a wɔwo nnipakuo mu no na wɔye.

#### **2.2.2.4 Amammerɛ Nyini**

Amammerɛ ye nhyehyɛɛ a entim faako. Yetumi ye mu nsakraɛɛ. ɛduru bere bi a, na ehia se yesakyera nneyɛɛ anaa nnoɔma bi mu ma ene eberɛ no mu nsem di nsawɔsoɔ. Asiamah ne Lugogyɛ (2008) kyere se, Amammerɛ nsesaɛ no gyina nyini a enyini no so. Biribiara a enyini no wo ho kwan se nsakraɛɛ ba mu. ɛnte saa a, anka nkyirimma a wɔreba no ntumi ntena saa amammerɛ no mu. Se wɔhunu se nneyɛɛ no bi ntumi mmoa wɔn asetena mu nkɔsoɔ a, ese se ɔmanfoɔ no sesa mu firi wɔn abrabɔ mu sedee ebeye a wɔbetu mpɔn ako wɔn anim wo abrabɔ mu. Nhwesoo kan ne amammerɛ kwan a wɔfa so sie Akanfoɔ ahenfonom. ɔmanfoɔ gye di se, wɔkum nnipa na wɔde asie ahemfo yi. ɛnam se wɔhunu se enye nti no wɔtumi sakra mu. Wei da no adi se, amammerɛ a emma ne ho kwan mma enyin na afei nso empe nsakraɛɛ ne mpontuo no, etaa ne nkyirimma no nya ntawantawa. Akanfoɔ bragoro amammerɛ nso ye dee wɔde nsesa aba mu esiane se, mmayewa yi ko sukuu kɔpe nimdee. Wei nti se yeyi wɔn ho wo abontene saa a, wɔko sukuu mu a ebema wɔn afere.

Ɛnnye Akanfoɔ bragoro nko ara na nananom de nsakraeɛ aba mu,, se yehwe nneema a kane no na wode ye adesiedee ma awufoo no a, nsakraeɛ pii na aba mu. Dee ebetoo dwa wo me nhwehwemu yi mu ne se, kane no nneema bi te se nsokodua, toobetee, bokiti bobrapa, ankaa twadee, nkuto, ne nneema ahodoo binom a na kane no wode ye adesiedee ma awufoo no nsakraeɛ aba pii mu. Ɛnne yi wode Buroni apoosee (tooth paste) asi nsokodua anan mu, wode towuro asi toobetee anan mu, wasesa ankaa twadee no de ‘sure’ asi anan mu. Wei kyere se, mmere bi so a, wotumi sakra amammerɛ mu kofa dee ebeboa nnipa a wowo oman anaa kuro mu no. Ɛnam wei nyinaa so nti na nananom ye nsakraeɛ a ewo amammerɛ mu no. Saa ara nso na kyiribra amannee no nso woye ho nsakraeɛ.

#### **2. 2.2.5 Amammerɛ ne Okasa**

Agyekum (2006) kyere mu se, Akanfoɔ nam okasa so na ede won gyidie ne won adwene mu nsem ne osuahunu to dwa. Wei kyere se, Akanfoɔ ma dee wogyee die, dee wadwene, dee wohunu, dee wosusu se eye papa ne bone a whyia wo won asetena mu, ne won abraboo mo nyinaa no daa di wo won kasa mu. Amammerɛ ne kasa betumi ama yehunu dee obi firi ne kasa a onipa koroo no ka.

Williams (1977) kyere se, Amammerɛ ne kasa ye adee bi a nnipa dodoo no ara ani gye ho na wope, eno nti abeka nnipa asetena ho. Wokyere se, eye adee bi a emu da ho fann na ekyere nnipa ase wo wiase yi mu. Amammerɛ ne kasa a egyina ne nan so yi boa ma yehunu nnipakuo bi farebae.

Dee animdefoo yi da ato dwa yi kyere se, amammerɛ ne okasa na enam, ne saa nti no obi ntumi nte okasa mfiri amammerɛ ho. Ne nyinaa ne se, enam okasa so na yede amammerɛ to dwa. Obi ntumi nsua oman anaa nnipakuo bi amammerɛ wo mmere a onsua won kasa,

na saa ara nso na ɔntumi nsua wɔn kasa wɔ mmere a ɔnsua wɔn amamere. Se yeba no Akan kasa mu a, nsem bi wɔ ho a kasa no mmara mma kwan mma womfa nto dwa anaa wonka no badwam. Enam wei so nti se obi resua kasa no na ɔnnim saa amammere yi a, ema yehunu se onipa no ye sebe kusie na ɔpe se ɔdane ne ho ahwea na ne dua na ama yede hunu.

### **2.3 Owuo (Owuo Ahodo)**

Owuo wɔ ɔbra kanko no mu bi wɔ ɔdasani biara abrabɔ mu a ɛkyere se, saa onipa no home a etwa toɔ wɔ asase so ne no. Yefa owuo se ehye ɔbra kanko no mu bi efiri se, ɔbra kanko no hye aseɛ firi mmere a wɔbewo onipa bi nneema a ɔbefa mu de kɔsi bere a onipa no abrabɔ to betwa wɔ atasefoɔ asase so na ɔrekɔbɔ ɔbra foforo wɔ asamanman mu. Akristofoɔ ne Nkramofoɔ nso wɔ gyidie se, obi wu a, ɔkɔ ɔsoro aheman mu anaase ɔbonsam gya mu.

Owuo twa onipa abrabɔ a ɔbebɔ wɔ asase soɔ so, na mmom entwa onipa nkwa so. Se nti ne se, Akanfoɔ wɔ gyidie bi se onipa wu a, na ɔnwuie, na mmom ɔtu kwan kɔtena ɔman foforo so a wɔfre no asamando. Wɔsan wɔ gyidie bi nso se, wɔn a wɔwuwu kɔ asamando no, wɔn ara na wɔsan ba wise bio ma wɔwo wɔn no. Eno nti wɔka nsem bi se, ‘Asaman kwan, obi rekɔ no na obi reba’. Enam wei so nti na wɔn nsuie mu no, wɔtumi to to owufoɔ bi nkra se obi reba a, wɔmmame wɔn. weinom nyinaa di adanseɛ se, owuo hye ɔbra kanko no mu bi.

Sarpong (2006) kyere se, obiara ntumi nkyere sɛdeɛ owuo tee pɔtee, esiane se, owufoɔ biara nsanee n’akyi mmaa atasefoɔ asase so mmekyerɛɛ deɛ esi wɔ asamando. Ɔse, eno nti na Akanfoɔ ka se, “Obiara mforo owuo atwedee nsanee n’akyi” no. Ɔtoa so se, owuo da ho ma obiara na deɛ eɛ se yebisa yen ho ne se, Ɔdomankoma bɔɔ owuo maa owuo faa no a,

na owuo begya hwan wɔ asase so? Nkyeremu yi da adi sɛ, suahunu a ɛwɔ ayiyɔ amannee mu te sɛ adesiedee no kyere sɛ owufoɔ bi refiri ateasefoɔ asase yi so. Saa onipa yi retu kwan akɔ asamando akɔtoa awufoɔ a wɔadi kan na ɔduru ho a, wabu n'akontaa akyere wɔn. Ne saa nti no ɛsɛ sɛ abusua, adɔfoɔ, ayɔnkofɔɔ, mma ne okunu anaa ɔyere gya no kwan kama na ama ɔno nso ahunu sɛ asase yi so a ɔbaeɛ no ɔbetoo nnipa anaa ɔne nnipa na ɛbetenaee. Enam wei so nti na Akanfoɔ sie adesiedee ma owufoɔ wɔ mmere a watoa nananom wɔ nseedo no. saa nneema yi bi na dwuma yi da no adi no.

Huber (1993) kyere sɛ, sɛdeɛ awoɔ hye ɔbra kanko no mu bi nti no, saa ara na owuo nso ye abrabɔ akwantuo no mu baako a ɛda amansan nyinaa kɔn mu. ɔda no adi sɛ, ɛfiri tete nteredee, nnipa anya osuahunu sɛ, obiara a waba asase so no beko owuo daakye. ɔse, ɛsɛ sɛ obiara de to n'adwene mu sɛ, onipa biara nkwati owuo wɔ n'asetena mu. Wei nti na Mpanimfoɔ bu ɛbe bi sɛ, "Owuo atwedee, ɔbaakofoɔ mforo" no.

Kuada ne Chacha (1999) nso kyere sɛ, ɔbra twa owuo na sɛ obi firi ateasefoɔ asase so a, na ɛnkyere sɛ onii no nte ase bio, mmom ɔko honhom mu wiase de ne ho kɔfra nsamanfoɔ. Wei nti na Akanfoɔ bu owuo sɛ onipa akwantuo a ɛtwa toɔ wɔ ne wiase abrabɔ mu no. Ne saa nti, sɛ obi firi mu a, wɔkeka wɔn ho pɛ kwan pa bi fa so de gya no kwan ma ɔko asamando. Obi wu a, adɔfoɔ ne abusuafoɔ nam ayiyɛ so de yi nneyeeɛ ahodoɔ adi de kyere ayɔnkofa a na ɛda wɔn ne owufoɔ no ntam adi.

Mbiti (1989) kyere sɛ, Abibifoɔ hunu owuo sɛ akwantuo na mmom ɛnye ɔseeɛ. ɔse, Abibifoɔ wɔ gyidie sɛ, owuo nni kwatibea na ɛda amansan kɔn mu a ɛtete abusua ntam bere a ɔdasani renyini no. Dee onimdefoɔ yi kyere ne sɛ, owuo ye twaka a ɛda ateasefoɔ ne honhom mu wiase ntam anaa wɔn a yede yen ani hunu wɔn ne wɔn a anikan nhunu wɔn ntam. ɔse, yewɔ anyankomade kuntann bi a yeyɛ wɔ owuo, funsie, ayiyɔ ne adedie ho a

yentoto no ase wɔ abrabɔ mu. Yete deɛ Mbiti (1989) aka yi ase wɔ bere a obi afiri mu na abusuafoɔ de ahokeka reye owufoɔ no ayie de agya no kwan korakora afiri ateasefoɔ asase so.

Anti (1977) nso kyere sɛ, ansa na owufoɔ bi beka n'ani agu soɔ no, na ne sunsum afiri ne mu dada nam asaman kwan so. Wei kyere sɛ, onipa wu a, ntempa no ara na ne sunsum no aduru asamanman mu. Deɛ Anti (1977) ada no adi yi ma yete aseɛ sɛ, onipa wu a, na wawu. Mpen pii no, sɛ obi wu mpofirim wɔ Akanman mu a, gyidie a wɔde tae akyiri ne sɛ, onii no wuo nnya nnuruu hɔ nti ɔbetumi asɔre bio. Bere a wɔtaa ka saa asem yi ne sɛ aboatea aforo obi na wafiri mu.

Opoku (1973) de to dwa sɛ, Ɔkanni te ase a, ɔfra abusua mu. Na sɛ owu nso a, abusua korɔ no ara mu na ɔsane kɔ wɔ asamando hɔ. Nanso sɛdeɛ ɔreba a ɔnam agya so ba no, saa ara nso na ɔresan akɔ a, agya na ɔgya no kwan. Yehwe Opoku (1973) nsem yi mu wie a, yɛhunu sɛ eno nti na sɛ obi wu wɔ Akanman mu a, mpen pii no wɔdeda no wɔ n'agya fie no.

Effa (1993) ma yete aseɛ sɛ, onipa biara hyɛbere so a, na owuo ate no hwim apia n'atiko de no akɔsi Ɔdomankoma Owuo kurom. Deɛ mede beka Effa (1993) deɛ yi ho ne sɛ, onipa biara wɔ ne hyɛbere. Eno nti na Akanfoɔ ka sɛ, “Obi rekra ne Nyame no, na obi nnyina hɔ no”. Saa ara nso na yenim sɛ hyɛbere nni kwatikwan no. Enam Wei nti, sɛ obi wuo duru hɔ a, biribiara ntumi enye no nkwa.

Sarpong (2006) kyere sɛ, ekwan a Akanfoɔ fa so ye nneyɛɛ bi de kyere awerehoɔ a wɔwɔ mu bere a obi awuo ne sɛ, wɔreyɛ ayie de agya no kwan ama wakɔka nsamanfoɔ ho. Deɛ Bamfi-Adomako (1998) nso kyere ne sɛ, owuo akɔye kontonkorowi a ɛda amansan kɔn mu. Wei nti sɛ Ɔkanni bi kɔto sɛ wɔdeda obi wɔ mpa so a, na onii no akae sɛ, saa ara na ɔno nso beda hɔ de ne nsa agu ne koko da bi. Mefoa deɛ Bamfi- Adomako (1998) reka yi

so. Eba saa a, deɛ yataa ka ne sɛ, onii no reye ne ho ayie ansa na ne wuo ankasa aduru so. Enam sɛ Akanfoɔ wɔ kasa bi sɛ, ‘Wo yɔnko da ne wo da’ nti na sɛ obi wu a, ateasefoɔ kyere wɔn dɔ wɔ adesiedee kwan so no. Woye saa de kyere ɔdɔ a na eɔa wɔne owufoɔ no ntam, na afei nso wɔdwene sɛ daakye bi no wɔbɛhyia bio wɔ asamando sɛ eyɛ ɔman ampa. Forson (2001) da nsem a Brutus kaeɛ wɔ bere a wɔwowaɔ Julius Caesar sekan maa owuie no adi de kyere ɔdasani biara ayieeɛ. Deɛ Brutus kaeɛ ne sɛ, “Nananom nsamanfoɔ, yesre mo, momma yenhunu mo apedeɛ. Owuo deɛ, yenim sɛ eɔa ho ma yen. Na mmom da kora a yebewuo no, ne twen a yeretwen no na yenhunu ano.” Wei da adi sɛ, owuo da amansan nyinaa kɔn mu na obiara nnim sedee ɔbetu saa owuo akwantuo yi gye sɛ nananom nsamanfoɔ na wɔbɛkyere. Deɛ Forson (2001) reka yi ma yehunu sɛ, nsamanfoɔ tumi boa ateasefoɔ sedee Akanfoɔ gyidie kyere wɔ nsuie ne nsaguo mu no. Ne saa nti sɛ obi firi mu a, na eɛ sɛ ateasefoɔ nso kyere wɔn dɔ kyere no na ama wɔanya adwenpa wɔ wɔn ho. Ɔdɔ a ateasefoɔ yi no adi kyere awufoɔ no bi ne adesiedee a wɔde ka wɔn ho tu kwan no. Opoku (1987) kyere sɛ, owuo ye adeɛ a eyɛ awerɛhoɔ na eɔe onipa kɔ n’ayieeɛ mu, nanso eɔuru baabi a, na esu a yede bata ho no hia wɔ ekwan bi so. Deɛ ɔpe sɛ ɔkyere ne sɛ, owuo ye akwantuo a ewɔ sɛ obiara tu na eɔe no kɔduru asamando na saa owufoɔ no abɔ ɔsamampa abrabɔ. Ɔtoa so sɛ, onipa wu a ɔnka ateasefoɔ ho bio deɛ, nanso owufoɔ no sesa ye honhom na wakɔ honhom mu wiase a eyɛ asamando. Deɛ Opoku (1987) ka ne sɛ, sedee owuo nye onipa ayieeɛ no, saa ara nso na owuo ntete ateasefoɔ ne awufoɔ ntam. Ɔma yete asee sɛ, akwankɔgya ne anyankomade ahodoɔ a nnipa ye wɔ bere a obi awuo no di adanseɛ pefee sɛ ayɔnkofa a eɔa ateasefoɔ ne awufoɔ ntam no mfiri ho da. Saa ara nso na ɔtoa so sɛ, Abibirem Atɔee ha deɛ, ateasefoɔ ne awufoɔ nyinaa wɔ asodie wɔ abusua mu a eɛ sɛ obiara ye n’asedee. Deɛ ɔka fa ateasefoɔ asedee ho ne sɛ, wɔbɛkora owufoɔ bi akyi ayɛ

n'ayie de agya no kwan korakoraa. Wei akyire no, wɔma no aduane di, yi apaeɛ de kae no bere nyinaa. Saa ara nso na ɛwɔ sɛ owufoɔ no boa atasefoɔ ma wɔn akwankyere na ɔko ma wɔn wɔ akwannuasa so.


Opoku (1987) toa so sɛ, owuo ye adeɛ a ede ntetemu ba na esɛe adeɛ. Saa ara nso na ete onipa sunsum so. Dee ɔka bio ne sɛ, esiane sɛ owuo mfa ɔpanin, akwadaa, ahoɔfe, omumu, nimdee anaa dibere ho nti, ede yeaw kɛsɛe betɔ nnipa, abusua ne kuro a wɔben so. Ɔse, Akanfoɔ ka sɛ owuo ye onipa tamfoɔ wɔ abrabɔ mu enti na yewɔ kasabebuɔ bi sɛ, “Sɛ owuo frɛ wo na wogyɛ so sɛ, papa o, enna o, ɔde wo bɛkɔ” no. Saa ara nso na mpanimfoɔ se, “Owuo a ɔkum enna ne agya se ɔde wo rekɔ a, yense sɛ aka me nko” no. Opoku kɔ so ka sɛ, owuo ye ya dee nanso yɛhunu no sɛ eye nsesaɛ a ɛfiri mmɔfra dibere mu kɔ mpanin mu na akɔwie owuo mu. Enam dee Opoku de to dwa wɔ ha yi nyinaa nti na sɛ onipa bi na wɔrekɔsie no a wɔsie adesiedee de kyere sɛ owuo da amansan nyinaa kɔn mu na wɔye wei nso de kyere ɔdo a wɔwɔ ma dee ɔretu ne kwan a etwa toɔ no.

Prempeh (2009) nso kyere sɛ, Akanfoɔ wɔ gyidie sɛ, onipa wu a, ɔkɔtoa n'abrabɔ so wɔ asamando. Saa gyidie yi nti sɛ obi wu a, wɔye amannee de gya no kwan sɛdeɛ ɛbeyɛ a ɔbɛkɔ akɔpue asamando wɔ animuonyam mu. Enam we inti na Akanfoɔ mfa adesiedee a wɔde sie owufoɔ no nni agoro no ɛfiri sɛ ema nananom a wɔrekɔto wɔn wɔ asamando no hunu ɔbra papa ne bɔne a owufoɔ no bɛbɔɔ no asese yi so.

Boahene (2001) ma yete aseɛ sɛ, onipadua biara wɔ ɔkra, mogya, honam, nnompe ne sunsum. Bere bi duru na sɛ ɔkra yi ne sunsum yi tete mu pɛ a, na ɛkyere sɛ onipa no awu. Ɔse, Akanfoɔ bu owuo sɛ adekɛsɛe enti wɔsusu sɛ, eye onipa akwantuo a etwa toɔ wɔ wiase asetena mu. Owufoɔ no kɔ beaɛ foforo a eye wiase ntoasoɔ. Gyidie a etaa akyire ne sɛ, obi firi mu a, abusuafoɔ keka wɔn ho pɛ ɔkwan pa bi fa so de gya no kwan sononko. Mpo,

ekɔba sɛ onii no reba wiase bio a, wɔanya ɔɔɔ sononko ne yen abɛtena ase anigyɛɛ mu, ne saa nti no na ɛsɛ sɛ obi busuani wu a, wɔde adesiedɛɛ gya no kwan na ada ɔɔɔ a wɔwɔ de ma owufoɔ no adi.

Deɛ atwerɛfoɔ yi de ato dwa fa ɔbra kanko ho yi tɔ asom pa ara. Ɛsiane sɛ, nnipa biara a wɔawo no ato asase so bɔberɛ nka hɔ nkɔsi ayieɛɛ. Ɛno nti, ehia sɛ wɔyɛ ɔbra mu nsakraɛɛ ahodoɔ mu anyankomade de kyere kyinhya a ɛwɔ sɛ nnipa biara fa mu no. Weinom nyinaa mu no, ɛnam sɛ Akanfoɔ bu owuo sɛ onipa akwantuo a ɛtwa toɔ nti no, sɛ obi wu a, na ɛsɛ sɛ wɔyɛ nneɛma ahodoɔ pii de gya onipa no kwan na sɛ ɔkɔduru nananom hɔ a, wanya amanɛɛ pa bi akɔbɔ. Nnipa pii hunu sɛ Akanfoɔ dɔ ɛfunu, nanso nyɛ saa na ɛtɛɛ. Deɛ ɛtɛɛ ne sɛ, Akanfoɔ hunu sɛ onipa a wawuo no ye wɔn dehyɛɛ na ɔsom bo ma wɔn na mpo sɛ wɔnyɛɛ a na anka wanwu. Ne saa nti na ɛtwa sɛ wɔyɛ nneɛma pii de gya no kwan fɛɛfɛɛ na n'anim aba nyam. Adesiedɛɛ nso ka nneɛma a Akanfoɔ fa so hyɛ owufoɔ bi animuonyam no ho a saa dwuma yi ka ho asem.



### **2.3.1 Owuo Ahodoɔ**

Ɛwom sɛ owuo biara ye owuo deɛ, nanso Akanman mu no ekwan a onipa bi befa so akɔ ne kra akyi no tumi ye deɛ Akanfoɔ amammɛɛ gye tom anaa wɔnnye ntom. Onipa biara wɔ ekwan a ɔbefa so afiri atasefoɔ asase so akɔtoa nananom wɔ nseedo. Wei nti na yeka sɛ, onipa biara wɔ ne nkrabea no. Animdefoɔ binom akyere owuo ahodoɔ a yɛhunu wɔ onipa asetena mu. Obiara wɔ sɛdeɛ ɔsi hunu owuo ahodoɔ no fa. Sɛ yɛhwɛ a, yɛhunu sɛ wɔn adwenkyere no nyinaa gyina adekorɔ no ara so.

Anti (1977) kyere sɛ, Akanfoɔ wɔ akwan ahodoɔ mmiensa a wɔnam so de fa wiase aponkɔkwan no so. Deɛ ɛdi kan ye owuyadeɛ, mmienu ye asiane wuo na deɛ ɛtɔ so mmiensa

ye ahodɔndie. Arthur (2003) ne Prempeh (2020) kyereɛ se, owuo wɔ mu ahodɔ mmienu a weinom ne atɔfowuo a eye mmusu na Akanfoɔ bɔ ho mpaɛ se emma wɔn so da, ene owu a onipa no ankasa ato ne kɔn awuo. Spieth (2011) nso kyere mu se, owuo gu mu ahodɔ mmienu a enonom ne, owu pa ne owu bɔne.

Abibirem aman ahodɔ no bi mu no, gyidie a efa owuo ho no gu ahodɔ mmienu. Saa nsem yi ne deɛ efa nnipadua ho ne deɛ emfa nnipadua ho (Opoku, 1989). Otɔa so ka se, deɛ efa nnipadua ho no ye owuo a enam onyini, yareɛ, akwanhyia ne pira ahodɔ so ba onipa so. Gyidie a etae akyire ne se, deɛ efa nnipadua ho no nko ara mma owuo no nwie peye na deɛ emfa nnipadua ho no ye honhom mu nsem a ebi ne duabɔ, bayie ne anwanwasem anaase ahintasem bi a ema nsamanfoɔ tumi saman onipa bi ma ɔbeyi ne ho ano wɔ asamando. Abibifoɔ gyidie ne se, se obi yare wu a eye nneema bi nti na ama aba saa. Saa gyidie yi na ekyere se yewɔ honhom mu wiase a ahonhom no tumi to nsa fre onipa bi ma ɔba asamando. Na se ɔreko a, na eho hia se n'abusuafoɔ ne n'adɔfo ye amanee de gya no kwan a saa amanee yi bi ne nneema a wɔde sie no a yefre no adesiedee no. weinom nyinaa ye adeɛ a eko so wɔ Akanman mu na enne me dwuma yi wɔ twaka efiri se, se onipa anwu a, wɔnsie no adesiedee.

### **2.3.1.1 Atɔfowuo**

Kobi (2010) kyere atɔfowuo ase se, eye owuo a Akanfoɔ susu se eye mputupuru na asiane bi bata ho anaa se obi adi ne ho dɔm. Se obi wu akwanhyia wuo nso a, Akanfoɔ fre no atɔfowuo. Onipa a wawu no ye ɔtɔfoɔ. Atɔfowu no bi ne se, nsuo ayiri afa obi, dua akasa obi, ogya betɔ obi fie ama ahye onii no ama wawuo, lɔɔre bebɔ obi, edan bebɔ abɔ obi, se obi bekɔ awɔɔ so atɔ, se obi nsa bepa wɔ ehaye mu abɔ ne yɔnko tuo ama no awu, se aboa

teaa beforo obi ama no awu, enne deɛ ekeka ho. Saa owuo ahodoɔ yi nyinaa ye akwanhyia wuo. Akanman mu no, se obi wu akwanhyia wuo a, wɔfre ne saman no se osamantwentwen. Atɔfowuo no bi nso wɔ ho a, onipa no ara na ɔye. Se ebia, obi ahye da akɔto nsuo mu ma afa no. Mpen pii no, Akanfoɔ gyidi ne se, atɔfowuo mfiri nananom na mmom efiri abayifoɔ. Saa atɔfowuo yi, Akanfo nye no ayie esiane se wɔmpɛ se wɔgyegye so. Wɔgye di se, okwan a onii no faa so kumm ne ho no betumi abetena abusua no mu. Ne saa nti se obi fa saa kwan yi so kɔ ne kra akyi a, enam se eye akyiwadeɛ wɔ Akanman mu nti no, wɔnnya no kwan na kampese wɔde adesiedee ase no.

Arthur (2003) ne Prempeh (2020) nso ka de fofa Kobi (2010) deɛ no so se, atɔfowuo ne se obi annyare anaa woanto ne kɔn anwu na mmom animguasee nti wakum ne ho anaa wadi ne ho dɔm. Saa owuo yi tumi ye se obi hye da wɔ ne yɔnko sekan anaa ɔto no agyan, se obi hye da nom awuduru anaa ɔbo ne ho tuo anaa se ɔhye akɔmfɔ anaa se ɔwɔ foro obi anaa aboa kesee bi kyere obi. Se obi di ne ho dɔm anaa okum ne ho a, Akanfoɔ bu no se waye bone bi na esiane se fereɛ deɛ fanyinam owuo nti, na odii ne ho dɔm no a, wɔnye no ayie esiane se wɔwɔ gyidie bi se abusuafoɔ a wɔwɔ asamando no mpo bebua no fo apam no ama no adane samantwentwen.

Spieth (2011) kyere mu se, owubone ne se, yadeɛ bi te se, bropete ne kwata a efiri awoee akum obi. Afei nso, se obi akum ɔno ankasa ne ho. Ose, wamma won a wɔwu owubone funu nna fie na mmom, wɔde won kɔ wiram akyirikyiri kɔsie won ntempa no ara. Otoa so se, wɔyi apaee bere a wɔrekɔsie efunu no de sre se, saa owuo no bio nsi kuro no mu. Wei nyinaa akyiri no, ose, obi a wawu owubone no saman ntumi nkɔ asamando na mmom eye osamantwentwen a ennya baabi pɔtee ntena nhome. Spieth (2011) adwenkyere yi da adi wɔ

Akanfoɔ amammere mu. Akanfoɔ hunu owupa se eno na ehia akwankɔgya sononko a nidie ne animuonyam wom. Owubɔne deɛ, wɔnnyegyɛ so koraa.

Boahene (2001) nso akyekyɛ owuo mu ahodoɔ mmiensa a enonom ne akwanhyiawuo, owupa ne atɔfowuo. Nkyeremu a Boahene de maeɛ ne se, akwanhyiawuo farebaeɛ anaa ne nsunsuansoɔ te se atɔfowuo ara pɛ. Ne nkyeremu tiawa ne se saa owuo yi, enye onii no na ɔpɛ se ɔdi ne ho dɔm. Mmom ɔkɔhyia akwanhyia bi te se, dua akasa no, kaa akwanhyia, aprannaa wuo ne ɔbaa a watɔ wɔ awoeɛ. Saa owuo nkyekyemu ahodoɔ yi mu biara nni ho a Akanfoɔ de adesiedeɛ sie amu no efiri se, wɔgye di se onipa no faa kwatikwan na ekɔɔ asamando.

### **2.3.1.2 Owupa**

Wei ye owuo a onipa no ankasa ato ne kɔn awuo. Eno ne owuo a yefre no owupa no. Akanfoɔ gyidie ne se, owupa ye nhyira ma owufoɔ no. Se obi yare da ho ma ɔnam yareɛ no so na ɔwu a, Akanfoɔ fre saa owuo yi owu pa, esiane se wɔgye di se eye mmusuo se obi behyia akwanhyia afa so awuo na se eye yareɛ mu deɛ a, na owuo kwan papa no ara na onii no afa so no.

Arthur (2003) kyere se, owupa ye se obusuani bi yare na abusua ako yareɛ no biara na anye wie ma onii no afa so ahwereɛ ne nkwa. Prempeh (2009) ka de si Arthur (2003) deɛ no so se, owu pa ye owuo a obi anyini ansa na ɔreto ne kɔn awuo. Mpen pii no, abusua no tumi pere onii no kra se ɔbesan aba nkwa mu bio. Se wɔye wei nyinaa na antumi antentam a, ofiri mu. Sedee etee no, Akanfoɔ dodoɔ no ara mfa sunsum mu nsem te se deɛ efiri abayifoɔ, abosom ne duabo mmata owupa ho, mmom wode hye oniiko no nyini a wanyini no.

Akanfoɔ gye di sɛ, sɛ obi nyini ansa na owu a, ɛnkyɛ na wasan aba asase yi so ama wɔawo no bio. Sɛ obi wu owupa a, Akanfo yɛ amanneɛ gya no kwan fɛfɛfɛ sɛdɛɛ ɛbɛyɛ a ɔbɛkɔ akɔpue asamando hɔ animuonyam mu. Saa amammerɛ yi na wɔfrɛ no ayiyɛ no na amanneɛ a ɛkɔ mu bi ne adesiedɛɛ a saa dwuma yi hwe no.

Spieth (2011) nso kyere sɛ, owu pa yɛ berɛ a obi ayare ada hɔ akyere na abusuafoɔ ahwe no yadɛɛ a ahotɔ mma da. Ɔsɛ, ɛba saa a na wɔn anidasoɔ nyinaa asa enti wɔgyaɛ no ma owu. Ɔkyere sɛ, abusuafoɔ no binom mpo dwane gya ɔyarefoɔ a wɔnim sɛ obɛwu no kɔsi ne home a ɛtwa too. Dɛɛ nti a ɛba saa ne sɛ, dɛɛ ɔrewuo no hunu wɔn anim a, ne sunsum no tumi hunahuna saa nnipa yi wɔ ne wuo akyi. Afei, sɛ dɛɛ ɔrewuo no hunu abusuafoɔ no saa a, ɛha no sɛ ɔregya wɔn hɔ akɔ, enti ɔteetɛ na ɔntumi nwu ntɛm.

Bio, wɔgyɛ di sɛ, owuo biara nni hɔ a ɛba kwa. Ɛno nti berɛ biara no yɛwɔ obi a yɛdɛ soboɔ bɔ no. Abakɔsɛm kyere sɛ, owuo yɛ adɛɛ a ɛbata onipa ho firi adɛbɔ mfitiaseɛ na berɛ biara, onipa wu a, adasamma susu sɛ, ɛyɛ biribi na esiɛ anaasɛ obi na ayɛ (Sossou, 2002). Ɛsiane saa gyidie ahodoɔ yi nti na Abibifo yɛ amanneɛ de hyɛ owufoɔ no animuonyam na wɔdɛ da wɔn amammerɛ ahodoɔ no adi. Amanneɛ a yɛdɛ hwɛhwe kwan korɔ a onipa bi nam so toa nananom wɔ nseɛdo na ɛnam so ma abusuafoɔ no te wɔn ho ase wɔ wɔn dehyɛɛ no wuo no ho. Saa suahunu yi boa ma aman bi da wɔn ho so wɔ amanneɛ a wɔyɛ de si ɔhaw bi a anka ɛbetumi ato nkuro anaa aman bi ano.

Dɛɛ ɛsɛ sɛ yɛhyɛ no nso wɔ ha ne sɛ, animdefoɔ ahodoɔ yi nyinaa akyere sɛ saa owuo yi ne dɛɛ Akanfoɔ gye tom sɛ ɛyɛ kwan pa a ɛsɛ sɛ obi fa so kɔ nananom hɔ wɔ nseɛdo. Ne saa nti sɛ obi wu owupa a, abusuafoɔ hunu sɛdɛɛ amu no som wɔn bo. Ɛno nti wɔyɛ amanneɛ de gya no kwan fɛfɛfɛfɛ. Na nneɛma a ɛka owufoɔ no akwankɔgya ho no bi ne adesiedɛɛ. Nnipa binom kyere sɛ, onipa wu a na wawu, nanso Akanfoɔ gye di sɛ, sɛ obi wu

a, ɔkɔtoa n'abrabo so wɔ asamando. Ne saa nti no, sɛ obi wu owu pa a, abusuafoɔ ne adɔfoɔ de nneema pii gya no kwan te sɛ deɛ ɔretu kwan no, ɛfiri sɛ wɔsusu sɛ owuo kwan no ware na mmepɔ nso ayɛ mu ma (Anti, 1977). Nneema a Akanfoɔ de gya owufoɔ kwan no bi ne sika a ɔde beforo kaa, duku a ɔde bepepa n'anɛm fifire, nsuo a ɔbenom no kwan so, ne deɛ ɛkeka ho.

#### **2.4 Ayiyɛ ne Ayiyɛ ahodoɔ wɔ Akanman mu**

Akwankɔgya sononko bi wɔ ho a ɛsɛ sɛ wɔyɛ de gya awufoɔ kwan sɛdeɛ ɛbɛyɛ a ɔbetumi afiri ateasefoɔ tebea mu akɔ honhom wiase ne nsamanfoɔ akɔtena. Saa akwankɔgya sononko yi ne ayiyɔ. Amanneɛ baako a Akanfoɔ nam ayiyɔ so da ɔɔ a wɔwɔ de ma owufoɔ no ne adesiedɛɛ. Sɛ onipa bi wu a, abusuafoɔ ne adɔfoɔ nam adesiedɛɛ so yɛ owufoɔ no adɔyɛ de kyere ɔɔ a wɔwɔ ma owufoɔ no ne sɛdeɛ ɔsom wɔn bo.

Kuada ne Chacha (1999) ama yeate aseɛ sɛ, ayiyɛ wɔ Ghanaman mu kyere ahosiesie sononko a wɔde gya owufoɔ no kra kwan ma ɔkɔ honhom mu wiase. Saa ara nso na wɔde hwe owufoɔ no abrabo a ɔbɔɔ no asase so. Wɔfa so susu sɛ eye abrabo pa a nkonimdie wɔ mu.

Afei wɔsɛ, ahokeka a nsamanfoɔ de behyia owufoɔ no kwan gyina abrabo teneneɛ a ɔbɔɔ no ateasefoɔ asase so no. Wɔtoa so sɛ, owufoɔ no abusuafoɔ yɛ ahoboa sononko de gya no kwan korakora. Kuada ne Chacha kɔ so ka sɛ, ɔkra no firi n'akwantuo a ɔde reko asamando no ase wɔ bere a wɔasie ɛfunu no. Ne saa nti sɛ obi wu baabi a, abusuafoɔ pere sɛ wɔkɔfa ɛfunu no kɔ n'abusua mu ansa na wɔasie no. Wɔtoa so sɛ, mmom sɛ obi wu wɔ amanɔne na abusuafoɔ nnya sika nkɔfa ɛfunu no mma ɛfie a wɔyi ne tirinwi, twitwa ne mmɔwereɛ de kɔ ne kurom ma wɔde saa nneema no gyina ho ma amu no sie no.

Dee wokyere ne se, ewom se wode tirinwi ne mmowerē keke tu kwan a obre ne kabō nni mu dee, nanso saa nneema yi ye nnipa ho ahyensodee sononko a egyina hō ma owufoō no wiase asetena ne ne wuo. Wei nti na abusuafoō hwehwe se wōnya wōn dehyee no tirinwi ne ne mmowerē de gyina hō se amu sie no wō bere a wōn nsa ntumi nka efunu no ankasa. Enne mmere yi mu mpo dee, wōtumi hye efunu no bi, sa ne nso kōma abusuafoō de di adanseē se, eye asomasi anaa obentene na wawuo.

Anim (2008) kyere se, ayiye ye amammere bi a Akanfoō ye de gya owufoō bi kwan ne no di nkra firi ateasefoō asase yi so de kō nseedo. Prempeh (2009) nso ka se, eye akwankogya bi a abusuafoō ye de gya wōn busuani bi a wafiri mu kwan de kō nananom nkyen wō nseedo. Akanfoō wō gyidie bi se, se obi wu atōfowuo a, wōnye no ayie na eba no saa a, saa owufoō yi saman dane osamantwentwen efiri se, wōannya no kwan papa bi. Na se eba no saa a, abusuafoō nha wōn ho mfa nneema biara nya onii no kwan, efiri se wōgye di se wamfa kwan pa so na erekō asamando. Se yehwe nwoma “Efiri tete” a owura Twumasi- Ankra (1991) twereee no mu no, okyere se, ayiye ye amammere kwan a Akanfoō fa so de sre asamando tenabeapa wō nsamanfoō hō ma owufoō no, na afei wōfa so tete owufoō no ne ateasefoō no ntam.

Aleshire (2009) kyere se, “Ayiyo ye bere a, owufoō bi abusuafoō ne adōfoō a wagya wōn akyi nya kwan de wōn adwenkyere ne wōn atenka to dwa fa wōn dōfoō no a wafiri wōn nsa no ho”. Saa ara na Opoku (1973) nso da no adi se, wōreye ayie a mpanin ne mmōfra nyinaa de wōn ho hye mu boa ma wōgya owufoō no kwan sedee efata. Okō so kyere mu se, Abibifoō gyidie ne se, obi wu na se ateasefoō anye n’ayie sedee efata a, owufoō no saman ntumi nkōka nsamanfoō a wōwō honhom mu wiase no ho

Nkyeremu a animdefoɔ yi de ato dwa no ma yehunu se enam gyidie a Akanfoɔ wɔ fa owuo ne owuo akyi asetena mu nti, wɔntoto wɔn ayiyɔ ase koraa. Dee wɔka ne se wɔn nananom wɔ asetena foforo bi mu a wɔde wɔn ani hwɛ na wɔhunu nneema. Afei, awufoɔ wɔ tumi sononko a wɔtumi de boa atasefoɔ. Wei nti na wɔpagya ayiyɔ ma ebeye krabehwe a obiara wɔ kyefa wɔ mu wɔ kuro bi mu no. Akanfoɔ wɔ ayiye ahodoɔ a emu biara nso ne amanneɛ a eɔa adi wɔ mu. Mede mmere kakra wɔ ɔfa yi mu behwe dee animdefoɔ no bi aka a efa Akanfoɔ ayiye ahodoɔ ho.

#### **2.4.1 Dɔteyie**

Dɔteyie ye amanneɛ a ekɔ so wɔ ayiye mu firi bere a obi bewu kɔpem bere a wɔbesie no. Ansa na no, kane no se obi wu a, wɔdi kan de nsa kɔbɔ ɔhene amanneɛ na afei wɔde no to ho nna kakra ansa na wɔasie no (Prempeh 2009). Dɔteyie ye mu no, se obi to na se wɔbɔ kuro wura amanneɛ wie a, wɔte asomafoɔ gu kwan so ma wɔkɔbɔ abusuapɔn mufoɔ ne adɔfonom amanneɛ ma wɔba ma wɔfiri aseɛ ye ntotoeɛ fa ɔkwan a wɔbefa so akora wɔn dehyee no.

Arthur (2003) nso kyere se, dɔtewie fa amanneɛ a wɔye ma owufoɔ bi firi da a ɔbekɔ ne kra akyi kɔsi se wɔbeka dɔtee agu no so ho. ɔkyere mu se, obi dane to ho anaa ɔda ne benkum so a, na efei gya adum a wɔn a wɔresi wɔn mu apini resi na wɔn a wonhunu dee wɔreye nso ato baha. Afei abusua soma ma wɔkɔbɔ amanneɛ a na ayie no mfitaseɛ ara ne no. Ne tiawatwa mu no, se obi wu a, efiri da a onipa no bewu nneema biara a ekɔ so firi saa bere no de kɔsi bere a wɔbeye n'ayie no na wɔfre no se dɔtewie.

Arthur (2003) san de to dwa se, se obi wu a, enam se Akanfoɔ bu owuo se eye akwantuo nti no, amanneɛ ahodoɔ a wɔye no dɔtewie no mu baako ne adesiedee. ɔkyere se, wei ye

nneema a abusuafoɔ ne adɔfoɔ de gya owufoɔ no kwan de hye no animuonyam. Ɔkyere se, enam se Akanfoɔ bu owuo se eye kwan na onipa no retu nti no, obi wu a, wɔsiesie ne ho kamakama de nneema a ne boɔ ye den ye amu no ho. Enam so ma nnipa binom kyere se Akanfoɔ dɔ efunu, nanso ente saa, na mmom som na wɔn dehyee no som wɔn bo ntira. Se yehwe onimdefoɔ yi nsem yi a, na ekyere se Akanfoɔ wɔ botaeɛ anaa senti a wɔgye adesiedee wɔ onipa bi ayie ase.

#### **2.4.2 Sodoɔ**

Arthur (2003) de to dwa se, sodoɔ ye ayie a wɔye de gya owufoɔ bi a ɔno na ɔdi kan a wawu wɔ n'awofoɔ mma mu. Ɔtoa so se, emfa ho ne mfee dodoɔ a owufoɔ no anya. Se ɔye abɔfra oo, se ɔye ɔpanin oo, ɔno na ɔdi kan a wawu wɔ n'awofoɔ mma mu dee a, Akanfoɔ bu saa ayie no se eye sodoɔ.

Prempeh (2020) nso de to so se, sodoɔ ye ayie bi a Akanfoɔ rehwehwe akyerɛ se, awofoɔ a wɔn ba awu no wɔn ba biara nkaa mu da. Ekɔba saa a, wɔnnye owufoɔ no ayipa biara. Ɔtoa so se, se eɔa a wɔbeyɛ ayie no duru so a, dee wɔye ne se, wɔpe ɔpono ketewa bi si adihɔ anaa aboboano baabi de kyensee ketewa bi si so na wɔde nwera bi akata so. Ɔmanfoɔ no ba aseɛ a, na wɔde wɔn nsawa no akɔto kyensee no mu breoo a, wɔnto sika yi din. Wɔma awofoɔ no fira ntoma fitaa na wɔde etɔ ne nkosua aka wɔn ano ansa na wɔama wɔn adi fufuo ne abenkwan pikaa. Dee nti a wɔye saa ne se, Akanfoɔ gye di se, wɔsosɔ so pii a, mma nkaeɛ no nso beko so awuwu. Wei kyere se, enam se Akanfoɔ nsosɔ saa owuo yi so nti no wɔnnya awufoɔ no kwan na amma owufoɔ no tirim anye no de. Ne saa nti no saa owuo yi dee adesiedee biara nko so wɔ ha.



Opoku (1973) kyere se, Akanman bi mu, wode ntoma fitaa kyekyere maame no sisi de gyabidie ye nsensanere wo ne koko so. Adu-Gyamfi (2010) nso de to dwa se, eye mmusuo wo Asante amammera mu se wabesie nnipa baanu wo funnaka anaa eda baako mu. Okyere se, woyi abofra no to kukuo mu sie no wo eda foforo mu bere a wode maame no ato adaka mu asie no. Otoa so se, Akwamuman mu no, wokyekyere abofra no wo adedenkuruma ehaban mu na wotu fam wo sumina so de no hye ho. Adedenkuruma ye wura bi a etaa fifi wo sumina so.

Achana (1993) de toa so se, se oremfoa wu wo Kasena-Nankana a, woye n'ayie sedee onipa biara wu a woye n'ayie papepepe, nanso wonyi abofra no wo maame no yam. Wodi kan sie won baanu no nyinaa wo eda baako mu. Eda a wode won to mu no wonkata so amonomu ho ara. Achana (1993) toa so kyere se, gyidie a wowa wo wei mu ne se, ebia na dasuom no nananom nsamanfoa abeye maame no mmoa awo abofra no. Adee kye a, woko nna no so kohwe dee asi. Sedee won gyidie kyere won se ebese se nananom nsamanfo beboa ama wawo no antumi ansi a, fumsiefoa kopae enna no amu no yi abofra no sie no wo ne maame no amu no atifi. Afei wokata maame no da no so. Wosie amu no wie a, abusua no ntena kurotia ho nye ayie no mmom wokoye wo kuro no mu. Abusua no betena ase gye nsawabodee.

Adu-Gyamfi (2010) kyere se, kane no se oremfoa bi wu wo Asanteman mu a, woba apata wo wiram ma obarima okunafoa no kotena mu adaduanan. Mmaa apanimfoa nko ara na wowa ho kwan se wode aduane ne nsuo koma no wo wiram ho. Eda a eto so dunan wo adaduanan no akyi, wokoyi obarima no tiri so nwi nyinaa bubu ne nan ne ne nsa mmowere nyinaa kama ansa na wode no aba kuro no mu. Woye wei sedee ebeye na mmusuo a ete saa mma obarima no so bio. Wogyedi se, enne yi woye Akristofoa enti amammera no nni

wɔn so tumi bio. Enne yi se ɔpemfoɔ wu wɔ Akanman mu a, abusua dodoo no ara mfa wɔn amu no mmesi kurotia anaa akwantifi bio.

Dee animdefoo ahodoo yi aka a efa ɔpemfoɔ ayiyɔ ho yi nyinaa mu biara nni ho a ɔbɔo adesiedee so. Weinom di adanseɛ turodoo se, owuo a Akanfoɔ bu se eye owupa na wɔsoso so ye amanneɛ ahodoo wɔ onipa no ayie ase no ne owupa. Wei kyere se, onipa a wato ne kɔn awu wɔ Akanman mu nko ara na wɔgye adesiedee de gya no kwan sedee amammere kyere pɛpɛpɛ.

Se ɔbaa rekɔ awoo a, Akanfoɔ kyere se ɔgyina akono a enye agoro koraa. Enye mmaa nyinaa na wɔkɔ ɔko yi a, wɔtumi ba fie bio. Wie gu mu ahodoo mmiensa. Dee maame tumi firi ɔko no mu ba fie, nanso ne nsa nka ne ba, dee ɔbaa no ne abɔfra no nyinaa tumi tɔ wɔ ɔko no mu ne dee ɔbaa no nso tumi tɔ, nanso ne ba no nya nkwa. Eba se ɔpemfoɔ bi kɔ awoo tɔ a, n'ayie a woye ma no te se dee woye ɔpemfoɔ a wato pɛpɛpɛ. Ene se, wode amu no fi makyere ba a, wode no kɔsi kurotia bɔ apata dware siesie ne ho ye biribiara wɔ apata no mu. Wowie a, woma anuanom ne adɔfoɔ kwan ma wɔbesu no. Eno akyiri no, wode no kɔ amusiee kɔsie no. Mmom ansa na wode no beko akɔsie n'amu no, wodi kan yi apae ma amu no sre nananom nsamanfoɔ se wɔnsi mmusuo a ete see ano mma wɔn. Woye wei wie a, wɔtumi de amu no kɔ amusiee kɔsie no. Wofi amusiee ba a, abusua no betena ase wɔ kuro no mu ye n'ayie gye nsawabodee.

Adee titiri a ewɔ ɔbaa a wako awoo ato ho ne se, se wode n'amu no ba kurotia ho a enni ho kwan se ɔpemfoɔ biara ba saa beaee ho bi kɔpem se wɔbeyi mpaee akɔsie no aba. Se wɔkɔsie amu no ba a, ɔpemfoɔ biara tumi kɔ beaee a wɔreye ayie no. Se mpo ɔbaa korɔ no fa yafunu na ɔte se n'adamfo ako awoo ato a, onni ho kwan se ɔko ho koraa. Bio, se mmaa mpanimfo rebedi nkɔmmɔ a efa ɔbaa a wako awoo ato ho na ɔpemfoɔ bi wɔ ho a, wɔka

kyere no ma ɔpra n'aso akyi. Wei kyere se, wɔma ɔyi n'adwene firi asem a wɔreka no so. Enni ho kwan se ɔwɔ saa tebea no mu no ɔte asem a ete saa. Mpo se ɔpemfoɔ no hwe na ebaha no a, ɔsɔre firi adi. Mmom se wɔdi saa nkɔmmɔ no wie deɛ a, ɔtumi san ba beaɛɛ ho bio.

Kane no anka ɔpemfoɔ ko wɔ awoɛɛ a, wɔtaa tɔ paa ara, nanso ɛenne deɛ entaa nsi efiri se, adɔkotafɔɔ wɔ mfidie ahodoɔ a wɔtumi de hwe abɔfra a ɔda yafunu mu kyere da anaa bosome a maame no betumi de awo. Se mpo ɛkɔba se awoɔ no mu kɔye den a, wɔwɔ mfidie a wɔtumi de pae maame no yi abɔfra no a hwee nye maame no. "Indexmundi" ye abeɛfo kwantenpɔn na ɛde to dwa se, afe biara mmaa a wɔko awo tɔ no so ate wɔ ɔman Ghana mu. Afe 2014 ye 7.37% na afe 2016 ye 7.1%.

Nabofa (1998) akyere wɔ Adu-Gyanfi (2010) mu se, se ɔbaa bi wo na amonom ho ara ɔwu a, wɔwɔ gyidie bi se maame no saman no beba abɔfra no ho. Wei nti wɔye amannee de pam maame no sasa firi abɔfra no ho. ɔkyere se, wɔbobo funnaka ketewa bi de aboduaba to mu de to maame no nkyen wɔ fundaka no mu ansa na wɔakɔsie no. Wɔye wei sedee emma maame no ani ntan no na ɔmmefa ne ba a ɔte aseɛ no nkɔ.

Amannee ahodoɔ a animdefɔɔ yi de ato dwa afa ɔpemfoɔ amu ho no nyinaa kyere se, Akanfoɔ nye saa owuo no ntom na wɔnsosɔ saa owuo no so ni wɔye saa amannee yi sedee ebeye a saa atoyerɛnkyem no bi nsi bio. Enam wei so nti no se saa owuo yi bi si a, Akanfoɔ mfa adesiedee nya owufɔɔ no kwan te se deɛ etee wɔ owu pa ho no.

#### **2.4.5 Ahenfo Ayiyɛ**

Se ɔhene bi wu wɔ Akanman mu a, wɔntaa nka se ɔhene no awu mmom wɔka se 'nana kɔ n'akuraa'. Wɔka wei sedee ebeye na wɔte se nana awu a, basabasa biara mma kuro no mu.

Bonsu (1993) da no adi wɔ Adu-Gyamfi (2010) mu sɛ, Akanman mu sɛ ɔhene yare a, wɔnka no traa mu saa, na mmom wɔka sɛ ɔkyeame na ɔyare. Eba sɛ ɔkyeame yare deɛ a, nsumankwahene wura kwaɛɛ mu te aduru beyɛ nana. Akan amammere mu no eyɛ Gyaasehene asɛdeɛ sɛ ɔhwe ma ɔhene ho tɔ no bere a ɔyareɛ. Sɛ deɛ nsumankwaahene ne ahemfie ho nnipa beyɛ biara antumi antentam na nana kɔ n'akuraa a, nnipa a wɔwɔ ho no nyinaa firi adi ma ɛka Dabehene nko ara. Ɔkɔbɔ ɔhemmaa amanneɛ sɛ mmerekenson asi ne tiri ase nti ɔmmema no brɛsuo. Sɛ ɔhemmaa de brɛsuo no rema nana a, ɔka nsem a ɛwɔ aseɛ ha yi;

*Nana Asomas,i Owuo kura adeɛ a, nkwa ntumi nnye  
Sɛ ebaa sɛ yemfa sika anaa nnipa mpere wo nkwa a,  
Anka abusua ne wo manfoɔ beyɛ, nanso amma no saa.  
Deɛ onipa pɛ na owuo nso pɛ  
Worekɔ akɔto mpanimfoɔ  
Yesrɛ wo kɔbɔ amanneɛ pa na kɔsi nsamankwan  
Abusua kakra a aka akyiri yi nkwa so, mma obi nwu bio.  
Wo manfoɔ beyɛ w'ayie fɛfɛfɛ de ahyɛ wo animuonyam  
Yesrɛ wo, mma basabasa biara nsi w'ayie ase  
Abodin-a- keka nye de  
Ɛka biara a yebebɔ no, yɛnya sika ntua.*

**(Hwɛ Adu-Gyamfi 2010:32)**

Sɛ ɔhemmaa yɛ wei wie a, Gyaasehene toto apono a ɛwɔ ahemfie ho nyinaa mu ma ɛho yɛ dinn. Nnipa a wɔwɔ ahemfie ho nye biribiara mma obiara nhunu sɛ biribi asi wɔ ho. Soodofoɔ noa aduane da biara sɛdeɛ ebeyɛ na egya nnum wɔ ahemfie ho. Gyaasehene ne adehyɛɛ abusua no hyia yɛ ntotoeɛ biara pɛ da a wɔde beyɛ Nana ayie. Saa bere yi na wɔtumi bɔ Kurontihene amanneɛ wɔ deɛ asi. Ɔhene tɔ a, enyɛ amonom ho ara na wɔbɔ ho

dawuro kyere kuro mma mmom, wɔtwen bere kakra ansa. Etumi mpo ba se ohene bi to a, edi abosom nsia de ko afe so ansa na wɔabɔ kuro mma amannee.

Fosu (2000) kyere se ohene wu a, wɔde agudee, ahenemma mpaboa, sika futuro, kawa a wɔde sika kɔkɔ ayɛ ne akofena hyehye ne ho bere a wɔde no ato mpam. Saa nneema yi dee ahemfo nko ara na wɔde hyehye wɔn bere a wɔatɔ. Weinom nyinaa ye adesiedee a wɔye no wɔ ahemfo nko ara ayie ase. Se bere duru na wɔbedware ohene no a, ohemma ma okyeame yi apae ansa. Eno akryiri no Dabehene ma wɔn a eyɛ wɔn asedee se wɔdware amu no ne Ahenemma kɔdware no. Akanfoɔ amammerɛ mu no, Ahenemma na wɔde sapɔ foforo tu nsuo gu agya no so mprensa ansa na wɔadware no ankasa. Wɔdware no sedee wɔdware amu biara

Achana (1998) kyere se, Kasena-Nankana se ohene bi wu a, wɔmmɔ ne wuo no ho dawuro ntem so. Wɔbu ahemfie no nkyen baabi tu amena wɔ ho sie n'amu no. Wɔwie a, wɔnoa nantwibini ne dawadawa kwa dan no ho. Okyere se, wɔsie ohene no wie a, wɔpe da bɔ ohene no wuo no ho dawuro kyere kuro mma no. Adee titiri a Achana (1998) de to dwa na okyere se ekɔ so wɔ Kasena-Nankana ne se, ohene wu a, wɔtwe no wɔ fam na ekɔ amusiee ho. Okyere se, wɔye wei sedee ommefa wɔn a wɔkosie no no nko. Otoa so kyere se, wɔde nkuto na esra ohene no amu no wɔ Kasena-Nankana.

Se wɔdware no wie a, wɔsiesie ne ho ma Gyaasehene ne abusuapanyin soma okyeame kɔbɔ Kurontihene amannee. Se asomafoɔ no rekɔ a, wofura birisi anaa kuntunkuni de gyabidie ye nsensannee wɔ wɔn mmatiri de mmerenkenson kyekyere wɔn kɔn mu. Wɔye wei de kyere awerehoɔ a wɔwɔ mu. Ansa na wɔde amu no beto adaka mu no, okyeame yi apae ma ohene no kyere n'ahofama ne mmoa a ɔde abeboa kuro no. Eno akryiri ahemfo a ehye n'ase no nyinaa besuae kyere amu no. Ahemfo binom tumi to tuo gu wiem de kyere se wɔredi

awerehoɔ, pamo ahonhom na wɔde kyere wɔn akokoɔduru nso. Abrafo ne Adumfoɔ na wɔsie ɔhene. Wɔsie ahemfo ɔdasuom bere a obiara ada. Ebinom nso wɔ ho a, wɔma wɔsie wɔn wɔ efie a wɔte mu no mu. Ahemfo binom wɔ ho a, wɔde sika futuru ne sika kɔkɔɔ anaa agudee ahodoɔ bebree gu funnaka no mu sie wɔn. Wei nti na wɔmma obiara nhunu beaee a wɔsie ahemfo amu no, enye saa a, nnipa bɔnefoɔ beko akɔtu ayiyi saa nneema no nyinaa (hwe Adu-Gyamfi 2010:33-35)

## **2.5 Amannee ahodoɔ no bi a eko so wɔ ayiyɛ mu**

Prempeh (2020) kyere se, onipa wu a, na enkyere se n'ayiee ara ne no, mmom yewɔ gyidie a Akanfoɔ wɔ se onipa wu a, ɔkɔta n'abrabo so wɔ asamando. Adwene a etae saa gyidie yi akyi nti wɔhunu owufoɔ no se obi a ɔretu kwan nti wɔnkɔto owufo no ntwene keke mmom wɔye amannee ahodoɔ wɔ n'ayie ase de hye no animuonyam. Amannee a wɔye no firi bere a wɔbeyi amu no afiri mɔkyere de kɔsi se bere a wɔbenom ne sikasa de akata n'akyi korakora. Amannee ahodoɔ a wɔye no bi na edidi soɔ yi.

### **2.5.1 Efunudwaree**

Prempeh (2020) kyere se, se ɔteasefoɔ retu kwan a, ɔdware siesie ne ho fa afadee a efata de ye ne ho. Saa ara peperepe na se obi wu a, eye abusua asedee se wɔsiesie owufoɔ no ho. Akanfoɔ bu owuo se eye akwantuo, ne saa nti se wɔn dehyee retu kwan ako nananom ho wɔ nseedo a, na ese fata se wɔsiesie ne ho na ɔde animuonyam akɔpue kuro a ɔreko so no. Onimdefoɔ yi nsem yi kyere dee nti a onipa wu wɔ Akanman mu a wɔsiesie ne ho te se dee ɔte ase no.

Akanman mu, se obi wu a, wode nneema a ateasefoɔ de dware siesie wɔn ho na edware no. Saa nneema yi bi ne ankaatwadee, adwe, nsuohyee, samina, mpepaho, sapɔ, nnuhwam ne dee ekeka ho. Akanfoɔ amammerɛ kyere se, eye mma ne sewaa na wɔdware amu no. Dee woye ne se, wɔbubu owufoɔ no nsa mmɔwere na wɔayi ne nwi na afei wɔasiesie ne ho de no ato mpam de ntoma pa anaa ataadee a esombo ahyehye no wɔ pato mu anaa ɔdampan mu. Wode ntweaban, nhwenepa ne mpetea a ebema obiara ahunu se ɔwɔ biribi anaa n'akyi ye duru siesie no gya no kwan preko pe (Agyekum, 2011). Nneema a wode dware owufoɔ no bi ne sapɔ, mpopaho anaa towuro, samina, paada ne dwaresen. Mpen pii no, se owufoɔ no wɔ ɔhokani a, saa ɔhokani no na ɔde ba na mma nso de ba, na se ɔnni ɔhokani nni mma nso dee a, na abusuafɔ na ede saa nneema yi nyinaa ba. Saa nneema yi na wɔfre no adwaredee no.

Arthur (2003) nso kyere se, se obi wu na se wɔredware no a, wɔnoa nsuo ma no ye hye wie na wode adware owufoɔ no. Okyere se, botae a etae nsuohyee a wode dware amu no akyi ne se, wɔhwe se eye ampa se onipa no atoa nananom wɔ nseedo anaa. Wɔredware no no nyinaa na wɔrekasa kyere no se ebi a;

*Wo na asomasi na ɔredware wo yi o*

*Agya ɔbenteng ne wo sewaa asomasi na wɔredware wo yi o*

*Yen a yeredware wo yi prapra yen ho nyarewa nyinaa*

*Ma yennya sika ntua wo ayie ase ka*

*Ye samanpa gyina ɔdiadefɔ no akyi*

*Nkɔye ɔsamantwentwen.*

Afei se ɔye aberewa posoposo a, wɔka toa so se; “worekɔ yi kɔfa mma bre wo nana asomasi ne ɔbentene na wɔnwo”. Afei wode ankaa twadee ye owufoɔ no ho nyinaa na ama ne ho

adwo anaa aye mmere na wɔtumi asiesie ne ho. Eno akyi no, wɔma owufoɔ no ba panin mo no danta na se ɔnni ba nso a, wɔma abusua ye saa amannee yi na wɔde sika abɔ ne ntoma anaa ne danta no ano kyere no se, se ɔduru kwan so a , ɔde atɔ nsuo anom.

### **2.5.2 Efunudeda**

Boahene (2001) kyere se, owuo ye akwantuo a eda onipa biara anim. Se wope o, se wɔmpɛ o, ɛduru ho a, woye den koraa a wobekɔ. Ɔtoa so se, enam se Akanfoɔ gye di se onipa wu a, na ɔrekɔtoa n'abrabɔ so wɔ asamando nti no, na ese se wɔsiesie amu no ho fefɛfe na se ɔduru nananom ho a, n'anim angu ase. Ne saa nti no, se wɔdware amu no wie a, wɔde nneema a eye fe siesie no ho ansa na wɔde no ato mpa so. Nneema a wɔde deda amu no bi ne ntoma papa bi te se kente-ɛdwiniasa, ahwennee, duku, patia, na se ɔye ɔhene anaa ɔkɔmfoɔ a, wɔde ahenemma gu ne nkyen anaa wɔtumi de hye no. Saa nneema yi na wɔfre no adesiedee no. Eye abusua ne adɔfoɔ asedee se wɔde saa nneema yi ba ma wɔde siesie amu no ho.

Adu-Gyamfi (2010) nso de pue dwa se, se yeka se yerededa efunu a, na yerepe akyerɛ se bere a wɔasiesie efunu no ho awie na wɔde no ato mpa so ama adɔfoɔ abema no anidie a ɛtwa toɔ. Ɔtoa so se, Akanman mu no, wɔdeda efunu wɔ mpa so, na ebi nso wɔ ho a, wɔtumi deda no funnaka no mu. Ɔkyere mu se, ansa na wɔbededa amu bi no, na ɛkyere se wadware no asiesie ne ho ayie. Afei wɔhye no ataadee anaa wɔfira no ntoma kamakama sedee ebeye a adɔfoɔ a ɛbeba no ani begye ne ho. Wɔwie a, wɔde no to mpa so te se dee wada no ma adɔfoɔ besu twa agyaadwoɔ.

Kane no, na yenhye da nni nnipa a wɔagye ato wɔn ho so se amudeda ye adwuma a wɔsua na wɔde ye wɔn adwuma, nanso enne yi dee nnipa no bi de aye wɔn adwuma a wɔye gye

sika. Kane no, na wɔdeda amu a, wɔde no to mpa so nko ara, nanso enne yi dee, wɔtumi de no gyina hɔ, wɔde no tena hɔ, anaa mpo wɔma no bu nkotodwe. Mpen pii no, ɔkwan a wɔfa so deda amu bi no taa gyina adwuma a owufoɔ no te ase na ɔye so (Prempeh, 2020).

### 2.5.3 Adesiedee

Prempeh (2020) kyere mu se, adesiedee ye amannee a woye no bere a efunu no da ho a wonsiee no, anaa bere a wɔasie efunu no ayie na wɔreye n'ayie. Otoa so se, dee edi kan no, woye no anwummere a wɔresiesie amu no ho de no atom pam no. Eno na wɔfre no adwaredee no, Onipa a wawu no nsew anaa okunani a ne kunu anaa ne yere awu na woye saa amannee yi. Wɔhyehye nneema ahodoɔ a yede dware bi te se nsuohyee a egu dwaresen mu, samina, adwarepaawa, ne sapa. Afei, dee yedware wie a yede siesie yen ho ne nneema a yehye de da kete so anwummere. Gyidie a ewo saa nneema yi mu ne se, saa nnipakuo ahodoɔ a mabobo so no de som owufoɔ no te se dee ɔte ase na wahwie nsuo asi no adwaree anwummere.

Adesiedee a eto so nso ne dee woye ma owufoɔ no bere a wɔdeda no mpa so na wɔretwen akosie no. Mpanimfoɔ se, 'Eka wo nantini a, na aka wo to'. Enna se ani nya a, na ehwene nso anya. Ne saa nti no, se adee to obi ani wo Akanman mu a, eye a na adɔfoɔ taa kɔgyam no na wɔkyere do a wɔwo ma saa nipa no. Adɔfoɔ taa kyere won do wo akwan ahodoɔ pii so a ebi ne adesiedee. Se wɔde amu no to mpam a, adɔfoɔ a wɔbegyam abusua no kyere won do kyere owufoɔ no. Enam se Akanfoɔ gye di se obi wu a, na ɔretu kwan nti no, adɔfoɔ tumi de sika, ntoma, duku, ne petia de ma owufoɔ no se ɔmfa nto ne ho na ɔde atu ne kwan no. Akanfoɔ gye di se, asamando ye ɔman a obi ko a, ɔbehunu won a wɔawuwu dada no

nti, nnipa binom mpo tumi de fa owufoɔ bi so mane ne maame, ne papa, ne nua anaa ne busuani bi a wafiri mu mmere bi a atwam (Hwe Adu-Gyamfi, 2010:34-35).

#### **2.5.4 Efunu so Mmusuyie**

Efunu so mmusuyie ye amannee a Akanfoɔ ye no bere a wɔde amu no ato adakam ansa na wɔakɔsie no. Eyɛ apaeɛ a wɔyi no wɔ amu no so bere a wɔde no ato adakam. Akanfoɔ gyidie ne sɛ, apaeɛ ye ɔkwan a atasefoɔ fa so de wɔn adesredeɛ fa nsamanfoɔ so de to Nyankopɔn anim. Mpanimfoɔ se, “Deɛ ɔrekɔ na yeto no nkra” nti no, wɔde nkra fa deɛ wawu a ɔrekɔ no so de kɔma wɔn a wɔadi kan kɔ no.

Boahene (2001) de to dwa sɛ, mmusuo kyerɛ adeɛ a ɛnye anaa efi bi aba baabi. Ne saa nti no, sɛ wɔka sɛ wɔreyi adeɛ bi so mmusuo a, na ɛkyere sɛ nnebɔne a aba beaɛ bi no nyinaa wɔreyi afiri hɔ. Ɔtoa so sɛ, sɛ wɔreyi efunu bi so mmusuo a, na ɛkyere sɛ wɔreyi so apaeɛ na ade bɔne biara a ɛnam owuo no so betumi de aba abusua no so no, nananom nsamnfɔɔ ayi afiri hɔ.

Mpɛn pii no, abusuapanin anaa ɔkyeame na wɔyi apaeɛ no. Sɛ wɔde amu no to adaka mu a, abusuapanin anaa ɔkyeame de nsa yi apaeɛ srɛ nananom sɛ wɔmma deɛ wawuo no baabi pa ntena, afei ɔnnye abusua no nso adesredeɛ mma wɔn, ade bɔne biara a ɛbeba abusua no so nso wɔnyi mfiri hɔ, mma wɔmma wɔmmmɔ ka wɔ ayie a wɔrebeye no, mma wɔmma asiane biara mma ayie no ase, ne deɛ ɛkeka ho. Weinom nyinaa wɔsrɛ no wɔ nsaguo kwan so.

Nneema a wɔde yi amu so mmusuo no ye Buroni nsa. Wɔgye saa nsa yi fra nneema a wɔde ye adesiedee no ɛfiri owufoɔ no yere, ne kunu, ne nsewnom, anaa sɛ ɛkɔba sɛ ɔnni saa nkurɔfoɔ yi bi a, abusua no na wɔde nsa no ba. Nye wei nko ne deɛ wɔde yi amu bi so

mmusuo, eduru mmere bi a, adɔfoɔ bi tumi de ntoma ye adesiedee de kyere ɔdo a na wone owufoɔ no wo na wɔhye abusua no ma wode ntoma no gu amu no so. Adɔfoɔ no tumi fa kwan no so ne owufoɔ no di nkra na otumi sre ne nkyen adee bi te se sika, awoo, ayaresa, adwuma ne dee ekeka ho.

### **2.5.5 Dee nti a Akanfoɔ ye ayie**

Boahene (2001) kyere a nnipa binom dwene se, Akanfoɔ sosɔ efunu so na wɔhuro ayie so dodo, nanso nye saa ara na etee. Mpanimfoɔ se, “Se obi beye ne biribi a, na ewo ase”. Se obi dehyee firi mu a, eye adee a abusua no nhunu no bio, enti abusua no hunu se wɔahwere adee a esom won bo. Ne saa nti no na ese se woye dee wobetumi biara de hye won dehyee a wafiri mu no animuonyam. Enam wei so nti na se obi wu a, Akanfoɔ mfa onii no ayie nni agoro no. Afei, dee edidi soɔ yi nso ye botae no bi a Akanfoɔ fa so de won dehyee ayie.

Ayie ye amammere baako a edi akotene wo wiase afaan nyinaa sedee animdefoɔ bebre akyerɛ no. Erekame aye se dabiara ayie ko so esiane owuo nti. Obi bebisa koraa se mfasoɔ bi wo saa amammere yi ho anaa? Brian (2009) ka se animdefoɔ a wɔhwehwe asetena mu amammere ne amanyɔfoɔ (anthropologist and politicians) hunu ayie kuntann a eko so wo wiase se adehunu a mfasodee biara nni so. Brian ko so ka se, dee animdefoɔ yi reka wo mu dee nanso se wohwe a, ayie boa ma yehunu owufoɔ no abusuafoɔ. Se woba Akanfoɔ ayie mu a, saa bere no ma yehunu owufoɔ no mma ne kunani ne abusua kesee no nyinaa.

Wode ayie kyekyere abusuafoɔ were sedee Jehangir ne Hamid, Agyekum ne afoforo akyerɛ no. Agyekum aka se ayie ye amansan dea efiri se obiara bewu. Nnipa a woba begyam dee wawuo no ma yehunu se obiara ntumi ntena ankonam. Sedee etee biara wohia nnipa wo wo ho na aboa wo ate w'awereho so. Mpanimfoɔ se, awerekyekyere wofa no onipa ho.

Ayie boa ma edwadie kɔ so. Boateng (2012) ka sɛ, asetena mu sikasɛm nya nsunsuansoo wɔ sɛdɛɛ yɛyɛ ayie. Sɛdɛɛ Akanfoɔ yɛ wɔn ayie kane no ne ɛnnɛ dɛɛ no bɔ abira kakra. Sɛdɛɛ animdefoɔ binom akyerɛ wɔn adwene no, ɔkwan a wɔfa so yɛ ayie no abue nnwuma ama nnipa bebree. Nnipa binom tontɔn ayie ho nnoɔma te sɛ ntoma, mpaboa, nkonnwa ma nkurɔfoɔ kɔtɔ de yɛ wɔn dehyɛɛ ayie. Wie nso boa de sika ba ɔman no mu. Yɛwɔ nnipa binom nso a wɔatu wɔn ho asi hɔ sɛ wɔbɛgyɛgyɛ ɔmanfoɔ ani wɔ ayie ase. Weinom bi ne nwonkorɔ, kete ne dɛɛ ɛkeka ho. Ɛwom sɛ ayie a wɔpagya no kɛsɛɛ no de ɛka ba dɛɛ nanso ɛboa wɔn a wɔdi ayie ho nneɛma dwa nya wɔn ano aduane. Ɛnnɛ mmɛrɛ yi ayie ase akɔyɛ baabi a aban mu mpanimfoɔ ne amanyɔfoɔ gyina simpie so kyerekyere ɔman no mu nsem na wɔsrɛ ɔmanfoɔ sɛ wɔnto aba mma wɔn.

## **2.6 Adwenemusɛm anaa tiɔri a mede dii dwuma yi**

Adwenemusɛm anaa tiɔri a megyinaa so de yɛɛ nhwehwɛmu adwuma yi mpɛnsɛmpɛnsɛmu ne Simiɔteke (Semiotics) Adwenemusɛm. Saa adwenemusɛm yi gyɛɛ nhini firii Saussure (1983) asoɛɛ. Ɔkyerɛ mu a, Simiɔteke 'Semiotics' gyina nsɛnkyerɛnne (sign) so sene sɛ yɛde yɛn ano bɛkasa de asem anaa tirimpɔ bi ato dwa. Nsɛnkyerɛnne (sign) yi yɛ adeɛ a ɔkyerɛ mu sɛ, ɛyɛ adeɛ a ɛka nnipa abrabɔ ho, titire wɔn nkutahodie mu. Ɔkɔ so kyere sɛ, kasasua mu no, nsɛnkyerɛnne yɛ adeɛ a ɛtumi gyina hɔ ma biribi foforɔ, na adeɛ a nsɛnkyerɛnne no taa gyina hɔ ma no yɛ tirimpɔ a ɛde to dwa.

Nsɛnkyerɛnne wɔ afaanu mmienu a ɛboa ma nteaseɛ a nsɛnkyerɛnne no de reto dwa no mu da hɔ yie. Saa nneɛma mmienu yi ne: Akyerɛdɛɛ (signifier) ne Akyerɛsɛm (signified). Ɔkyerɛ sɛ, Akyerɛdɛɛ (Signifier) no yɛ anituadeɛ anaa nsɛnkyerɛnne no ankasa, ɛnna Akyerɛsɛm (Signified) no nso yɛ nteaseɛ anaa asem pɔtee a anituadeɛ anaa nsɛnkyerɛnne

no de reto dwa. Saussure (1983) de ka ho se, mpen pii no, eye a yenam twaka sononko a eda Akyerede no ne Akyeresem no ntam so na yeny tirimpɔ a nsenkyerenne no pe se ede to dwa no. Edin a ɔde ma saa twaka yi ne Asekyere (Signification).

Gorlee (1994) de nsenkyerenne ho nhwesoo no bi to dwa no, ɔda no adi se, nsenkyerenne (sign) betumi aye mfonɔ (picture), nsenkyerenne ahodoɔ a ekyere se biribi rekɔ so wɔ nipadua mu (symptoms), ɔykyere (demonstration), nnyegyeee (sounds), ne dee ekeka ho. Olenyo (2011) nso kyere se, botae pɔtee a Simioteske gyina so ne se, yetumi gyina nnipa nnyegye anaa honamkeka (acts) ne nneema a yetumi so mu (objects) so nya nsenkyerenne ahodoɔ a wɔkeka bom de nteasee ahodoɔ to dwa.

Mfonini a wei twa kyere yen ne se, yetumi nya nsenkyerenne no bi a yen ani nko ara na yede hwe nya mu nteasee na wontumi nso mu, enna yewo nsenkyerenne no bi a eno dee wotumi de w'ani hwe san de wo nsa som a mpen pii no ebi ye afadee ahodoɔ a nnipa de ye won ho. Saa nneema yi bi ne adesiedee a Akanfoɔ de kyere wo ayie ase. Se yefa nsenkyerenne a eye nnyegyeee (sounds) a, eye den se obi betumi de ne nsa aso mu, nanso nnyegyeee tumi kasa kyere nnipa ma enam so ye nsenkyerenne. Na se yefa nsenkyerenne bi te se ahwennee a, eye adee a yetumi de yen ani hwe san so mu na mpen pii no nnipa de ye won ho de kyere ahoofe.

Se yehwe 'Simioteke Adwenemusem' yi mu ne dee animdefoɔ yi de to dwa fa ho yi a, agyinasie ahodoɔ yi na eda adi: dee edi kan, okasa no fa a Simioteke gyina so ne nsenkyerenne (sign). Nsenkyerenne (sign) yi betumi aye dee yede yen ani hunu, na yentumi nso mu, enna yewo dee yede yen ani hunu na yetumi de yen nsa nso so mu. Nsenkyerenne ahodoɔ mmienu yi nyinaa mu no, nnipa tumi hwe nya nteasee anaa asempo a nsenkyerenne korɔ no de reto dwa no. Se yehwe dee yede yen ani pe hunu anaa yede yen aso te na yentumi

nso mu no a, yetumi nya ahosuo (colour), nnyegyeee (sounds), ɔyɛkyerɛ (honamkeka), ne deɛ ɛkeka ho. Deɛ yɛde yɛn ani hwɛ san tumi de yɛn nsa so mu no bi ne ahwennee, ntoma, sapɔ, samina, ankaa twadeɛ ne deɛ ɛkeka ho. Bio, ɛda adi sɛ, nsenkyerɛnne (sign) mmienu a yɛgyina so nya nteaseɛ anaa tirimupɔ a nsenkyerɛnne pɔtee bi pɛ sɛ ɛde to dwa.

Weinom ne Akyerɛdeɛ (signifier) a ɛyɛ nsenkyerɛnne no ankasa, ne Akyerɛsɛm (signified) a ɛkyerɛ asem anaa tirimpɔ a nsenkyerɛnne no de reto dwa no. Saa afaanu yi ntam no yɛ Aseyere anaa Nkyerɛaseɛ (signification) a ɛgyina ho ma twaka sononko a ɛda nsenkyerɛnne no ankasa ne asem anaa atirimupɔ a ɛpɛ sɛ ɛde to dwa no ntam. Saa twaka yi so na otiefɔɔ anaa deɛ ɔrehwɛ nsenkyerɛnne no gyina so nya nsenkyerɛnne no mu nteaseɛ. Sɛ yɛde saa adwenemusem yi toto nhwehwɛmu adwuma yi ho a, ɛne no wɔ twaka pa ara. Deɛ ɛdi kan, sɛdeɛ 'Simiɔteke Adwenemusem yi gyina nsenkyerɛnne (biribi a ɛnye anokasa) so na ɛnye anokasa no, saa ara na adesiedɛɛ nso yɛ Akanfoɔ amammɛɛ no fa baabi a ɛgyina nsenkyerɛnne a ɛnye anokasa so de tirimpɔ anaa nsem ahodoɔ to nnipa anim. Nhwesoɔ bi ne sɛ, sɛ sika a wɔde ka adesiedɛɛ ho no kyere sɛ deɛ wawuo no mfa nye hyɛntiadeɛ na ɔforo kaa a, ɔde atua ka. Tirimpɔ a ɛwɔ mu ne sɛ Akanafɔɔ susu sɛ owuo yɛ akwantuo na ɔkwantuni biara nso hia sika a ɔde beforo hyɛn.

Bio, adesiedɛɛ mu no, nneɛma ahodoɔ a wɔde yɛ adesiedɛɛ no nyinaa yɛ deɛ ɛkasa kyere, na emu biara wɔ deɛ ɛkyerɛ. Weinom nyinaa yɛ nneɛma a yetumi de yɛn ani hunu na yɛde yɛn nsa so mu a ɛyɛ yie. Nhwesoɔ bio ne sɛ, sɛdeɛ ɛdaa adi wɔ me nhwehwɛmu yi mu no, ankaatwadeɛ a wɔde ka adwaredeɛ ho no wɔ ne nkyerɛaseɛ. Deɛ ɛkyerɛ ne sɛ, owufɔɔ no mfa nware na ɔmfa nte ne ho mfiri efi biara ho. Tirimpɔ a ɛwɔ mu ne sɛ, ankaatwadeɛ yɛ adeɛ a ɛte adeɛ bi ho fi. Bio, sɛ sɛbe nka wɔ obi ho na ɔde ankaatwadeɛ yɛ ne ho a, nka no

nyinaa befiri ne ho. Ne sa nti no, wode wei gyina ho ma se abusuafoɔ no mfa nware efunu no se nka bi wo ne ho a, wode ayi afiri ne ho.

Afei, se yede afa mmienu a ewo nsenkyerenne Simioteske gyina so no toto nhwehwemu adwuma yi ho a, eda adi pefee se twaka wom pa ara. Se yehwe Akyeredeɛ (signifier) a eye nsenkyerenne no ankasa a, etwa mfonɛ kyere no a, egyina ho ma nneema ahodoɔ a Akanfoɔ tumi de ye adesiedeɛ no. Akyeresem (Signified) no nso gyina ho ma tirimpɔ a a wɔgyina so de saa nneema no ye adesiedeɛ no. Enna Nkyereaseɛ (signification) a eda afaanu yi ntam no nso kyere twaka sononko a eda nneema ahodoɔ a wode ye adesiedeɛ no ne nsem anaa tirimupɔ a wode to dwa no ntam, a enam so ma nnipa a wɔreye saa adeɛ no nam so te nsenkyerenne anaa nneema ahodoɔ a wode gyina ho ma adesiedeɛ no ase. Se yede saa agyinasie yi toto nhwehwemu adwuma yi ho a, ene no ko pa ara.

Akanfoɔ tumi de kawa anaa petia ye adesiedeɛ. Wei mu no, kawa anaa petia no ne akyeredeɛ (signifier) - nsenkyerenne no ankasa, enna tirimpɔ a eye ɔdo a eda owufoɔ no ne atasefoɔ no ntam twa kyere no ye akyeresem (signified). Nkyereaseɛ (Signification) a eye twaka a eda kawa anaa petia no ne ɔdo tirimupɔ ntam no boa de nteaseɛ no to dwa preko pe. Esiane se mpen pii no, se onipa bi hye obi kawa anaa petia a, na ekyere se saa nipa no wo ɔdo sononko ma onipa no.

Nkyeremu anaa agyinasie ahodoɔ a eda adi wo Simioteke Adwenemusem no mu no da no adi pefee se, eye adwenemusem a wode toto dee efirii nhwehwemu yi mu bae no a, twaka a eda won ntam no yi ne ho preko pe. Wei na ehyee me nkuran maa mefaa saa adwenemusem yi de dii dwuma yi.

## 2.7 ɔfa yi Tɔfabɔ

Mede ɔfa a ɛtɔ so mmienu wɔ me adwuma yi mu ahwe deɛ animdefoɔ binom de ato dwa a ɛne me adwuma yi wɔ twaka. Mehwɛɛ Akanfoɔ kasa ne wɔn ho nse, Akanfoɔ amammerɛ, amammerɛ su, amammerɛ so mfasoɔ, Akanfoɔ amammerɛ ahodoɔ no bi, owuo ne owuo ne owuo ahodoɔ no bi, ayiyɛ ne ayiyɛ ahodoɔ ne amanneɛ ahodoɔ a ɛda adi wɔ ayiyɛ mu. Afei medaa adwenemusɛm adwuma a adwuma yi gyina soɔ no nso adi.



## ƆFA A ƐTƆ SO MMIƆNSA

### ADWUMA YI HO AKWANKYERE

#### 3.0 Nnianimu

Saa ɔfa yi kasa fa ɛkwan a mefaa so yɛɛ nhwehwɛmu yi, nnipa dodoɔ a mede wɔn dii dwuma yi, ne sukyere nhwehwɛmu akwankyere a megyinaa so dii dwuma yi; merekyere nhwehwɛmu adwuma a ennyina nkontabuo so. Bio, ɔfa yi san kasa fa nhwehwɛmu yi su, akwan ahodoɔ a mefaa so nyaa nsemmoano dii dwuma yi, beaɛ a adwuma yi kɔɔ so. Ayieɛ koraa no, ɔfa yi abobo etire nsem ahodoɔ a ɛdii akotene wɔ adwuma yi mu tofa.

#### 3.1 Adwuma yi Nhwehwɛmu su

Menam nhwehwɛmu su a ennyina nkontabuo, sukyere anaa kwalitetifu akwankyere so na ɛdii me dwuma yi. Sɛ yeka sɛ nhwehwɛmu bi nnyina nkontabuo so a, na ɛkyere sɛ nhwehwɛmufoɔ no de nhwehwɛmu a ɛgyina nkyerɛkyeremu so na ɛdii dwuma ahodoɔ a ɛfa nsemmoano no mpensempensemu no ho.

Owu-Ewie (2012) kyere mu sɛ, nhwehwɛmu a ennyina nkontabuo so yɛ nhwehwɛmu adwuma a yefa so de yen ani to fam hwe adeɛ ne nneyɛɛ ahodoɔ sɛdeɛ yɛbenya suahunu ne nimdeɛ afiri nnipa ahodoɔ binom a yenim sɛ wɔwɔ nimdeɛ soronko bi nkyen. Ne nnyinasoɔ yɛ nkɔmmɔbo ne nsemmissa

Creswell (1944) nso da no adi wɔ Owu-Ewie (2017) mu sɛ, saa nhwehwɛmu kwan nhyehyɛɛ mu no, ɛhia sɛ nhwehwɛmufoɔ no kɔ beaɛ a ɔreyɛ nhwehwɛmu no na ɔne ɔmanfoɔ no bo mpu ne mpu sɛdeɛ ɛbeyɛ a ɔbete wɔn ase wie na ɔne wɔn adi dwuma. Nhwehwɛmu a ennyina nkontabuo so nam ahweɛ so tumi nya nsemmoano ahodoɔ bi a nhwehwɛmufoɔ no taa de di dwuma ahodoɔ so.

Dee nti a meyeɛ nhwehwemu a ennyina nkontabuo so ne se, me'adwuma yi nhia akontabudeɛ biara, na afei megyinaa nnipakuo a mede wɔn dii dwuma no nsem so na eyee me mpensempensemu yi. Osuala (2000), Goode ne Hatt (2006) wɔ Asantewaa (2020) mu ka se, kwalitetifu nhwehwemu akwankyere ye kwan a yefa so hwe, sua, kyerekyere nsem mu nya nimdee fann a efi biara nni ho firi aforɔ nkyen. Wei kyere se, eboa nhwehwemufɔɔ no ma no baabae adwene ne nkyerekyeremu ahodoɔ a obenya afiri nsem ahodoɔ bi mu. Bere a wɔrebaabae mu no, na ereyi adwempɔ a ewɔ mu nyinaa pue, na enam so ma e twe nhwehwemufɔɔ no adwene si dee ɔrehwehwe no so.

Saa nhwehwemu kwan yi ho wɔ mfasoɔ bebreɛ. Eno na ehyee me nkuran maa mede saa nnyinasoɔ yi dii dwuma wɔ me adwuma yi mu sedee ebeye ama manya nhunumu ne suahunu afa nnipakuo ahodoɔ a adwuma yi fa wɔn ho no na aboa ayi wɔn suban ahodoɔ a wɔn ani ku ho na wɔgye to mu, ne nnooma ahodoɔ bi a eboa ma wɔn asetena ne abrabɔ mu nsem tu mpon bi te se amammere ne amanneɛ nso adi.

Saa kwan yi nso sane boaa me maa menyaa nteaseɛ a emu dɔ yie faa nnipakuo a nhwehwemu yi fa wɔn ho no ho. Enam so maa mehunu sedee wɔn gyidie nnyinasoɔ ne wɔn amammere si tee ankasa.

Sedee Creswell (2005) kyere no, saa nhwehwemu kwan yi yi nhwehwemufɔɔ yi gyina se ɔno ne onipa a ɔdi nhwehwemu no mu akotene. Enam nhwehwemu kwan yi so na mefaa nkɔmmɔbɔ, nkutahodie ne nsemmissa ahodoɔ a na ahinta ne suahunu so hunuu nnooma aforɔ binom a na madi kan ahunu afiri nnipa binom nkyen dada wɔ m'adwuma yi mu. Dee nti a mede kwalitetifu anaa nhwehwemu a ennyina nkontabuo so dii dwuma yi ne se, eboaa me maa metumi ye mpensempensemu faa Akanfoɔ amanneɛ baako a wɔye no ayie

ase no a ene adesiedee. Eboa maa mehunuu nneema ahodoɔ a Akanfoɔ de ye adesiedee ne deɛ nti a wɔgyina so de saa nneema no ye adesiedee.

### **3.2 Nhwɛhwɛmu yi akwankyerɛ**

Sɛ yɛhwɛ nhwɛhwɛmu su a ɛyɛ kwalitetifu no a, ɛwɔ nhwɛhwɛmu akwankyerɛ pii a nhwɛhwɛmufɔɔ bi tumi de di dwuma wɔ ne nhwɛhwɛmu no mu. Ɛwɔ saa dwumadie yi mu no, nhwɛhwɛmu kwan a mede dii dwuma yi ne ɛtenofrafi. Ɛtenografi ye kwalitetifu nhwɛhwɛmu akwankyerɛ a yenya firii antropɔlɔgyi mu a nhwɛhwɛmufɔɔ no de ne hyɛ ɔmamufɔɔ bi amammere mu amammere, wɔn abrabɔ mu nsem, wɔn nneyɛɛ ne wɔn kasa mu sɛdeɛ ɛbeyɛ a wɔbete wɔn ase yie wɔ nhwɛhwɛmu a wɔreyɛ fa wɔn ho no mu yie. Ɛwɔ saa nhwɛhwɛmu akwankyerɛ mu no, nhwɛhwɛmufɔɔ no di mmerɛ kakra wɔ ɔmanmu a ɔreyɛ nhwɛhwɛmu no sɛdeɛ ɛbeyɛ a ɔbenya daadaa adesua afa deɛ ɔreyɛ nhwɛhwɛmu no ho.

### **3.2 Nnipa a Mede wɔn yɛ Nhwɛhwɛmu Yi**


Boateng (2016) kyere mu sɛ, yɛwɔ akwan ahodoɔ pii a nhwɛhwɛmufɔɔ bi betumi afa so apaw nnipakuo no nyinaa. Ankoreankore a wɔwɔ su baako anaa mmienu a nhwɛhwɛmufɔɔ no ani di akyire a wɔwɔ beaɛ a nhwɛhwɛmu no kɔɔ so na wɔka bom ye ɛho nnipa dodoo (Owu-Ewie, 2017).

Best ne Kahn (2006) kyere nnipakuo a wɔde wɔn ye nhwɛhwɛmu mu sɛ, wɔyɛ nnipakuo a wɔkura su korɔ a nhwɛhwɛmufɔɔ no gye tom sɛ wɔbetumi aboa ama ne nhwɛhwɛmu adwuma no adi mu. Pilot ne Hunger (1999) nso wɔ Boateng (2020) kyere sɛ, wɔyɛ nnipakuo a emu nnipa no wie pɛyɛ, na wɔn nhunumu ne wɔn suban no betumi aboa ama

adwuma no adi mu. Wei kyere se saa nnipakuo yi ne won a wowa nhwehwemu no botae no ho nimdee, anaase nhwehwemu no fa won ho patee se wobetumi aboa ama nhwehwemufo no anya nsemmoano a ebeboa ama adwuma no adi mu.

Nnipakuo a mede won dii dwuma yi ye nnipa ahodo bi a wote Efigyaase Asokore ne ne mpotam wo Sekyere Apuee Mansini mu wo Asante Mantam mu. Mede saa nnipa ahodo yi yee nhwehwemu yi efiri se, woye nnipa bi a won nimdee wo Akan kasa no mu ne amammer mu ko nkan wie na wode di dwuma wie. Bio, mede saa nnipa yi dii dwuma, senti ne se, woye nnipa a na mesusu se wowa me adwuma yi ho nimdee a wobetumi ama me nsem biara a mehia nyinaa de adi me dwuma yi, na ampa nso, woboaa me maa menyaa nsem biara a na mehia nyinaa

Afei mehunu bio se, woye nkurofo a won nimdee wo abrabo ne nipa asetena mu no ko nkan wie a se meko won nkyen a menyaa nsem a efa me adwuma yi botae no ho, na dee merepe ho nkyeremu no nso, eno ara na won mu dodo no ara de aye won nnwuma, mekyere ebinom dwuma a wodie ene se wokyere adesiedee wo ayie ase gye sika.



### **3.2.1 Nnipakuo patee a mede won dii dwuma**

Sedee Owu-Ewie (2017) kyere no, entumi nye wie se obi betumi ne kuro-mu anaa oman-mu no nyinaa betwetwe nkommwo ape won adwenkyere. Nnipakuo patee a mede won dii dwuma yi ye aduasa (30) a won mfee firi aduasa nson de kosi aduwotwe num (31 - 85years). Saa nnipa ne nkurofo patee a mepaa won de dii dwuma yi won dibere na mabo no tofa wo epono a ewo asee ha yi mu no.

#### ***Epono 1: Epono a ekyere nnipa dibere ne won dodo***

Diberɛ	Nnipa dodoɔ	Ɔha nkyekyɛmu (%)
Ahenfo	4	13%
Ahemmaa	4	13%
Akyeame	6	20%
Abusuapanin	2	7%
Adesiedee kyerefoɔ	8	27%
Afoforo	6	20%
<b>Nkabomu</b>	<b>30</b>	<b>100%</b>

Yehwe firi ɛpono yi so a, nnipa a mɛpaɔ wɔn no mu ahenfo nnan (4), Ahemmaa nnan (4), Akyeame nsia (6), Abusuapanin mmieniu (2), Adesiedee kyerefoɔ nwɔtwe (8), ne afoforo nsia (6). Weinom ne nnipa a mede wɔn dii dwuma yi ne wɔn mu biara dibere.

Afei, nnipa dodoɔ a mede wɔn dii dwuma yi mu nkyekyɛmu fa mmaa ne mmarima no nso mabɔ no tɔfa wɔ ha. Nnipa no nyinaa ye aduasa (30), na wɔn mu dunsia (16) ye mmaa na wɔn mu nson (7) a aka no nso ye mmarima. Makyere wei nso wɔ ɛpono a ɛto so mmieniu (2) yi mu.

**Ɛpono 2: Ɛpono a ɛkyere nnipa nkyekyɛmu a egyina wɔn bɔbea ne wɔn dodoɔ so**

Bɔbea	Wɔn dodoɔ	Ɔha mu nkyekyɛmu (%)
Mmarima	14	47%
Mmaa	16	53%
<b>Nkabomu</b>	<b>30</b>	<b>100%</b>

Dee ewo epono yi so ha yi ma yehunu se, se mmaa a mede won dii dwuma no dooso sene mmарima no. Dee nti a emaa ebaa no saa ne se, mmaa no mu dodoo no ara na wokyerе adesiedee wo ayie ase, afei, mmарima no mu kakraa bi na wogyee pene se wone me betwetwe nkommoo.

Afei, mmарima dunan (14) a mede won dii dwuma yi, na won mu mpanimfoo a woadi mfee beye aduanan-nsia kosi aduwotwe-num (46-85) ye du (10) na mmabunu a woadi mfee beye aduasa-baako kosi aduanan-nnum (31-45) a woye nnan (4) na mede won ye nhwehwemu yi. Mmaa dunsia (16) a mepaa won no, na won mu du (10) ye mpanimfoo a woadi mfee firi aduanan-baako kosi aduwotwe-num (45-85) na nsia (6) nso ye mmabunu a won mfee firi aduasa-baako kosi aduanan (31-40). Senti a mpanimfoo no boro mmabunu no so ne se mpanimfoo suahunu wo abrabo ne amammere mu no ko nkan sene mmabunu no. Epono a ewo ase ha yi ye tofabo a ekyere dee mereka ho asem yi nyinaa mu.

**Epono 3: Epono a ekyere nnipa nkyekyemu a egyptina won bobe, won su ne won mfee so**

Bobe	Su	Won dodoo	Mfee	Oha mu nkyekyemu (%)
<b>Mmarima</b>	Mmabunu	2	31-45	<b>14%</b>
	Mpanimfoo	5	46-85	<b>33%</b>
<b>Mmaa</b>	Mmabunu	3	31-40	<b>20%</b>
	Mpanimfoo	5	41-85	<b>33%</b>
<b>Nkabomu</b>		<b>15</b>	<b>31-85</b>	<b>100%</b>

### 3.2.2 Okwan a mepaa so paa nnipa no

Megyinaa m'adwuma yi botae ne nnipa a mede won dii dwuma yi nimdee so na mede mepaa won. Wei kyere se mede nyiyimu kwan a egyptina botae so na edii me dwuma yi.

Nyiyimu yi kɔɔ so bere a meregye nsem bi afiri nnipa kumaa bi a wɔfra nnipakuo a na mereye nhwehwemu yi afa wɔn ho no nkyen. Menyaa nnipa pɔtee a me ne wɔn dii dwuma no, meyii wɔn mu kakraa bi a na megye di se saa nnipakuo no betumi aboa me ama nsemmoano ahodoɔ a efa Akanfoɔ adesiedee ho no behia me wɔ dwumadie no mu no afiri wɔn nkyen ntem so.

### 3.3 Beaeɛ a adwuma yi kɔɔ so

Meyee nhwehwemu yi wɔ Sekyere Apueie Mansini mu wɔ Asante Mantam mu. Mefaa saa Mansini yi efiri se, wɔde Asante Twi kasa na edi wɔn dwuma na wɔntoto amammerɛ ase nso. Afei, mehunu se nnipa a wɔkyere adesiedee wɔ ho no nso dɔɔso yie. Nkuro a ewɔ Mansini yi mu dɔɔso a mentumi mfa nkuro no nyinaa nto me ho so ntu mu anammɔn, ne saa nti no mefaa nkuro nnan a enonom ne Efigyaase, Asokɔre, Dwaben ne Asukokɔɔ. Dee nti a mefaa saa nkuro yi ne se, nnipa a wɔdi wɔn dwuma se adesiedee kyerefoɔ no dɔɔso wɔ saa nkuro yi so. Afei, wɔn a mebo pinii wɔn se me ne wɔn betwetwe nkɔmmɔ a wɔgye too mu no, wɔn mu dodoɔ no ara wɔ saa nkuro yinom so. Epono a edi soɔ yi ye tɔfabɔ a ekyere nkuro a mede dii dwuma yi ne nnipa dodoɔ a mepaa wɔn wɔ kuro biara mu.

#### *Epono 4: Epono a ekyere beaeɛ ahodoɔ ne nnipa dodoɔ a mede dii dwuma*

Nkuro	Nnipa dodoɔ	Ɔha mu nkyekyemu (%)
Efigyaase	8	26.7%
Dwaben	8	26.7%
Asokɔre	10	33.3%
Asukokɔɔ	4	13.3%
<b>Nkabomu</b>	<b>30</b>	<b>100%</b>

Se yehwe epono yi so a, yehunu no se, nnipa baawɔtwe (8) na mefaa wɔn wɔ Efigyaase a ekyere ɔha mu nkyekyemu aduonu-nson, akyire pɔ nson (26.7%), Dwaben nso mefaa nnipa baawɔtwe (8) a eno nso kyere ɔha mu nkyekyemu aduonu-nson, akyire pɔ nson (26.7%), nnipa du (10) nso firi Asɔkɔre a egyina hɔ ma ɔha mu nkyekyemu aduasa mmiensa, akyire pɔ mmiensa (33.3%) na afei mefaa nnipa baanan (4) nso firi Asukɔkɔ a egyina hɔ ma ɔha mu nkyekyemu du-mmiensa, akyire pɔ mmiensa (13.3%).

Dee nti a mepaa nnipa ahodoɔ bi firi nkuro a mede dii dwuma yi mu no ne se, na mepɛ se menya nnipa dodoɔ no ara adwenkyere firi dwuma a meredie no mu. Se yehwe Akanfoɔ adesiedee nneema a, eduru mmerɛ bi a, etumi sesa wɔ nkuro ahodoɔ pii so a emfa ho no ne se nkuro no nyinaa wɔ mantam anaa mansini baako mu. Wei nti na emaa mefaa nnipa ahodoɔ firi nkuro dodoɔ no ara mu no.

### **3.4 Akwan a Mefaa so Nyaa me Nsemmoano No.**

Menam akwan ahodoɔ bi so na menyaa nsem ahodoɔ a mede dii dwuma yi. Ene se mekɔɔ nnipa ahodoɔ binom a wɔwɔ nsem ahodoɔ a na megye di se ebeboa me no nkyen kotiee nsem firi wɔn ankasa anom. Mede nkɔmmɔtwetwe ne atweretwere na edii dwuma yi. Dee etɔ so nso ne ahwee, metuu anammɔn kɔɔ mmea ahodoɔ a na wɔreye ayie kɔhwɛ akwan ahodoɔ a wɔfa so kyere adesiedee,

#### **3.4.1 Nkɔmmɔtwetwee**

Nkɔmmɔtwetwee ye ɔkwan baako a mefaa so nyaa nsemmoano yee me nhwehwemu yi. Mekɔɔ nnipa a na mehia wɔn hɔ mmoa no nkyen ne wɔn kɔtwetwee nkɔmmɔ faa adwuma yi boatee ho maa mede wɔn anom nsem a wɔkae no nyinaa dii dwuma. Mekɔɔ ahenfie

ahodoɔ bi mu ne eho ahemfo, ahemmaa ne akyeame a na menim se wɔwɔ me adwuma yi ho nimdee ne wɔn kɔtwetwee nkɔmmɔ. Afei mesan ne abusua mpanimfoɔ binom a wɔwɔ nkuro ahodoɔ a madi kan aboboɔ din dada no so kɔtotoo wɔn ano. Mesan ne nnipa binom a wɔafa ato wɔn ho so se adesiedee kyere ye wɔn nnwuma no ne wɔn kɔtwetwee nkɔmmɔ faa nneema ahodoɔ a Akanfoɔ de ye adesiedee ne dee nti a wɔde saa nneema ahodoɔ no ye adesiedee. Anowie ahodoɔ a menya firii saa nnipa yi ho no wɔ yen nkɔmmɔtwetwee yi mu no na eboaa me maa menyaa nsemmoano bebree a mede dii saa adwuma yi.

Sedee ebeye na menya nsem a merepe afiri nkɔmmɔtwetwee no mu no, mede foonu a eye 'Infinix Hot 4' na ekyeree amanfoɔ anodisem no bi guu so. Memaa wɔn a me ne wɔn twetwee nkɔmmɔ yi hunuu se, mede foon no rekyere nkitahodie no ma wɔn nso gye too mu. Ewom se, mfitiasee no na wɔretwetwee wɔn ho enam foonu a na ekuta me no nti, nanso menyaa abotare kyerekyeree wɔn dee nti a mede foonu no redi saa dwuma no maa wotee ase.

Ewom se menyaa nsemmoano no dodoɔ no ara firii nkɔmmɔtwetwee ahodoɔ a me ne nnipa ahodoɔ binom twetwee no mu dee, nanso mehyiaa akwansidee ahodoɔ bi wɔ mu. Akwansidee a mehyiae no bi ne foonu a mede kyeree nsem no. Ohaw no bae wɔ bere a na merebo nsem no atie de agu nkrataa so no. Na nsem no bi ayera a ekyere se foonu no antumi ankyere nsem no nyinaa.


### **3.5 Ekwan a Mefaa so Yee Mpensempensemu no**

Mewiee yeinom nyinaa no, meiyii nsemuafoɔ no nsem no mu boaboo ano akuoakuo a megye di se wɔsese mu. Afei, nkɔmmɔ a mekyere guu foonu so no, meboɔ tiee yiyii dee eho hia me wɔ adwuma yi mu, dee nnipa bi kyeree mu sononko no nso mehwee nnipa

dodoɔ a wɔkyerɛɛ adwene korɔ faa asem ho no, na mede me nimdee a mewɔ fa kasa no ho nso kaa ho na mesii gyinaeɛ a efa ho. Tiɔri a mekaa ho asem wɔ ɔfa a etɔ so mmieniu no nso adwuma daa adi wɔ mpensempensemu no mu.

### **3.7 Ɔfa yi tɔfabɔ**

Ɔfa yi kasa faa adwuma yi ho akwankyerɛ ne ɔkwan a mefaa so yɛɛ nhwehwemu yi, nnipa a mede wɔn yɛɛ nhwehwemu yi nso too dwa. Mekyerɛɛ beaeɛ a adwuma yi kɔɔ so nso. Eha yi na medaa nkuro ahodoɔ a medii dwuma yi wɔ soɔ no nyinaa adi. Afei mekyerɛɛ nhwehwemu akwan a mefaa so nyaa me nsemmoano no. Akwan ahodoɔ no bi ye nkɔmmɔtwetwee ne atwerɛtwere. Afei akwansidee ahodoɔ bi nso a mehyiaeɛ no ne kwan a mefaa so sii ano no a anha adwuma yi no nso medaa no adi.



## ƉFA A ƐTƉ SO NNAN

### ADWUMA YI MPENSEMPENSEMU

#### 4.0 Nnianimu

Ɖfa a ƐtƉ nnan wƉ adwuma yi mu ye nsemmoano a mede dii dwuma yi mu mpensempensemu. Adwuma yi gyinaa botae ahodoƉ mmieny so na Ɛye nhwehwemu yi. Botae a Ɛdi kan no hwƐ nneema ahodoƉ a AkanfoƉ de ye adesiedeƐ wƉ ayie ase ne deƐ nti a AkanfoƉ de saa nneema no ye adesiedeƐ ma owufoƉ bi. Botae a ƐtƉ so mmieny no nso yeƐ ntotoho hwƐ nsakrae ahodoƉ a aba nneema a na kane no AkanfoƉ de ye adesiedeƐ ne enne mmere yi mu deƐ. Mpensempensemu yi nyinaa ye adwenkyere ahodoƉ a Ɛfiri me nkƉmmƉtwetwefoƉ no nkyen ne m'ankasa me nimdeƐ mu. Adwuma yi gyinaa adwenemusem anaa tiƉri a Ɛye SimiƉteke (Semiotics) a Saussure de pueie wƉ afe 1983 mu a Ɛgyina hƉ ma nsenkyerenne (sign) ne deƐ Ɛkyere so na Ɛye mpensempensemu yi.

#### 4.1 Nneema ahodoƉ a AkanfoƉ de ye adesiedeƐ, ne deƐ nti a wƉde ye

AkanfoƉ ye nnipakuo a wƉmfa wƉn amammere nni agoro, ne saa nti no nneema ahodoƉ biara a Ɛka wƉn amammere ho no, wƉbƉ ho ban seƐe Ɛbeboa ama wƉn amammere no atu mpon. Saa amammere a wƉnni ho agoro no mu baako ne ayiye. AkanfoƉ bu owuo se Ɛye akwantuo a onipa fa so kƉ asase foforo so wƉ honhom fa mu. Ne saa nti no, se obi wu a, wƉsusu se onipa no mfirii wƉn nkyen na mmom Ɖretu kwan akƉtoa nananom wƉ kuro foforo so. Ɛnam wei so nti se obi wu a, na Ɛtwa se wƉhye onipa no animuonyam na wƉgya no kwan kamakama na se ƉkƉtoa nananom a, wƉanya amannepa bi abƉ wƉn.

AdesiedeƐ gu mu ahodoƉ pii wƉ Akanman mu. YeƉwƉ adesiedeƐ a Ɛye nneema a onipa dasani de dware ne deƐ yeƐde siesie yen ho. Saa nneema yi na wƉato ne din se adwaredeƐ

no. Afei, yewo nneema a se onipa bi dware wie a, ode sieise ne ho te se pieto, danta ne ntaadee. Yesan wo nneema a yede siesie kete so te se mpasotam, bommo ne sumiie, afei se wode amu bi nso to mpa so a, yewo nneema a abusua, mma, okunu anaa oyere ne adofoo nso de ye adoe ma owufoo bi de tu ne kwan no. Saa nneema yi nyinaa ka bom na Akanfoo fre no adesiedee no. Saa nneema anaa amannee yi nyinaa ko so wo dotewie no mu. Na se eduru mmere a worenom sikasa nso a, wowo amannee ahodoa a woye, nanso m'adwuma yi ano si doteyie no nko ara. Ne saa nti, adesiedee anaa amannee a mabobo so yi nyinaa ye dee eko so wo Akanfoo doteyie nko ara mu.

Dee ese se yehye no nso ne se, Akanfoo nye won adee kwa, na mmom biribiara a wobeye no wowo botae anaa gyidie bi a etae akyire. Ne saa nti no, nneema ahodoa a wode ye adesiedee no nyinaa wo senti anaa gyidie a etae akyire. Nhwehwemu da no adi se, botae no bi gyina amammera so, ebi gyina won gyidie so, ebi gyina won suahunu so, enna ebi nso gyina apomuden so. Afei, mede mmere kakra behwe nneema ahodoa a Akanfoo de ye adesiedee ne dee nti a wode saa nneema no ye.

#### **4.1.1 Nneema a Akanfoo de ye adwaredee**

Obaapanin bi a okyere adesiedee wo Effiduase kyerere me mu se, mpanimfoo nyaa saa asemfua yi firii nsemfua ahodoa mmienmu a eye “**adwaree**” ene “**adee**” mu. Enti ne tiawatwa mu no, okyere me mu se, eye nneema a yede dware. Obaapanin yi toaa so kyerere mu se, enam se Akanfoo bu owuo se eye akwantuo nti no, se obi wu a, ansa na wobegya no kwan ama no ako nananom ho wo asamando no, gye se wodware no na wosiesie ne ho kamakama sedee ote ase no na ono ara ye bere a oretu kwan no. Wei nti wodware no na se okopue wo nananom anim a, ono nso anim aba nyam. Dee okae ne se,

*“Me nana, se woretu kwan a, wodware? Saa ara nso na se obi wu a, ese se onno nso dware ansa na watu ne kwan no. Na esiane se onno ara ntumi nnware ne ho nti no, na ese se yedware no, siesie ne ho kamakama”.*

Obaa hemmaa baako nso de toaa so se, Se obarima bi te ase na owɔ yere a, eye obaa no asedee se obarima no rekɔdware a, obaa no hwie nsuo kɔsi no adwareee na se odware wie a, wakɔyi nneema a ode dwareee no afiri adwareee ho. Saa ara nso na etee wɔ baabiara, wei nti se obi wu a, se oyee obarima anaa obaa a, eye oyere anaa okunu no asedee se oma no nsuo dware na se odware wie a, wayi nneema no ho asiesie ne ho fefee. Wei nti yetaa ka se “yereyi amu no adwareee”.

Dee ohemmaa yi kae yi da no adi pefee se, eye Akanfoɔ amammerɛ se nye obaa kunani nko ara na ese se oyi ne kunu adwareee, na mmom obarima a ne yere awuo nso ese se oyi ne yere adwareee. Obaa hemmaa yi toaa so kyerɛ mu se, se obi wu na se onni yere anaa onni kunu na se owɔ mma a wɔaware a, ennee onipa no nsewnom tumi yi wɔn asew adwareee. Afei, se ekɔba se onipa no nni yere anaa onni kunu na se onni nsewnom nso a, ennee eye abusua no asedee se wɔyi wɔn dehyee no adwareee de hye no animuonyam.

Adwaredee wɔ nkyekyemu ahodoɔ anaa esono onipa biara ne nneema a Akanfoɔ gye de ye adwaredee. Se obaa wu a, esono nneema a wɔgye de ye adwaredee enna se obarima nso wu a, esono nneema a wɔgye de ye adwaredee. Nneema no pii ye pe na mmom nsonsonoe kakra a eda mu no ne nneema a yede siesie yen ho no. Mede mmere kakara wɔ ofa yi mu behwe nneema ahodoɔ a Akanfoɔ de ye adwaredee wɔ ayie ase.

#### **4.1.1.1 Bokiti /Dwaresɛn**

Sɛdɛɛ madi kan ada no adi wɔ ɛsoro hɔ no, adwaredɛɛ yɛ nneɛma a yɛde dware ne dɛɛ yɛde siesie yɛn ho wɔ mmɛrɛ a yɛadware ayie. Dɛɛ yɛnim ne sɛ, sɛ obi rekɔdware a, ɛsɛ sɛ ɔde nsuo ne sapɔ na ɛdware. Wei nti bokiti di akotene yie pa ara wɔ ɔdasani adwareɛɛ mu. Ne saa nti no nneɛma a Akanfoɔ gye de yɛ adwaredɛɛ no mu baako ne bokiti. Na nyɛ bokiti biara kwa, na mmom ɛyɛ bokiti sononko bi a wɔfrɛ no “bɔbrapa”. Sɛdɛɛ ne din tɛɛ no, ɛyɛ bokiti a atitiriw ne anintini na wɔdware mu, na ɛkyere onipa bi dibre ne obuɔ a ɔwɔ wɔ asase so a ɔkɔtenaɛɛ.

Mpanimfoɔ ka aɛm bi sɛ, “Obi bɛyɛ ne biribi no, na ɛwɔ asee”. Madi kan ada no adi wɔ ɔfa yi mu sɛ, bokiti a wɔfrɛ no bɔbrapa na Akanfoɔ taa de yɛ adesiedɛɛ de dware owufoɔ bi. Sɛdɛɛ tiɔri a mede dii dwuma yi a ɛyɛ Simiɔteke a Saussure (1983) de pueɛ dwa so no kyere no, kasasua mu no, nsenkyerenne yɛ adɛɛ a ɛtumi gyina hɔ ma biribi foforɔ, na adɛɛ a nsenkyerenne no taa gyina hɔ ma no yɛ tirimpɔ a ɛde to dwa. Wei kyere sɛ, Akanfoɔ wɔ botaaɛ bi nti a wɔgyina so de saa bokiti yi yɛ adesiedɛɛ ma owufoɔ bi. Tiɔri yi kɔ so kyere mu sɛ, Simiɔteke (Semiotics) gyina nsenkyerenne (sign) so sene sɛ yɛde yɛn ano bɛkasa de aɛm anaa tirimupɔ bi ato dwa. Wei nyɛ sɛ yɛde bokiti Bɔbrapa de nsuo gu mu dware owufoɔ bi a, na ɛka biribi kyere ateasefoɔ sɛ owufoɔ no baa wiase no, wammfa n’abrabo anni agorɔ, na mmom ɔbɔɔ ɔbra pa de yɛɛ agyapadɛɛ too hɔ maa n’abusua. Simiɔteke tiɔri yi kɔ so kyere mu sɛ, nsenkyerene biara wɔ afaafa mmienɛ a ɛnonom ne Akyerɛdɛɛ (signifier) ne Akyerɛsɛm (signified). Akyerɛdɛɛ (Signifier) no yɛ anituadɛɛ anaa nsenkyerenne no ankasa, ɛna Akyerɛsɛm (Signified) no nso yɛ nteaseɛ anaa aɛm pɔtɛɛ a anituadɛɛ anaa nsenkyerenne no de reto dwa. Wei nti bokiti Bɔbrapa no yɛ Akyerɛdɛɛ (signifier) saa ara nso na botaaɛ a Akanfoɔ gyina so de saa bokiti no yɛ adesiedɛɛ no nso yɛ Akyerɛsɛm (Signified).

Ɖbaapanin baako a ɔkyere adesiedee wɔ ayie ase a ɔfiri Dwaben de too m'anim se, kane no na saa bokiti no ye nneema a esom bo wɔ Akanman mu no mu bi. Wei nti se wɔde saa bokiti yi dware amu a, na ɛkyere se onipa a wawu no som bo ma abusua no. Ɖtoaa so kyeree mu se, onipa bi wɔ ho a, ɔba wiase no sebe ɔboɔ bra yie wowoo mma hwee ne mma maa ebinom nyaa gyinabea papa. Ne saa nti no se ɔfiri mu a, na eye ayeyedee a etwa too a woye de kyere aniso na wɔde hye owufoɔ no animuonyam.

Ɖfoforo nso de too so se,

*“Eye anidie a etwa too a absua, nsew anaa akunafɔ ye de ma wɔn dehyee a ɔrekɔ no de kyere sedee ɔsom bo ma wɔn enti na wɔde bokiti a a esom bo na edware amu no”*

Ɖhemmaa baako a me ne no twetwee nkɔmmɔ nso de too dwa se, ebinom wɔ gyidie se enam se dwaresen no dwuma a wɔde die ne se wɔde nsuo gu mu dware amu no nti, se wɔrekɔ a na wɔde nsuo agu mu preko, nanso ɔno dee, ɔne saafoɔ no nye adwene efiri se, mpanimfoɔ se, “Obi nnware obi fie saman”. Ne saa nti no nye obi na ɔbesa nsuo de akɔdware obi funu. Wei nti, ɔno dee, ɔnnye saa adee no ntom, na mmom ese se wɔde dwaresen no kɔ na abusua a wɔn dehyee afiri mu no ara de nsuo gu mu de dware wɔn dehyee no. Nana hemmaa ka too so se, saa dwaresen yi ye adee a na ewɔ din pa ara tete no, na enne yi mpo dwaresen biara nni ho a ewɔ din te se saa bɔbrapa yi. Ne saa nti no, se Akanfoɔ de saa dwaresen anaa bokiti yi ye adesiedee a, na enye se wɔn ho na ete wɔn anaa se soso na wɔsoso ayie so, na mmom wɔde kyere se wɔn dehyee no di mu na wɔahwere adee kɛsee pa ara.

Saa nkyeremu ahodoɔ yi di adanseɛ sɛ Akanfoɔ nye wɔn adeɛ biara kwa, na mmom wɔwɔ gyidie anaa botaeɛ a etae akyire nti a wɔgyina so de ye saa. Yenhwɛ dwaresɛn a mereka ho asem yi sɛdeɛ ete wɔ mfonin 1 wɔ dwumadie yi mu.



**Mfonin 1: Dwaresɛn a Akanfoɔ de ye adesiedɛ**

#### **4.1.1.2 Sapɔ ne adwarepaawawa**

Sɛ wɔwɔ abɔfra a, wɔdware no te ne ho firi fi a ewɔ ne ho a ɔnya firii awoɛ nyinaa ho. Saa ara nso na sɛ onipa bi kɔye adwuma na fifire te no a, ɔdware sɛdeɛ ebeye a fi ne nka a ebaa ne ho wɔ adwumaye mu no nso bɛfiri ne ho. Afei, sɛ obi retu kwan a, ɔdware siesie ne ho sɛdeɛ ebeye a ne ho bɛte na ne ho anyi nka biara ɛfiri sɛ ɔrekɔ nnipa mu. Nneɛma a yɛde dware no bi ne sapɔ a yɛde gu adwarepaawawa so.

Dee ebɛdaa no adi wɔ me nhwehwemu yi mu kyere se, nneema a Akanfoɔ de ye adesiedee no bi ne sapɔ a egu adwarepaawawa so. Ebetɔɔ dwa wɔ me nkɔmmɔtwetwee no mu se, Akanfoɔ de sapɔ ye adesiedee efiri se eno na wɔde dware amu no. Me nkɔmmɔtwetwefoɔ no mu baako de too dwa se, yewɔ sapɔ mu ahodoɔ pii a ebi ne Aborɔfo sapɔ a wɔde rɔba na aye ne Abibifoɔ dee a wɔnya firi dua anaa ahoma mu. Obaa baako a okyere adesiedee a me ne no twetwee nkɔmmɔ nso de too dwa se,

*“Sapɔ a Akanfoɔ gye de ye adesiedee no nye Aborɔfo dee a wɔde rɔba aye no bi, na mmom eye Abibifoɔ dee na wɔnya firi dua a wɔfre no Bekye mu. Ne saa nti no sapɔ a yede dware amu no Akanfoɔ fre no Bekye”.*

Obaapanin bi nso a okyere adesiedee nso kyere mu se, sapɔ a wɔde dware amu a Akanfoɔ gye de ye adesiedee no yefre no Paprada. Okyere se, saa paprada yi ye ahoma a ewɔ wiram enti se wɔkɔtwa a, na wɔaboro ama no afe. Afei wɔde gu awia mu ma wo na wɔayiyi no nteantea. Na enam se eguu awia mu maa no woee nti no, se wode dware a, ano ye den yie pa ara. Okyere se, saa sapɔ yi nan a kane tete no na nananom de dware.

Sedee adi kan ada no adi wɔ adwuma yi mu no, Akanfoɔ nye wɔn biribiara kwa, na mmom wɔwɔ botae bi nti a wɔgyina so de ye saa adee no. Ne saa nti no, meɔ pinii okyeame baako bisaa no dee nti a Akanfoɔ de sapɔ ne adwarepaawawa ye adesiedee, na onno nso de too m'anim se,

*‘Se obi wu a, na onwuiie, na mmom Akanfoɔ yewɔ gyidie se onipa no retu kwan efiri se Akanfoɔ yehunu Asamando se eye oman. Eno nti na se obi wu a, yeto noakra se okɔ na ohunu Asomasi a, omfa saaakra no mma no. Na sedee ateasefoɔ retu kwan a yedware no, sa ara nso na se obi wu a, ese se yedware no na se okɔpue nananom anim a, wɔn nso agye no atom. Se wo ne me beye adwene se, se honam kankan yemfa ntu kwan’.*

Sei na okyeame yi de too dwa faa dee nti a Akanfoɔ gye sapɔ ne adwarepaawa de ye adesiedee no. Wei kyere se, sɛdee ebeye a wɔbenya sapɔ adware amu no nti na wɔgye sapɔ de ye adesiedee no. Se yehwe tiɔri a mede dii dwuma yi a, Akyeredee (Signifier) a ewɔ mu no a eye anituadee anaa nsenkyerene no ankasa no ne sapɔ no, enna Akyeresem (Signified) no nso a ewɔ mu no no a eye nteasee anaa asem pɔtee a anituadee anaa nsenkyerene no de reto dwa no ne adwaree a wɔde dware amu no. Mfonin 2 a ewɔ aseɛ ha yi ye sapɔ a mereka ho asem no nhwesoo.




**Mfonin 2: Sapɔ a Akanfoɔ de ye adwaredee wɔ adesiedee mu**

#### **4.1.1.3 Toobetɛ**

Nneema a Akanfoɔ de ye adesiedee no mu baako nso ne toobetɛ. Sɛdee ne din tee no, ne ne honam nso se. Eye adee a eye betee na ne dwuma a edie ne se, kane tete no na nananom de pepa wɔn anim wɔ mmerɛ a wɔadware ayie. Eno nti wɔgye saa adee yi ka adwaredee e wɔgye de siesie amu ho no bi.

Ɔbaa hemmaa baako a me ne no twetwee nkɔmmɔ no de too dwa sɛ, kane tete no, na nananom rekɔdware a, na wɔwɔ mpepaho anaa towuro ahodoɔ mmiensa; deɛ wɔdware wie a wɔde tu nsuo gu wɔn ho, deɛ na wɔde pepa wɔn honam enne deɛ na wɔde pepa wɔn anim nko ara. Na deɛ wɔde pepa wɔn anim nko ara no na wɔfrɛ no toobetɛ. Ɔbaa hemmaa yi kyereɛ mu sɛ, ne nana a ɔdii n’adeɛ mpo no saa ara na na ɔyɛ na wamfa towuro a na ɔde pepa ne hobnam anka n’anim da. Ɔkyereɛ sɛ, deɛ nti a na wɔyɛ no sa ne sɛ, na nananom wɔ gyidie sɛ sɛ toobetɛ no ano yɛ mmrɛ sene towuro no na nnipa anim nso yɛ mmrɛ nti sɛ adeɛ a ɛyɛ den ka a, ɛbetumi ɛha wɔn.

Mebisaa ɔkyeame baako nso maa no kyereɛ me deɛ wɔde yɛ saa toobetɛ yi na ɔkyereɛ me sɛ,



*“Toobetɛ yɛ adeɛ a yɛde borɔdeɛ dua anaa borɔdetire na ɛyɛ. Sɛ wotwa borɔdeɛ na wopempan aduane no firi dua no so a, na waboro ama no afe. Wowie a, na wode agu awia mu ama no awo na afei waposa ama no aye muhumuhu. Na enam sɛ waposa no nti ano da betɛ na ɛyɛ motoo nso sɛ wode pepa w.anim a”.*

Sei na Nana Kyeame de too dwa wɔ ɔkwan a wɔfa so yɛ toobetɛ a wɔde yɛ adesiedɛ no. Enam sɛ Akanfoɔ wɔ deɛ nti a wɔgyina so de toobetɛ di dwuma wɔ wɔn adwaredeɛ mu nti no, metɔ kɔɔ so bi saa ɔbaa baako a ɔkyereɛ adesiedɛ wɔ Asɔkɔre a ɛbɛ ɛfigyaase na ɔno nso de too dwa sɛ,

*“Asamando yɛ ɔman, na owuo nso yɛ akwantuo. Enti sɛ obi wu a, na yɛn Akanfoɔ yɛwɔ gyidie sɛ onipa no retu kwan akɔtoa nananom wɔ Asamando. Ne saa nti no ɛsɛ sɛ onipa biara a ɔbɛkɔ hɔ no siesie ne ho wie. Toobetɛ a yɛgyɛ ka adesiedɛ anaa adwaredeɛ ho no, yɛn gyidie ne sɛ, enam sɛ onipa no retu kwan nti no, ɛsɛ sɛ ɔdware na*

*ɔsiesie ne ho wie, ne saa nti no yema owufoɔ no toobetɛ sɛ ɔredware  
a, ɔmfa mropa n'anɪm te sɛ deɛ na ɔte asee no na ɔye no ara".*

Saa nkyeremu yi a menya firii Akanfoɔ nye wɔn adeɛ kwa na mmom wɔnim sɛ nti a wɔye, ne saa nti no wɔn botaeɛ a wɔgyina so de toobetɛ di dwuma sɛ adwaredeɛ a wɔde ma ɔwufoɔ no sɛ ɔdware wie a, ɔmfa mpepa n'anɪm sɛdeɛ atasefoɔ ye no no. Mfonin 3 a ɛwɔ asee ha yi ye toobetɛ a Akanfoɔ e ye adaredeɛ no ho nhwesɔ.



**Mfonin 3: Toobetɛ a Akanfoɔ de ye adwaredeɛ wɔ adesiedɛ mu**

#### **4.1.1.4 Bɔɔroba / Towuro / Mpepaho**

Sɛ onipa biara dware wie a, ɛtwa sɛ ɔpepa ne ho nsuo no ansa na wafiri adwareeɛ ho. Adeɛ a sɛ obi dware wie a ɔde pepa ne ho no ne bɔɔroba anaa towuro, na ebinom nso frɛ no mpepaho. Mpepaho anaaa toeuro ye nneɛma a Akanfoɔ de ye adwaredeɛ no mu baako. Bɔɔroba anaa towuro a wɔgye no bi ye ketewa na ebi nso ye kɛsɛɛ. Nkɔmmɔ a me ne mma

bi a wɔkyerɛ adesiedee wɔ ayie ase no mu baako bɔee no, ɔdaa no adi sɛ, ɛduru mmere bi a, bɔɔroba no kɛseyɛ no gyina ɔbra a onipa a wawuo no bɔee wɔ mmere a na ɔte aseɛ no. Ɔkyerɛ sɛ, obi a na ɔte aseɛ na ɔwɔ ne biribi die, na ɔhwɛɛ ne mma ne n'abusua kama no, sɛ owu a, ɛnam sɛ okunu anaa ɔyere, abusua anaa mma pɛ sɛ wɔkyerɛ wɔn anisɔ kyere amu no na wɔhyɛ no animuonyam nti no, wɔtaa de towuro a ɛso na ɛyɛ adwaredee ma owufoɔ no. Wei nti na mpanimfoɔ kaa no wɔ abɛbuo mu sɛ, “W’abomu na ɛbɛkyerɛ w’adɔ”, ɛnna afei nso “Ɔbra pa gya ne wura kwan”.

Sɛdeɛ Akanfoɔ wɔ botaeɛ nti a wɔgyina so ye wɔn nneɛma na afei tiɔri a mede dii dwuma yi yi a ɛyɛ Simiɔteske no kyere sɛ nsɛnkyerɛne wɔ afaafa mmieniu a ɛyɛ Akyerɛdeɛ ne Akyerɛsem no, mepɛɛ sɛ mɛhunu botaeɛ nti a Akanfoɔ gyina so de towuro anaa mpepaho de ye adwaredee ma owufoɔ bi a ɛyɛ Akyerɛsem wɔ Simiɔteske tiɔri no mu no nti, mebo pinii ɔkyeame baako na ɔno nso kyereɛ me mu sɛ,

*“Bɔɔroba ye adeɛ a yede pepa nsuo anaa yede pepa yen ho.  
Deɛ nti a Akanfoɔ gye saa adeɛ yi ye adwaredee no ne sɛ, yede  
ma ɔkwantuni no sɛ ɔmfa mpepa ne ho sɛ ɔdware wie a ansa  
na wasiesie ne ho de atu ne kwan no”.*

Wei kyere sɛ, deɛ Akanfoɔ gyina so de bɔɔroba anaa toeuro ye adwaredee no ne sɛ, wɔde ma owufoɔ no sɛ ɔdware wie a, ɔmfa mpepa ne ho. Wei nyinaa firi gyidie a Akanfoɔ wɔ sɛ owuo ye akwantuo nti sɛ obi wu a, na ɛsɛ sɛ ɔsiesie ne ho wie ansa na watu kwan no.

Sɛdeɛ Tiɔri a mede dii dwuma yi kasa no fa nsɛnkyerɛne (Signification) a ɛda akyerɛdeɛ (Signifier) ne akyerɛsem (Signified) ntam no, ɛda adi pefee wɔ ha sɛ nkyerɛaseɛ tiawa a ɛwɔ towuro anaa bɔɔloba yi dwumadie mu ara ne sɛ, ɛyi nsuo a ɛwɔ amu no ho firi ho ma wɔnya kwan siesie ne ho a ɔde betu ne kwan a ɛtwa toɔ no.

Mfonin 4 a ɛwɔ aseɛ ha yi bɔɔloba a mereka ho asem yi bi nhwesɔɔ.



**Mfonin 4: Bɔɔroba/Towuro a Akanfoɔ de ye adwaredeɛ wɔ adesiedee mu**

#### **4.1.1.5 Samina**

Samina ye adeɛ a ye de yi fi firi adeɛ bi mu, ne saa nti no ye de dware, si nneema hohoro nneema mu. Deɛ menim ne sɛ, sɛ obi pɛ sɛ ɔdware ma ne ho fi anaa nka biara mma ne ho a, gye sɛ ɔde samina ka ho. Obi ntumi nware mma ne ho mfi wɔ mmere a ɔmfa samina nka ho.

Samina ye nneema no mu bi a Akanfoɔ de ye adwaredeɛ no. Nhwewemu ada no adi wɔ me adwuma yi mu sɛ, Tete no, na samina a Akanfoɔ de dware titire ne kɔkɔdɔma anaa

amonkye. Nhwehwemu kyere se, na saa samina yi na na wode si won nneema de ye biribiara a wode samina ye.

Won a me ne won twetwee nkommɔ wɔ me adwuma yi mu no bi daa no adi se, enam se yemfa sebe honam fi ne honam kankan ntu kwan nti no, na ehia se obi retu kwan a, odware.

Wei nti se obi u a, ansa na n'abusuafoɔ begya no kwan ama no akɔpue nananom anim wɔ nseedo no, gye se wɔma no dware siesie ne ho kamakama enna samina nso ne adee a eyi fi ne pampan firi onipa bi ho anaa adee bi ho. Wei nti na Akanfoɔ ntumi nyi samina mfiri nneema a wode ye adesiedee anaa adwaredee mu no.

Ɔfoforɔ nso de too so se, se obi wu a, obi wɔ ho a na sebe efi kakra wɔ ne ho afei nso obi wɔ ho a wode nwura gu ne so sedee ebeye a amu no mporɔ. Ne saa nti ansa na wɔbededa amu no, gye se wɔdware no sedee ebeye a efi ne kankan a ewɔ ne ho nyinaa no befiri ho na wɔdeda no a, adɔfoɔ atumi aben no agyam no. Afei nso se adebone bi wɔ amu no ho a, samina a wode dware no no boa ma eyi ne nyinaa firi amu no ho.

Saa nkyeremu yi ne botae a epuee firii me nhwehwemu yi mu se ema Akanfoɔ gyina so gye samina ka nneema a wode dware amu anaa wode ye adwaredee no ho. Se yefa Simioteske tiori yi keyere saa asem yi mu a, na samina no ye Akyeredee enna botae nti a wode samina dware amu no anaa wode ka nneema a wode ye adwaredee no nso ye Akyeresem. Wei ma no di adanse se, adee biara a Akanfoɔ ye no wɔ botae anaa senti a wɔgyina so ye saa adee no. Nhwesɔ a ewɔ mfonin 5 a ewɔ ase ha yi ye samina a mereka ho asem no bi.



**Mfonin 5: Samina a Akanfoɔ de ye adwaredeɛ wɔ adesiedeɛ mu**

#### **4.1.1.6 Ankaatwadeɛ**

Ankaatwadeɛ ye adeɛ a ɛdi akotene wɔ nnipa abrabo mu yie pa ara. Se yehwe honam fa mu a, yede ankaatwadeɛ yi nka firi nnipa honam mu. Se nka wɔ obi ho na ode ankaatwadeɛ twitwi ne ho ansa na wadware a, nka no tu firi onipa no ho. Ebedaa adi wɔ me nhwehwemu yi mu se, nneema a Akanfoɔ de ye adwaredeɛ no wode ankaatwadeɛ ka ho bi.

Nhwehwemu kyere se, se onipa bi wɔ honam nka a, ano aduro kɛsee pa ara ne ankaatwadeɛ. Deɛ ɛse se onipa no ye ne se, ansa na obeko adwaree akodware no, ɛse se otwitwa ankaatwadeɛ no mu na ode twitwi ne mmotoam ne faako a fifire firi biara ansa na wako adwaree akodware a, nka no befiri ho. Wei nti ankaatwadeɛ di akotene wie wɔ nnipa

asetena mu wɔ ahonnidie mu. Enam wei so nti na Akanfoɔ de ka nneema a wɔde dware amu no ho no.

Bere a meɔ pinii ɔbaa panin baako bisaa no deɛ nti a Akanfoɔ de ankaatwadeɛ ka nneema a wɔde dware amu ho no, deɛ ɔkaeɛ ne sɛ, ankaatwadeɛ te adeɛ ho. Ɔtoaa so kyereɛ mu sɛ, kane tete no, ansa na onipa bi beko adwareeɛ no, gye sɛ ɔde ankaatwadeɛ ayeyɛ ne mmɔtoam, n'ehaamu ne faako a fifire firi no biara. Ɔtoaa so sɛ, wei ma nka biara mma onipa no ho. Enam sɛ onipa wu a, Akanfoɔ susu sɛ eyɛ kwan na onipa no retu enna yemfa sebe honam kankan ntu kwan nti no, Akanfoɔ de ka nneema a wɔde dware efunu no ho sɛdeɛ ebeyɛ a nka bi wɔ ho a, ebefiri ho.

Afei, Gyasehene a ɔfiri Asukokoo nso kyereɛ wɔ yen nkɔmmɔtwetwee no mu sɛ, Akanman mu no, owuo ye akwantuo a eɛda ho ma onipa biara, ne saa nti sɛ obi wu a, deɛ yebeyɛ ama no biara no yeyɛ no sɛdeɛ onipa no te aseɛ. Ɔtoaa so sɛ, sɛ anka onipa no te ase na ɔrekɔdware a, ɔbedi kan de ankaatwadeɛ ayɛ ne ho ansa na wakɔdware. Wei nti sɛ owu a, yefa no sɛ deɛ ɔte aseɛ no pepeɛpe.

Nkyeremu yi ma no da adi sɛ, enam nka a eba onipa ho nti na Akanfoɔ de ankaatwadeɛ ka nneema a wɔde ye adwaredeɛ de dware amu no, ne saa nti no wɔde ankaatwadeɛ no yeyɛ amu no ho sɛdeɛ ebeyɛ a ebeyi nka biara a ewɔ ne ho afiri ho. Wei ma no di adanseɛ sɛ, Akanfoɔ nye wɔn adeɛ kwa na biribiara a wɔbeye no wɔ nnyinasoo. Sɛ yehwe nkyeremu ahodoɔ a apue wɔ ha yi mu a, yehunu sɛ tiɔri a mede dii dwuma yi da ne ho adi wɔ yie wɔ ha nso. Tiɔri yi nnyinasoo baako kyere nneema bi a yede keka nnipadua no (honam akekadeɛ) nso ye nsɛnkyerenne a etumi gyina ho ma biribi. Sɛ yehwe ankaatwadeɛ a wɔde fefa amu ho a, egyina ho ma nka bone ne efi a biara a wɔyi firi ne ho na enam so ma ne ho

te wɔ n'akwantuo a etwa toɔ no mu. Mfonin a ewɔ 5 ha yi nso ye ankaatwadeɛ a mereka ho asem no nhwesoo.



**Mfonin 6: Ankaatwadeɛ a Akanfoɔ de ye adwaredeɛ wɔ adesiedeɛ mu**

#### **4.1.1.7 Baha anaa aburodua**

Tete no, ansa na Akwasi Buroni de krataa anaa tolete roo beba wiase no, na nananom de baha anaa burodua na na esieise won ho wɔ mmere a wɔako baabi so. Nhwewemu mpo da no adi se, baha anaa burodua wɔ nsunsansoo papa wɔ onipa apɔmuden wɔ mmere a ode

asiesie ne ho efiri se aduro biara nni mu. Wei nti na nananom de ye won ho yie wo mmere a woko dua so.

Ebedaa adi wo me nhwehwemu yi mu se, nneema a Akanfo de gye de ye adwaredee no, baha anaa burodua nso ka ho bi. Mebisaa obaa baako bi a okyere adesiedee wo Dwaben na dee oka kyeree me fa sedee woye baha ho no ne se, wonya firi borodee hono mu. Otoa so se, se wowae borodee hono no a, na wode agu awia mu ama no awo kakra sedee aboa biara wo mu a, obewu. Okyeree se, se ewo kakra a na wode nsuo kakra apete so ama no afoko kakra. Afei woposa ma no ye muhuu na aye motoo enti se woko dua so a, na wate bi de akoye won ho wie. Osan kyeree mu se, burodua no nso dee na nananom ye no ne se, se wotutu aburoo wie a, na wahye da ayiyi dee eho ye mmere no na wode agu awia mu ama eho awo ansa na wode asie nti se woko dua so a, na woyi bi.

Okyeame baako kyere se, dee nti a Akanfo de baha anaa burodua ye adwaredee anaa wode ka adwaredee ho no ne se, yeadi kan ada no adi wo adwuma yi mu se onipa wu a, Akanfo bu no se eye kwan na oretu nti ese se asiesie ne ho wie ansa na woko. Onipa biara nso se wosore anopa a, dee ese se wodi kan ye ne se wobeko akokyea nananom ansa na wadware. Ne saa nti no, gyidie anaa botae nti a wode baha anaa burodua ka adwaredee anaa adesiedee nneema no ho no ne se, wogyedi se ansa na owufo no bedware no, obeko dua so nti eno na ode beye ne ho wie.

Otaa hemmaa baako nso de toaa so se,

*“Kane no a na krataa anaa tolete roo nni ho no, na yen nananom de baha anaa burodua na na eko baabi so. Eno nti Akanfo de saa nneema yi ma owufo no se omfa nko dua so nkoye ne ho yi”.*

Sɛ yɛhwɛ tiɔri a mede dii dwuma yi a ɛyɛ Simiɔteske no a, Akyerɛdeɛ (signifier) a ɛyɛ nsenkyerɛnne no ankasa no ne baha anaa burodua no, ɛnna Akyerɛsem (signified) a ɛkyerɛ asem anaa tirimpɔ a nsenkyerɛnne no de reto dwa no nso ne sɛ Akanfoɔ de ma owufoɔ no sɛ ansa na ɔbedware no ɛsɛ sɛ ɔkɔ dua so nti sɛ ɔkɔkyea nananom a, na ɔde ayɛ ne ho yie.. Saa afaanu yi ntam no yɛ Aseyerɛ anaa Nkyerɛaseɛ (signification) a ɛgyina hɔ ma twaka sononko a ɛda nsenkyerɛnne no ankasa ne asem anaa atirimupɔ a ɛpɛ sɛ ɛde to dwa no ntam. Saa twaka yi so na atiefɔɔ anaa deɛ ɔrehwɛ nsenkyerɛnne no gyina so nya nsenkyerɛnne no mu nteaseɛ. Wei nti sɛ obi rekyerɛ adwaredeɛ na ɔde baha anaa burodua ka ho a, ɛma atiefɔɔ no tumi gyina nsenkyerɛne no so nya mu nteaseɛ.

Mfonin a ɛto so 7 yi kyere deɛ mereka ho asem no nhwesoo.



**Mfonin 7: Baha ne aburodua a Akanfoɔ de yɛ adwaredeɛ wɔ adesiedɛ mu**

#### 4.1.1.8 Adwe

Adwe yɛ adeɛ a ɛka nnipa ahonnidie no ho bi. Dwuma baako a nnipa de adwe yɛ wɔ wɔn ahonnidie mu ne sɛ wɔde siesie wɔn mmɔwere so. Sɛ obi de adwe yɛ ne mmɔwere so a, ɛboa ma mmɔwere no so pae fitaa na ɛma no yɛ fɛ. Nhwɛhwɛmu da no adi sɛ, kane no na nananom mpanimfoɔ de adwe yeyɛ wɔn mmɔwere so ansa na wɔabubu. Ne saa nti na wɔnni ho agorɔ koraa.

Deɛ ɛbetɔɔ dwa wɔ nhwɛhwɛmu yi mu ne sɛ, ɛnam sɛ owuo yɛ akwantuo nti no, ɛsɛ sɛ wɔsieise onipa no ho wie ansa na ɔde akɔduru kuro a ɔrekɔ so no so. Afei nso deɛ yenim ne sɛ, wɔdeda amu bi a, nnipa ahodoɔ a wɔfiri akyirikyiri ne benkyɛɛɛ bɛ behwɛ amu no na wɔgyam no, Ne saa nti no ɛyɛ abusua biara asɛdeɛ sɛ wɔbesiesie wɔn amu ho wie ansa na wɔdeda no na amma nnipa annya ho asem bɔne biara. ɛnam wei so nti no sɛ obi wua a, nneɛma a wɔde sieise amu no ho no adwe nso di mu akotene.

Nhwɛhwɛmu yi ma no da adi sɛ, deɛ nti a Akanfoɔ de adwe ka nneɛma a wɔde yɛ adwaredeɛ ho no bi ne sɛ, wɔde yɛ amu no mmɔwere so yie. ɔbaapanin a ɔkyerɛ adesiedɛ a mɛ ne no twetwee nkɔmmɔ no de too dwa sɛ, ɛbia na owufoɔ no te aseɛ no, yareɛ nti no na ɔnya ahoɔden mmubu ne mmɔwere na ɔde wuiiɛ. ɛno nti ansa na wɔbedware no asiesie no ho no, wɔwe adwe de nsuo no yɛ ne mmɔwere so wewere so bubu no kama. Sɛ ɛba sa a, ɛma mmɔwere no so pae fitaa na ɛyɛ fɛ nso. Wei nti na ɛma Akanfoɔ de adwe ka nneɛma a wɔde yɛ adwaredeɛ no ho no.

Deɛ ɔfoforɔ nso de too so ne sɛ,

*“Sɛ onipa bi mmɔwere fu na ɔrebebubu a, ɔwe adwe de yɛ so ansa na wabubu mmɔwere no. Wei nti Akanfoɔ de adwe no ma owufoɔ no sɛ ne mmɔwere fu a, ɔnwe mfa nyɛ so ansa na wabubu. Wei nti na Akanfoɔ de adwe ka adwaredeɛ nneɛma ho no”.*

Nkyeremu ahodoɔ yi ma no da adi se, enam sedee ebema owufoɔ no ho beye kama ama adɔfoɔ behwe no a, wɔanya ne ho asemɔne biara anka. Foforo nso kyere se, enam se asamando ye ɔman nti no, wɔde adwe no ma owufoɔ no se ne mmɔwere fun a ɔrebɔdware a, ɔnwe adwe no mfa nye so ansa na wabubu mmɔwere no. Weinom nyinaa kyere se, enam botae ahodoɔ anaa enam nnyinasoɔ ahodoɔ bi nti na Akanfoɔ gyina so de adwe fra mneema a wɔde ye adwaredee ho no. Adwe a mereka ho asem yi nhwesoo nso yebehunu no wɔ mfonin 8 a ewo ase ha yi.



**Mfonin 8: Adwe a Akanfoɔ de ye adwaredee wɔ adesiedee mu**

#### **4.1.1.9 Yiwana anaa bileedi abaa**

Yen nyinaa yenim se, onipa ahosiesie no mu no, yi a ɔyi ne ho nnwii nso di mu akotene wie pa ara. Se onipa bi ho fun a se ɔdware de nnuhwam te se deen mpo ye ne ho a, anhwɛ

a otwam a nka anaapampan kakra beba ne ho. Enam wei so nti eye a nnipa binom nyae mma won ho mfu saa ara. Akanfoɔ nso ka nnipakuo a wɔmpene mma won ho mfu no ho. Nneema a wɔde yi won ho nnwii no bi ne yiwan, bileedi a esɔ bileedi abaa so. Edaa adi wɔ nhwehwemu yi mu se, nneema a Akanfoɔ de ye adwaredee no, bileedi abaa anaa yiwan nso ka ho bi.

Sedee yeadi kan ahunu no dada se owuo ye akwantuo no, saa ara nso nti na se obi wu na oretu kwan ako asamando a, ese se osieise ne ho wie. Ne saa nti se obi wu a, ansa na wɔbededa no no, woyi ne mmotoam, n'ayaase ne n'abɔdwese (se oye obarima a) ansa na wɔadware no. Bere a mebisaa dee nti a wɔgye bileedi anaa yiwan fra nneema a wɔde ye adwaredee no ho no, dee me nkɔmmɔtwetwefoɔ no bi de too dwa ne se, bileedi anaa yiwan a wɔgye de fra nneema a wɔde ye adwaredee no ho no ne se, sedee ebeye a wɔnya bi ayi owufoɔ no ebia na mmre a na oyare no wanna ahoɔden ayi ne tiri nnwii anaa ne mmotoam nnwii. Afei, otoa so se, se yede owufoɔ bi amu to mpam a edɔfoɔ betwa ne ho hyia begyam no, enti se ekɔba se owufoɔ no tiri afu anaa n'abɔdwese afu a, emma ne ho nye fe na se okɔpue nananom anim a, wɔbebisa no se aden nti na oreba no wanyi ne tiri anaa n'abɔdwese. Enam wei so nti na Akanfoɔ gye yiwan anaa bileedi de fra nneema a wɔde ye adesiedee no ho no. Yenhwe mfonin 9 a ewo aseɛ ha yi sedee bileedi abaa anaa yiwan a mereka ho asem yi te.



**Mfonin 9: Bileedi abaa anaa yiwan a Akanfoɔ de ye adwaredeɛ wɔ adesiedeɛ mu**

#### **4.1.1.10 Nsokoduaa**

Nsokoduaa ye dua a Akanman mu no yewe de twitwiri yen se. Eye dua a ewɔ wiram a yeatwitwa apaepae no nketenkete na eno na na kane no na nananom de twitwiri wɔn se ansa na Akwasi Buroni de nnuro ahodoɔ a yede twitwiri yen se reba wiase. Nhwewemu da no adi se, nsokoduaa wɔ nnuanennuro bi wɔ mu a se obi de twitwiri ne se a, ebɔ ne se no ho ban na afei eyi nka nso firi n'anom. Enam wei so nti no Akanfoɔ mfa saa dua yi nni agoro. Mpo enne yi a nnuro ahodoɔ a yede twitwiri yen se abu yi no, nnipa binom da so de saa dua yi na etwitwiri wɔn se enam mfasoɔ a wɔnya firi mu nti.

Nhwehwemu kyere se, onipa biara sore firi kete so anopa a, enam se okaa n'ano too mu anadwo fa no nyinaa nti no, eye deen koraa a, nka anaa ntasuo beba w'anom. Eno nti se obiara sore anopa a, ansa na obedware no gye se wape duaa anaa aduro bi de atwitwiri ne se ansa na wape nsuo bi adware. Se anye saa a, onipa no se beporo anaa n'anom beyi nka. Ebedaa dwa wo me nhwehwemu yi mu se, dee nti a Akanfoɔ gte nsokoduaa fra nneema a wode ye adwaredee ma owufoɔ no ne se, Asamando ye oman a yeko no animuonyam so, anaa nye onipa biara na oko ho, nti se obi reko ho a, na ehia se osiesie ne ho wie. Wei nti ese se otwitwiri ne se ansa na wadware. Saa nsem yi ye okyeame bi a owo Efigyaase na ode kyere me.

Nana hemmaa ofiri Asukoko nso dee a ode pii so wo mmerɛ a mebisaa no dee nti a Akanfoɔ gye nsokoduaa ma owufoɔ se adwaredee. Dee okaee ne se,

*“Me nana, onipa wu a na onwuii o. Se onipa wu a, na orekotoa n'abrabo so wo kuro foforo so a atitiriw nko ara na woko ho. Asamando kuro no ye kuro kесе a se obi de ne ho basabasa kopue nananom anim a, wobebisa no se nti woreba no na w'abusuafoko nni ho na wansiesie wo ho amma wo yi a wode wo ho basabasa sei na abepue ha yi. Se ekoba no saa nso a, ede mansotwe ne nsamantoa beba abusua no mu. Wei nti na se obi wu a, woye nneema nyinaa ma no se obi a ote ase no”.*

Wei ne nsema a nana hemmaa de too m'anim. Afei, oka toaa so de yee aseresem se,

*“Asamando nye kuro ketewa na yede seprɔee ako ho. Eno nti se obi reko ho a, ese se otwitwiri ne se ansa na wako. Eye sennahɔ se onipa biara wosore anopa a, ese se wotwitwiri wo se ansa na wadware na se wowo baabi a, wako. Na duaa a nananom gye too mu pa ara ne nsokoduaa no, eno nti na yede bi ka nneema a yede ye adwaredee ma owufoɔ no”.*

Nsem a nana hemmaa de too dwa yi ma no da adi se, akyinnyee biara nni ho se onipa wu a, Akanfoɔ wɔ gyidie se akɔtoa n'abrabɔ so wɔ kuro foforɔ so eno nti dee wɔye ma no nyinaa no, wɔye no se dee onipa no te aseɛ pɛpɛpɛ. Sei na nsokodua a mereka ho asem yi te wɔ mfonin a eto so 9 wɔ aseɛ ha yi.



**Mfonin 10: Nsokudua a Akanfoɔ de ye adwreedee wɔ adesiedee mu**

#### **4.1.1.11 Nkuto**

Se onipa biara dware wie na ɔpue firi adwareee a, dee edi ho ne se ɔbɛpɛ nku bi asra. Nku ye adeɛ a se eka onipa honam a, emma honam no nturi na ema no ye akɔnnɔ. Yewɔ nku ahodoɔ a ebinom ye Aborɔfo dee na ebinom nso ye Abibifoɔ dee. Abibifoɔ nku no bi ne

nkuto. Nkuto ye nku a Aborɔfoduro biara nka ho na ewɔ Ɔbɔadee nnuanennuro bi a eka honam no ema no ye mmre na na honam a atwintwam mpo no ema no ye sɔkyee. Yɛnya nkuto firi dua mu na enam se ema honam no ani ye sɔkyee nti no, eno ara na na kane no na nananom de sra wɔn honam.

Ɛbetɔ dwa wɔ me nhwehwemu yi mu se, Akanfoɔ nneema a wɔde ye adwaredee no, nkuto di mu akotene. Nhwehwemu da no adi se, se onipa dware wie a, ese se ɔsra ansa na ɔde ataadee anaa ntoma aka ne honam. Enam se Akanfoɔ fa onipa a wawuo se obi a ɔretu kwan nti no, na eho hia se wɔma amu no nsuo ne samina adware a, dee edi ho bio ne se ɔbema no nku asra. Ɔbaa panin bi a ɔkyere adesiedee wɔ ayie ase a me ne no twetwee nkɔmmɔ wɔ me adwuma yi mu no de too dwa se, dee nti a wɔgye nkuto no ne se, efunu bi wɔ ho a wɔkɔyi firi mɔkyere ba a, enam bolɔɔgo no nti eye a na aye bawee. Ne saa nti wɔde nkuto no sra ne honam nyinaa na wɔde ato ho kakra kɔsi se ebeye mmre. Bio, enye mɔkyere a wɔde efunu bi kɔhye ma bolɔɔgo ma no sene ye bawee nko ara nti na wɔde nkuto fa ne ho no, na mmom dee menim ne se, se onipa anaa aboa bi wu na ɔda ho kyere kakra pe na asene aye bawee. Ne saa nti wɔde nkuto srasra amu bi ma no ye bɔɔɔ na wɔatumi apua no, asiesie ne ho ansa na wɔde no atom pam anaa adaka mu akɔsie no. Enam saa nneema yi so nti na wɔgye nkuto fra nneema a wɔde ye adwaredee no ho no.

Dee ɔkyeame bi nso de too dwa ne se, Akanfoɔ gye di se nkuto ye nku a esom bo sene nku biara eno nti na wɔde nkuto na esra amu no. Ɔtoaa so se, gyidie a etae nku a wɔde ka adwaredee ho no ne se, onipa biara dware wie a, ese se ɔsra, enna nkuto nso ne nku a na tete no wɔde di dwuma anaa wɔde sra.

Dee abetɔ dwa yi kyere se, sɛdee Saussure (1983) adwenemusem a eye Simioteske da no adi no, nsenkyerene biara wɔ afaafa mmienu a yewɔ dee eye Akyeredee ne dee eye

Akyeresem. Ne s anti no yebetumi asi no pi se, se yede Simioteske tiari yi ye adwuma yi mu ntotoho a, ennee nkuto no ye Akyeredee (signified) enna sra a wode sra amu no ma ne ho ye sakyee no nso ye Akyeresem (signifier). Na wei nso ma no da adi se, adee biara a Akanfoe beye no wo asekyere anaa gyidie a etae akyire nti a wode ye saa. Nkuto a Akanfoe de ye adesiedee nso no yebehunu bi wo mfonin a eto so 10 wo asee ha yi.



**Mfonin 11: Nkuto a Akanfoe de ye adwaredee wo adesiedee mu**

#### **4.1.1 12 Pawoda**

Pawoda ka nneema a nnipa de siesie won ho no bi wo mmere a woadware ayie. Yede pawoda bo yen mmotoam, yen koko so ne yen anim ma yen anim te hyemhyen. Nnuhwam

a ewo pawoda mu nti no, se obi de ye ne ho a, ema ne ho tu hwa. Enam wei so nti no se obi dware wie a, ode bo ne mmotoam sedee ebeye a fifire a ebete no no, nka bone biara mma ne ho.

Bio, dee menim ne se, Akanfoɔ bu owuo se onipa akwantuo a etwa too wo n'abrabo a obebɔ no wo asase yi so nti eba no saa a, na ekyere se eye nkunimdie ma onipa no. ne saa nti no se obi wu a, na ese se wobɔ no pawoda anaa hyire de kyere nkunim a onipa no adi wo n'akwantuo no mu. sedee wowo abofra a, wobɔ no hyire de kyere nkunimdie a ode abepue asase yi so no, saa ara na se opanin retu kwan ako asamando a, wobɔ no hyire. Ne titire se obi a obebɔ obra papa bi a, ekyere se odii nkunim wo obra mu a wagya n'akyiri kyiripa.

Ebetɔ dwa wo me nhwehwemu yi mu se, pawoda nso di akotene wo nneema a Akanfoɔ de siesie amu ho no bi efiri se wodware amu no wie a, ese se wode bi bo no de bi twi n'anim na ama ne ho aye fe. Nkyeremye a menya firii me nkommotwetwefoɔ no bi ho fa dee nti a Akanfoɔ de pawoda ka nneema a wode ye adwaredee no ho no ne se, wode pawoda no twi n'anim na wode bi nso aye ne mmotoam sedee ebema ne ho aye fe na aye hwam na ekwan a oretu no ode ahofe akopue nananom anim wo Asamando.

Ofoforo nso de too so se, obiara retu kwan a, ese se osiesie ne ho na ode nnuhwam fefa ne ho na se oko nnipam mu a, wanto sini wo won mu. Afei, se wodware amu no wie a, wode no to mpam ma adofɔ bema no anidie a etwa too, ne saa nti no wode pawoda no twitwi n'anim na ama n'anim ahyeren. Enam wei so nti na wode pawoda ka nneema a wode dware amu ho no.

Nkyeremu ahodoɔ a ada adi wo soro ha yi nyinaa di adanse se, Akanfoɔ nye won nneema kwa, na mmom wowo botae ne nneema a wogyina so nti a woye saa. Ne saa nti no nneema ahodoɔ a wode ye adwaredee no nyinaa wowo nnyinaso anaa senti a woye. Saa nneema yi

nyinaa yɛ abusua, ɔbaa kunafoɔ anaa ɔbarima a ɔreyɛ kuna na wɔde ma awufoɔ no. Sɛ ɛduru mmere bi nso a, ɔbarima anaa ɔbaa a wawuo no nsewnom tumi yɛ ma no.

Sɛ yɛfa nkyerɛmu ahodoɔ a atɔ dwa yi nyinaa toto tiɔri a mede dii dwuma wɔ nhwehwɛmu yi mu ho a, deɛ yɛhunu ne sɛ, nsenkyerɛne ahodoɔ a atɔ dwa yi nyinaa ebiara wɔ ne nteaseɛ a ɛwɔ adwenem. Afei, sɛ yɛde saa adwenemusɛm yi toto nhwehwɛmu adwuma yi ho a, ɛne no wɔ twaka pa ara. Deɛ ɛdi kan, sɛdeɛ 'Simiɔteske Adwenemusɛm yi gyina nsenkyerɛne (biribi a ɛnye anokasa) so na ɛnye anokasa no, saa ara na adwaredeɛ ahodoɔ yi nso a mabobo so yi wɔ soro ha no yɛ Akanfoɔ amammere no fa baabi a ɛgyina nsenkyerɛne a wɔgyina so de tirimupɔ anaa nsem ahodoɔ to nnipa anim. Pawoda a mereka ho asem yi nso yɛnhwɛ ne nhwɛsoɔ wɔ mfonin 12 yi so.



**Mfonin 12: Pawoda a Akanfoɔ de yɛ adwaredeɛ wɔ adesiedeɛ mu**

#### **4.1.2 Akanfoɔ adesiedeɛ a wɔde siesie efunu ho**

sedee medii kan kyekyee adesiedee mu koo akuoakuo wo ofa a yi ara mu wo esoro ho no, Akanfoe adesiedee a wogye no bi ye dee dee wode siesie efunu no ho. Dee yenyinaa yanim ne se, onipa biara soe anopa na obetu kwan a, odware wie a, ese se ohye n'ataadee anaa ofira ne ntoma ansa na watu kwan no. Obiara nni ho a n'adwene mu da ho kann a ode kwaterekwa saa ara betu kwan. Wei nti se ekoba se Akanfoe gye nneema a wode bema owufoe no adware no wie a, woma no dee wode besiesie ne ho a ode betu ne kwan no.

Dee ebetoo dwa wo me nhwehwemu yi mu ne se, adesiedee a Akanfoe gye wo mmere a woreye obi ayie no bi ye dee wodware amu no wie a, wode siesie ne ho. Saa nneema yi nso egyina onipa no bobea so anaa onipa a wawuo no, se oye obarima anaa obaa, esono obiara ne ne dee. Nneema yi nyinaa nso akunafoe, nsewnom anaa abusuafoe na woye de ma owufoe no. Mede mmere kakra wo ofa yi mu behwe nneema a Akanfoe gye de ye adesiedee a wode siesie efunu ho no bi.

#### 4.1.2.1 Pioto

Pioto ye adee a yehye no wo ataadee ase, anaa yehye ansa na yeahye ataadee. Yewo mmaa dee na yewo mmarima nso dee. Mmarima dee no yefre no wo Borofe kasa mu se soportaa, saa ran so na mmaa dee no nso yefre no pante. Ebetoo dwa wo me nhwehwemu yi mu se, se obarima wu na sowo yere a, ne yere no ma no soportaa saa ara nso na se obaa wu na owo kunu nso a, obarima no ma no pante anaa pioto. Se ekoba se dee wawuo no nni yere anaa onni kunu na owo nsewnom a, ne nsewnom na woye ma no anaa woto ma no. Se nso onni weinom biara a, eye abusuafoe na woto de ma no.

Dee epue firii me nhwehwemu yi mu no ne se, Akanfoe de saa nneema yi ma owufoe no efiri se wosusu se onipa no retu kwan nti omfa nhye na omfa nko ne kwan no. Afei, enam

se wɔdware onipa no wie a wɔbɛdeda no ama adɔfoɔ abɛgyam no nti no, wɔde saa nneema yi ma abusua sɛdeɛ ɛbɛyɛ a wɔde bɛsiesie ne ho na ama ne ho ɛyɛ fɛ ɛfiri sɛ Asamando yɛmfa kwatrekwa nkɔ hɔ. Wei nti na sɛ ɔbaa wu a, wɔma no pante ɛna sɛ ɔbarima nso wu a, wɔma no sɔpɔta no.

#### 4.1.2.2 Nika

Wei yɛ adesiedɛɛ a ɔbaa kunafoɔ yɛ ma de ma ne kunu a wawuo anaa abusuafoɔ de ma ɔbarima a wawuo. Sɛ ɛkɔba sɛ ɔbarima no wɔ nsew deɛ na ɔni yere deɛ a, ne nsewnom na wɔtɔ de ma no. Nika yi deɛ, abusua mfa nhyɛ amu no, na mmom wɔde ka ne nneema a ɔde bɛkɔ asamando no ho. Saa nika yɛ fitaa na wɔma no din foforɔ a ɛyɛ wadree. Wɔpam no fitaa na wɔde kɔkɔ anaa tuntum kakra atoto ne bɔtɔ no ano. Sɛ mmarima hyɛ a, ɛfata wɔn wie pa ara. Mmarima taa hyɛ de kɔ ayie.

Deɛ ɛbedaa adi wɔ me nhwehwɛmu yi mu ne sɛ, Akanfoɔ de nika yi ma owufoɔ no sɛ ɔmfa nkɔtoa n'abrabɔ foforɔ no so. Yɛadi kan ada no adi wɔ adwuma yi mu sɛ, Akanman mu no sɛ onipa bi wu a, wɔgyɛ di sɛ ɔrekɔ akɔtoa n'abrabɔ so wɔ kuro foforɔ so wɔ honhom fa mu. Akanfoɔ gye di sɛ onipa no rekɔ ɔman foforɔ so nti ɔbehia nneema a ɔkɔ a ɔde bɛyɛ ne ho. Ne s anti wɔma no nika wei sɛ ɔkɔduru deɛ ɔrekɔ no na ɔworɔ ne ho a, ɔde ahyɛ.

Deɛ ɔhene baako nso ka faa saa asem yi ho ne sɛ,

*“Sɛ onipa wu a, ɔkɔ ɔman foforɔ so. Bɛaɛɛ a ɔkɔ no te sɛ asase yi so ara pɛ. Deɛ yɛyɛ no wɔ ha no, wɔyɛ saa ara bi wɔ hɔ. Wɔkɔ ayie, wɔkɔ adwabɔ ase, wɔkɔ afahyɛ ase, wɔware wɔ hɔ, wɔto wɔn mma din, ne deɛ ɛkeka ho. Ne saa nti sɛ obi wu na Akanfoɔ de nika ma no sɛ ɔmfa nkɔ a, na wɔwɔ gyidie sɛ ɔkɔduru a, deɛ yɛde nika yɛ no wɔ asase yi so biara no, ɔmfa nkɔyɛ saa ara”.*

Saa nkyeremu ahodoɔ yi ma no da adi se, deɛ nti a Akanfoɔ de nika ma owufoɔ bi no ne se wɔmfa nko na se akɔduru deɛ ɔrekɔ no a, baabiara a ɔbekɔ no, ɔde ahyɛ. Wei kyere se, Akanfoɔ wɔ nnyinasoɔ a wɔde ye wɔn biribiara.

#### 4.1.2.3 Ahwennee anaa Ntɔma

Ahwennee ye adeɛ a mmaa de siesie wɔn ho. Yewɔ deɛ mmaa de gu wɔn asene mu ne deɛ wɔde ye wɔn honam de fira ntoma anaa wɔde hyɛ ataadeɛ. Nhwehwɛmu kyere se, edin tɔma no ye se ɔbaa wɔ kunu a, enni se ɔbaa no ara na ɔde ne sika tɔ, na mmom ese se ne kunu na ɔtɔ ma no enti yetɔ ma. Eno nti na enyaa ne din tɔma no. Saa nsem yi ɔbaa hemmaa a ɔwɔ Asukɔkɔ na ede too m'anim,

Nana hemmaa toaa so kyeree mu se, ahwennee ye adeɛ a se ɔbaa de gu n'asene mu a, emma no ye ɔbaa mua. Se ɔbaa nam ho na ahwennee ngu n'asene mu a, emma ne baa no nwie pɛye. Ɔkyeree se, Akanfoɔ wɔ nhwenɛ ahodoɔ pii a ebinom din ne ahwenepa nkasa, nwansena atikɔ, ahwennee bɔdɔm, ahwennee ntoa, ahwennee, mpruka, akokɔ ani, abrakunini, ne deɛ ekeka ho. Weinom nyinaa ye nhwenɛ din wɔ Akanman mu a mmarima na ese se wɔtɔ ma wɔn yerenom.

Deɛ ɔbaa panin bi a ɔkyere adesiedee wɔ ayie ase de too so ne se, Akanfoɔ de ahwennee sie ɔbaa a wawuo na wɔmfa ahwennee biara na esie wɔn funu na mmom ahwennee a ewɔ din na esom bo. Ɔtoaa so se, se ɔbaa bi wu a, enam se mmere a na ɔte aseɛ no na eye ne kunu asedee se ɔtɔ ahwennee ma no no, se ɔwu a, eye n'asedee se ɔde ahwennee ma no ko na se ɔko na ne nkurɔfoɔ bisa no se ɔreba no sen na wo kunu ka kyeree no a, wanya bi aka. Nana kyeree se, eno nti na wɔde tɔma ye adesiedee ma ɔbaa a wawuo no.

Mmere a mebisaa se enti obaa a wawuo no kunu nko ara na ese se oto ahwennee ma ne yere anaa, na se obaa no nni kunu nso a, hwan na obeto bi ama no. Saa asemmisa yi na okyeame baako nso yii ano se, se obaa bi wu na se onni kunu na owo mma a wanyini aware a, ne nsewnom tumi de ahwennee gya no kwan. Na se ekoba se oni kunu nni nsewnom nso a, eye abusua asede se woma no toma no bi na ode kobo amanee wo kuro a oreko so no. Yebehunu ahwennee yi bi nwesoo wo mfonin a ewo 13 wo asee ha yi so.



**Mfonin 13: Ahwennee anaa ntomma a Akanfo de ye adesiedee**

#### **4.1.2.4 Danta ne etam**

Danta ne etam ye ntoma ketewa bi a mmaa anaa mmарima de mo wɔn asene. Edin foforo a wode frɛ no ne amoasee. Mmaeima mod anta enna mmaa nso mo tam. Tete no a na sebe pieto nni wiase no, danta na na nananom de kata wɔn adagya so. Nhwehwemu kyere se, mmaa na na wode saa adee yi siesie wɔn ho pa ara, ne saa nti no mmaa titiriw na wode danta sie wɔn, nanso se eduru mmerɛ bi a, wotumi de sie mmарima nso.

Nhwehwemu yi mu no, ebɛda no adi se, danta nso ye nneema no mu bi a Akanfoɔ de ye adesieɛ de sie wɔn funu. Wɔkyere se, mmaa titiriw na wode sie wɔn, sedee madi kan aka no. Epuee wɔ me nhwehwemu yi mu se, botae nti a Akanfoɔ de danta anaa amoasee fra nneema a wode ye adesiedee no ne se, wode ma onipa a wawuo no se okoduru de orekɔ no a, ode asiesie ne ho.

Wɔn a me ne wɔn twetwee nkɔmmɔ no mu baako de too so se, danta ye adee a kane no na esom Akanfoɔ bo yie pa ara, efiri se pieto mmaeɛ no, eno na na mpanimfoɔ de kata wɔn adagya so. Enam wei so nti na mpanimfoɔ de yee akasa bebuo bi se, “Pieto betoo danta”. Enam sedee saa adee yi som Akanfoɔ bo nti no, se obi wu a nneema a wode sie no no wɔnnya no wɔ mu. Dee me nkɔmmɔtwetwefoɔ yi de too dwa ne se, se obaa bi wu na se yeamfa danta anise no a, na ekyere se onipa no nni mu. Mfonin a ewɔ 14 ha yi ye danta ho nhwesoo.



#### **Mfonin 14: Danta a Akanfoɔ de ye adesiedee**

##### **4.1.2.5 Dɛbɔwo (Duku)**

Dɛbɔwo ye duku a mmaa no de bɔ wɔn tiri. Eɔaa adi wɔ me nhwehwemu yi mu sɛ, mmaa wɔ duku ahodoɔ pii a ebi ne deɛ wɔbɔ de tu kwan, deɛ wɔbɔ de kɔ ayie, ɛna deɛ wɔwɔ deɛ wɔtumi bɔ no da biara. Nhwehwemu yi maa no tɔɔ dwa sɛ, deɛ nti a Akanfoɔ too saa duku yi din dɛbɔwo no ne sɛ, da biara mmaa tumi de bɔ, enti wɔsɛ, “da biara ɛbɔ wo”.

Deɛ eɔaa adi wɔ me nhwehwemu yi mu ne sɛ, Akanman mu no sɛ ɔbaa wu a, wɔde duku bɔ no ansa na wɔakɔ sie no. Wei nti no duku di akotene wɔ nneema a Akanfoɔ gye de ye adesiedee wɔ ayie ase no mu bi. Wɔkyerɛ sɛ, sɛ onipa retu kwan a, ɛsɛ sɛ ɔye ne ho wie ɛna sɛ mmaa nso fira ntoma na sɛ wɔammɔ duku a, ɛmma wɔn ahosiesie no nwie pɛye. Ne saa nti sɛ ɔbaa biara wu a, ɛye Akanfoɔ amammere sɛ wɔbɔ no duku a ɛye dɛbɔwo.

Afei, deɛ me nkɔmmɔtwetwefoɔ no mu baako de too so ne sɛ, Asamando yɛ ɔman a Akanfoɔ wɔ gyidie sɛ deɛ ekɔ so wɔ asase yi so no, ebi kɔ so wɔ hɔ nso. Ne saa nti no wɔde duku yi gya owufoɔ no kwan kyere sɛ, Asamando yɛ ɔman deɛ a, ennee ɔkɔ a deɛ yede duku yɛ biara no, ɔmfa nye. Ɔbetumi de akɔ ayie, ɔbetumi de akɔ nhyiamu, asɔre, adwabo ase ne mmeaɛ ahodoɔ pii. Enam saa gyidie yi nti na Akanfoɔ de duku gya owufoɔ bi kwan no. Deɔwo nso ho nhwesɔ yɛɛhunu no wɔ mfonin 15 a ɛwɔ aseɛ ha yi.



**Mfonin 15: Deɔwo/duku ani bere a ɛnsɔ gya a pɛtia bɔ ano a Akanfoɔ de yɛ adesiedɛ**

#### **4.1.2.6 Ntoma**

Akanman mu, se onipa wu a wode ntoma deda no na wode bi nso gu n'adaka mu de sie no. Akanfoɔ wɔ gyidie bi se, onipa wu a, yen nkyen na wafiri rekɔ asase anaa ɔman foforo so, na saa ɔman no so nso yen ho nnipa adi kan wɔ ho. Ne saa nti no se obi wu na ɔrekɔ ho a, ese se ɔye ne ho yie na se ɔduru ho a, wɔagye no awaawaa atuu. Afein enam se obi wu a wodeda no wɔ mpa so ma amansan behwe no twa agyaadwoɔ nti no, ese se abusua ye ne ho wie ma adɔfoɔ behwe no.

Edaa adi wɔ me nhwehwemu yi mu se, se ɔbaa bi wu na ɔwɔ kunu a, ne kunu de ntoma bekata ne yere so de gya no kwan kamakama. Saa ara nso na ɔye ɔbarima na ɔye ɔwɔ yere a, ne yere de ntoma bekata ne kunu so anaa ɔde ma no de kɔ Asamando na se ɔkɔpue nananom anim na wɔbisa no se ɔreba no sen na ne yere ɔfoɔ ka kyeree no a, na wanya bi aka. Afei se obi wu na ɔni kunu anaa se ɔni yere a, se ekɔba se ɔwɔ nsewnom a, ennee ne nsewnom ye saa amannee yi anaa wode ntoma kata dee wawuo no so. Na se eba se ɔno a ɔni yere anaa kunu na ɔni nsewnom nso a, ennee na eye abusua asedee se wode ntoma gya no kwan. Dee edaa adi wɔ ha ne se, mpo se owufoɔ no nni yere anaa kunu anaa nsewnom a wode ntoma bema no a, eye abusua asedee se wode ntoma gya owufoɔ no kwan efiri se wɔwoo no too abusua mu na wɔwoo no no, wode ntoma kyekyeree no.

ɔbaa hemmaa baako nso de too dwa se, Akanfoɔ wɔ ntoma ahodoɔ a wode ye adesiedee gya owufoɔ bi kwan. Nana hemmaa de toaa so se, nyoma a wode begya owufoɔ bi kwan no taa gyina ɔbra a onipa no bebɔɔ no wiase ansa na ɔdomankoma owuo too ne nsa free no. Nana kyeree mu se, ntoma a wode bededa owufoɔ a na ɔwɔ ne biribi die na ne mma nso wɔ wɔn sika no beda nso afiri owufoɔ a ɔni sika. Nana kyeree se, yede adesiedee kyere ɔɔ a yewɔ ma owufoɔ no na yede hye no animuonyam wɔ ne mmɔdemmo a ɔbebɔɔ no wɔ asase yi so. ɔtoaa so se, ebinom kyere se abusua dɔ efunu, nanso ɔno dee ɔne wɔn nye adwene

kyere se, se wɔdeda obi a, eye anidie a etwa too a yede ma owufoɔ no nti abusua biara yere wɔn ho de hye owufoɔ no animuonyam. Ɔbaa hemmaa kyeree se, ntoma ahodoɔ a yede deda awufoɔ anaa Akanfoɔ de gyina ho se adesiedee ma awufoɔ no bi na edidi soɔ yi. Yenhwɛ ntoma a mereka ho asem yi nhwesoo wɔ mfonin 16 a ewo aseɛ ha yi.



**Mfonin 16: Ntoma ahodoɔ no bi a Akanfoɔ tumi de ye adesiedee**

#### **4.1.2.6.1 Kente**

Kente ye ntoma a edi mu wɔ Asanteman mu ne mpo ɔman Ghanaman mu nyinaa. Eyɛ ntoma a wɔnwene na enam se ne boɔ ye den na esom bo nti no, nye nnipa nyinaa na wɔtumi fira bi. Ne saa nti se yehunu se kente fira obi a, na ekyerɛ se onipa no wɔ sika nti amanfoɔ de obuo ma no. Kente wɔ mu asɔtoɔ na esono ebiara ne ne din. Yewɔ Fatia fata Nkruma, Obama, adwini si dwini so, adwiniasa, ne deɛ ekeka ho.

Deɛ ebɛdaa adi wɔ me nhwehwemu yi mu ne se, Akanman mu no onipa wu na ɔsom bo anaa ɔye osika ni a, abusua tumi de de kente anaa nwentoma deda no na mpo nnipa no binom wɔ ho a, wɔde gu n'adaka mu ma no de kɔ. Nana hemmaa kyereɛ mu se, Asamando ye ɔman na deɛ ekɔ so wɔ ha no, saa ara na etee wɔ ho. Se onipa bi di mu wɔ asase yi so ha a, saa ara na ɔkɔtoa nananom wɔ Asamando ho a, ɔbeyɛ. Ne saa nti no owu a, wɔma no kente na ɔkɔ a, ɔde aye deɛ yede kente ye wɔ asase yi so ha.

Ɔkyeame baako nso de too dwa se, onipa bi wɔ ho a, ɔni sika nso se ɔwu a, n'abusua tumi de kente deda no, nanso onipa no deɛ wɔmfɛ kente no nsie no. Nana kyeame toaa so se, wei nti na Akanfoɔ wɔ kasa bi se, "Yede kente daadaa efunu". Ɔkyereɛ se, ttete no, efunu a yede kente bɛdeda no no na ekyerɛ se onipa no wɔ sika anaa n'abusua nsam wɔ bi. Kente ho nhwesɔ nso yebɛhunu no wɔ mfonin 17 a ewɔ aseɛ ha yi.



**Mfonin 17: Kente nhwesoo a Akanfoɔ tumi de ye adesiedee**

#### **4.1.2.6.2 Agyeibohyen**

Agyeibohyen ye ntoma a woyi kente anaa nwentoma si nkyen a, agye din wo Akanman mu sene ntoma biara. Nkyeremu a menya firii Nana Hemmaa ho no kyere se, kane no na eye ntoma a Asantehemmaa nko ara na na owo ho kwan se ofira enam animuonyam a ntoma no wo nti. Wei kyere se, eye ntoma a agye din wie pa ara wo Asanteman mu. Saa ntoma yi

ahosuo te se kente anaa nwentoma. Mpo se efira obi na wowo akryikyiri a, wobeka se eye kente.

Obaa panin baako a okyere adesiedee a me ne no twetwee nkommoo no kyeree me saa ntoma yi din no farebae se, tete no obarima bi tenaa ase a na wofre no Agyei. Na Agyei ye ahenfio nkumaa no mu baako a na wowo kurom bi mu, na ekobaa se mmere bi ohene a na ohye n'ase no ka kyeree n'ahemfo nyinaa se obenya hohoo nti obiara mfira kente. Obaa panin yi toaa so se, Agyei firii ho koboo ne yere amannee se Nana pe se opam no firi ahenfie ho efiri se ose obiara mfira kente na onoo nso oni kente sika. Wei nti etoo no adwendwen. Ne yere krakrooo no na ofirii ho no na okoboo ne yonko bi a otan ntoma amannee. Otoaa so se, ne yonko no nso de sa ntoma no maa firii no na okyeree no se saa ntoma no wo animuonyam mpo sene kente no. Okyere se, eda no duruiie a AagWei de ntoma fira koo ahenfie no, na obiara hwe no. Okyeree se, se obiara ba ahenfie ho a, na wabo ne mu ase akyea Agyei efiri se na wonim se onoo ne ohene no. Ne saa nti no ohene no kaa se, "Agya moma yenka na enne dee Agyei abo hyen". Kyere se "Agyei ho ahyeren". Wode no Agyei abo hyen, Agyei abo hyen saa ara na edanee ntoma no din a enne yi wofre no Agyeibohyen na ebinom mpo fre no Agyeebuhyen.

Nana hemmaa kyeree mu se, botae nti a Akanfoo de saa ntoma yi deda owufoo no ne se, enam sedee won dehyee no som won bo na oretu kwan a wonhunu no bio nti no, na ese se woma no adee a esom bo na se ode kopue nananom anim wo Asamando a, n'anim abanyam.

Nhwehwemu kyere se, saa nto yi nso obarima anaa obaa a oreye kuna na ode ma ne yere anaa ne kunu se omfa nko baabi a oreko no. Na se ekoba se owufoo no nni yere anaa onni kunu a, ne nsewnom anaa abusua no nso tumi de gya owufoo no kwan. Afei, wode ntoma

yi gya owufoɔ yi kwan sɛ ɔkɔduru a, ɔmfa nye deɛ wɔde saa ntoma no ye wɔ kuro no so.

Yenhwe mfonin 18 a ɛwɔ aseɛ ha yi Agyeibɔhyɛn a mereka ho asem yi sɛdeɛ ɛteɛ.




Mfonin 18: Agyeibɔhyɛn a Akanfoɔ de ye adesiedɛɛ

#### 4.1.2.6.3 Ntoma fufuo

Ntoma a Akanfoɔ de ye adesiedɛɛ a wɔde bi deda owufoɔ no na wɔde bi nso sie no ne ntoma fufuo. Akanfoɔ wɔ gyidie bi sɛ, sɛ wokɔ Asamando a, wɔkɔ adwabɔ wɔ hɔ, wɔto mmɔfra din wɔ hɔ, wɔye ayeforɔ wɔ hɔ, ne deɛ ekeka ho. Wei nti sɛ obi rekɔ saa kuro yi so a, na ɔhia ntoma fufuo na ɔde akɔ saa mmeammaa yi bi ase. ɛnam wei so nti na wɔde ntoma fufuo ka nneɛma a wɔde ye adesiedɛɛ no ho no.

Dee ebetɔ dwa wɔ nhwehwemu yi mu ne sɛ, saa ntoma fufuo yi deɛ enyina nnipa bi so sɛ ɔno na ɔde ba ma wɔde sie efunu no. Nhwehwemu da no adi sɛ, sɛ woyi okunafoɔ, nsewnom ne abusuafoɔ firi hɔ a, obiara tumi de saa ntoma yi ma owufoɔ no de yi ne dɔ a na ɔwɔ ma no adi. Wɔkyerɛ sɛ, mma tumi de ma agya anaa enna de to no nkra anaa de sre no adeɛ firi wɔn hɔ, afei adɔfoɔ nso tumi de kyere ɔdɔ a na ɔwɔ ma owufoɔ no. Akanfoɔ wɔ gyidie bi sɛ, kuro a owufoɔ no rekɔ so no, wɔn ho nnipa bi adikan wɔ hɔ dada. Ne saa nti no sɛ obi foforo rekɔ hɔ a, na esɛ sɛ wɔfa saa akwanya no so de to wɔn dehyee a wɔadi kan wɔ hɔ no nkra. Wei nti nnipa binom tumi de ntoma fufuo fa owufoɔ no so de mane wɔn dehyee a wɔadi kan kɔ no.

Nkyerɛmu ahodoɔ a akɔ so yi da adi sɛ, mneema a Akanfoɔ de ye adesiedee de sie efunu no ntoma di mu akotene yie pa ara na wɔwɔ ntoma ahodoɔ a wɔde ye adesiedee anaa wɔde sie efunu na emu biara nso wɔ botaeɛ a wɔgyina so. Ntoma fufuo no bi ho nhwesoo nso yebehunu no wɔ mfonin 19 a ewɔ aseɛ ha yi.





**Mfonin 19: Ntoma fufuo nhweso a Akanfoɔ tumi de ye adesiedee**

#### **4.1.3 Akanfoɔ adesiedee a wɔda so**

Ɛdaa adi wɔ nhwehwemu yi mu se, nnema a Akanfoɔ de ye adesiedee no mu bi wɔ ho a, eye nneema a yede siesie mpa so anaa kete so. Enna ebi nso wɔ ho a, eye nneema a yeda so. Nkyeremu ne se, wode saa nneema yi siesie mpa a wode efunu no to so no enna wode ebi nso se adaka a wode efunu no to mu kosie no no mu. Nhwehwemu da no adi se, saa nneema yi nso akunafoɔ na wode ba behye won dofo no animuonyam. Sedee adi kan ada adi wɔ adwuma yi mu no, se owufoɔ no nni kunu anaa yere a, nsewnom tumi ye de hye no animuonyam. Afei se oni nsewnom nso a, eye abusua no asedee se woye de hye won dehyee no animuonyam.

Sedee adi kan ada adi wɔ adwuma yi mu se, Akanfoɔ bu obi a wawuo se eye kwan na oretu na orekɔ kuro foforo so akotoa n'abrabo so. Wowo gyidie se, kuro foforo a onipa no reko so no woye nneema a yeye no wɔ asase yi so bi. Wodidi, wonom, woda. Enti se saa na etee

deɛ a, ɛnnɛɛ na ɛsɛ sɛ onipa no rekɔ a, wɔma no nneɛma a sɛ ɛduru anwummɛrɛ a ɔbɛda so. Nhwɛhwɛmu kyɛrɛ sɛ, ɛnam saa gyidie yi so nti na wɔde nneɛma a yɛda so ma owufoɔ bi no sɛ adesiedɛɛ na sɛ ɔkɔ a, wada so. Medɛ mmɛrɛ kakra wɔ ɔfa yi mu bɛhwɛ nneɛma a Akanfoɔ de ma awufoɔ sɛ adesiedɛɛ a wɔda so ne botaeɛ nti a Akanfoɔ de saa nneɛma no gya owufoɔ bi kwan.

#### **4.1.3.1 Ketɛ**

Ketɛ yɛ adɛɛ a Akanfoɔ nkɔ nya no hɔ sɛ ɛba no nneɛma a wɔde yɛ adesiedɛɛ no mu. Onipa biara sɔrɛ anɔpa na ɔkɔkyinkyini na onwunu dwo a, ɛsɛ sɛ ɔsan n'akyi kɔpɛ baabi de ne tiri to na ɔyɛ n'ahome ɛfiri sɛ, mpanimfoɔ sɛ, “Obɛrɛ akyi wɔ ahome”. Adɛɛ a onipa da so gye n'ahome mmɛrɛ a onwunu adwoɔ no ne ketɛ.

Deɛ mɛ nkɔmmɔtwɛtwɛfoɔ no bi de too dwa ne sɛ, tɛtɛ no, na yɛn nananom nni ketɛ ho agoro koraa. Ɔkyɛrɛ sɛ, mpo sɛ obi wɔ mpa a, na ɔde ketɛ sɛ so ansa na ɔde mpasotam anaa bɛɛhyiti asɛ so. Ɛbɛtɔɔ dwa sɛ, Akanman mu no ɛyɛ ɔbaa asɛdɛɛ sɛ adɛɛ sa a, ɔsɛ okunu ketɛ, nanso sɛ ɛduru mmɛrɛ bi na adɛyɛ akyɛrɛ ɔbaa no so a, ɔbarima no tumi boa ɔbaa no sɛ ketɛ ma wɔn nyinaa kɔda so. Ne saa nti sɛ awarefoɔ yi mu bi firi mu a, ɛyɛ baako asɛdɛɛ sɛ ɔsɛ ketɛ de ne dɔfo no to so. Nhwɛhwɛmu yi kɔ so da no adi sɛ, sɛ ɔbaa anaa ɔbarima firi mu na ɔnni kunu anaa yɛrɛ na ɔwɔ mma a wɔaware deɛ a, ɛnnɛɛ ɛyɛ mma no kununom anaa wɔn yɛrenom asɛdɛɛ sɛ wɔbɛsɛ ketɛ de wɔn asew no to so. Akanfoɔ gye di sɛ ɛyɛ ketɛ na awarefoɔ no daa so de woo wɔn mma no nti sɛ agya anaa ɛnna no afiri mu a, na ɛsɛ sɛ ketɛ a wɔdaa so de woo mma no, wɔma no saa ketɛ no bi na ɔde kɔ Asamando na ɔduru hɔ a, wada so.

Akaman mu se obi wu a, mpa a wɔbededa efunu no wɔ so no wɔde ketɛ se so ansa na wɔde mpasotam asiesie so de efunu no ato so. Na se eduru mmere a wɔde no reto adaka mu nso a, wɔde ketɛ no se adaka no mu ansa na wɔde ntoma ahodoɔ a wɔde no beto so asesɛ mu na wɔde efunu no ato so. Wei kyere se wɔde ketɛ no sie onipa no ma ɔde kɔ asamando. Mmere a mebisaa ɔkyeame bi a mede no kaa me adwuma yi no deɛ nti a Akanfoɔ de ketɛ ye adesiedee ma owufoɔ bi no, sei na ɔde too dwa;

*“Se madi kan aka se Asamando ye ɔman na ete se kuro a yete mu yi ara. Deɛ yeye no wɔ ha no, wɔye bi nso wɔ hɔ. Se wodidi wie na w’ani kum a, woda. Saa ara nso na wɔn a wɔwɔ hɔ no nso da. Enti se onipa wu na yeamma no ketɛ a, ɔkɔ a deɛn so na ɔbɛda”?*

Sei na nana kyeame de too dwa. Enam se mpanin se, “Suhye fa wɔmmua” nti no, mebisaa mmaa a wɔkyere adesiedee a mede wɔn dii dwuma yi mu baako na ɔno nso adwenkyere ne se;

*“ɔbaa, se wo ne wo kunu te hɔ na adeɛ sa a, wɔbeto anaa wobese ketɛ ama no ada so? Na se ɔnni hɔ a, eye anidie a etwa toɔ a ese se wode ma no”.*

Se mehwe ɔbaa yi adwenkyere yi a, na deɛ ɔpe se ɔka ne se, ketɛ a Akanfoɔ de ka nneema a wɔde ye adesiedee ma awufoɔ no kyere se, onkunafoɔ no rekyere anidie a etwa toɔ a eye se ɔrese ketɛ ama ne dɔfo no deɛ etwa toɔ koraa. Yenhwe ketɛ yi bi a Akanfoɔ de ye adesiedee no nhwesoo wɔ mfonin 20 a ewo aseɛ ha yi.



**Mfonin 20: Ketɛ nhwɛsoɔ a Akafoɔ de ye adesiedɛɛ**


#### **4.1.3.2 Bommo**

Bommo ye mpasotam a emu ye duru na yede se mpa so. Eye adee a yede se ketɛ anaa mpa so ansa na yede mpasotam asiesie so. Eye adee a emu ye duru na esan nso ye tofoo, ne saa nti no ema eso nna yede pa ara. Akanman mu se onipa bi wu a, mpa a wɔbededa no wɔ so no, ansa na wɔde mpasotam ahodoɔ besese so no, wɔdi kan de bommo se so.

Se obi reto mpa anaa ɔrese ketɛ ama obi ada anaa ɔno ara ada so a, ɔdi kan de ketɛ no se ho na ɔde bommo no ase so ansa na dee edi soɔ nso aba. Adi kan ada no adi wɔ nhwehwemu yi mu se, obi wu a, ne yere anaa ne kunu anaa ne nsewnom se ketɛ ma de kyere anidie a etwa toɔ a wɔde ma no, ne saa nti no se woyi ketɛ firi ho a, nneema a edisoɔ no bi ne

bommo. Wei nti adesiedee a akunafoɔ anaa nsewnom de kyere no, eye amammere se ese se bommo ka ho bi. Eduru mmere bi a, abusua no de bommo no ma owufoɔ no eduru mmere bi nso a eka abusufɔɔ no nkyen. Nanso won a me ne won twetwee nkommɔ no bi kaa se, amammere kwan so anka ese se abusua no de ma owufoɔ no ko efiri se Akanfoɔ amammere mu no, saa nneema no nyinaa woye ma owufoɔ no na nye atasefoɔ nti na woye.

Won a wokyere adesiedee wo ayie ase no mu baako kyere me dee nti a Akanfoɔ de bommo ka adesiedee a wode ma awufoɔ ho no mu se, bommo ye adee a yede se mpa so, nti se obaa anaa obarima se kete wie a, na dee aka ne se ode bommo bese so. Ofoforo nso kyere n'adwene se, dee nti a Akanfoɔ de bommo ka nneema a wode ye adesiedee ho no ne se, wode ma owufoɔ no se oko na se asamando ye oman dee a, dee yede bommo ye no wo ho biara no na ode aye. Bommo a Akanfoɔ de ye adesiedee nso no yebehunu bi nhwesoo wo mfonin 21 a ewo asee ha yi.



### **Mfonin 21: Bommo nhwesoo a Akanfoɔ tumi de ye adesiedee**

#### **4.1.3.3 Sumiie**

Sumiie ye adee a yede yen tiri to so wo mmere a yeada. Eye adee a ehia yie pa ara wo nnipa asetena mu. Erekame aye se obiara da a, ode ne tiri to sumiie so. Nhwewemu kyere se, sumiie nye nipa, nanso ene nnipa na efa adwene. Se woda na wotumi da yie a, eno na wotumi fa adwene papa. Se wonya sumiie papa bi de wo tiri to so a, eboa wo ma wotumi da yie na woatumi nso fa adwene. Eno nti na woka se “Me ne me sumiie rekofa adwene” no. bio, se obi anya sumiie papa anna so, anaa wannya sumiie anna so a, wosusu se ontumi nna yie na kampese watumi afa adwene papa bi. Enam saa nti se obi ye adee bi a, sebe emfa kwan mu a, yetumi ka se onna sumiie so anaa yetumi bisa se, “Enti oda sumiie so?” Wei kyere se, sumiie ho hia wie wo nnipa asetena mu.

Akankaman mu se obi wu na wodeda no a, wode ne tiri to sumiie so, saa ara nso na s wode no to adaka mu nso a, wode ne tiri to sumiie so. Wei kyere se sumiie ho hia wo mmere a worededa owufoe ne mmere a worekodie no. Botae a Akanfoe gyina so de sumiie ka nneema a wode ye adesiedee ho no ne se, onipa biara se kete a, ode sumiie to so, afei nso onipa biara da a, ode ne tiri to sumiie so. Ne saa nti wode ma owufofoe no se akoduru asamando, a kete ne bommo a wode ama no no ode se ne mpa so wie a, ode sumiie no ato so na se oda a, na ode ne tiri ato so. Wei kyere se, Akanfoe gyidie nti a wogyina so ye saa amannee yi ne se, wogye di se owufoe no rekoe kuro foforo so akobe bra foforo sedee madi kan aka no wo dwumdie yi mu mpre pii no. Mfonin 22 a edi soe yi ye sumiie a mereka ho asem yi nhwesoe.




**Mfonin 22: Sumiie nhwesoe a Akanfoe tumi de ye adesiedee**

#### **4.1.4 Akanfoɔ Adesiedee a wɔgye wɔ mmere a wɔdada efunu no**

Mpensempensemu ne adwenkyere ahodoɔ a akɔ so yi nyinaa ye adesiedee a Akanfoɔ gye anaa wɔyi no adi wɔ mmere a wɔredware efunu no enna ebi nso ye mmere a wɔde no reto mpam ama adɔfoɔ abema no anidie a etwa toɔ. Dee mabobo so wɔ soro ha yi nyinaa da nkyen a, Akanfoɔ wɔ adesiedee a wɔgye no wɔ mmere a wɔde efunu no atom pam na adɔfoɔ retwa agyaadwoɔ. Saa adesiedee yi anaa nneema yi dee onipa biara a ɔwɔ ɔdo ma owufoɔ no tumi kyere ne do. Ne saa nti no ente se adwaredee no a ese se akunafoɔ anaa nsewnom na wɔde ba no.

Se obi wu wɔ Akanman mu a, ebinom tumi fa saa adesiedee yi so da ɔdo a na ewɔ ɔne owufoɔ no ntam adi kyere, ebinom fa so de to nkra ma ne busuani a wadi kan wɔ nseedo no, ebinom nso tumi fa so de sre biribi firi owufoɔ no nkyen. Enam se onipa wu a, na ɔnwuie nti no, dee ebekɔ so biara no, ɔbehunu na dee obi beka biara nso no, ɔbete. Mede mmere kakra behwe nneema a Akanfoɔ de ye adesiedee wɔ mmere a wɔdada efunu no ayie.



##### **4.1.4.1 Sika**

Sika ye adee a edi akotene wɔ saa adesiedee yi mu wie pa ara. Akanfoɔ susu se, se obi wu a, ɔhia sika wɔ akwannuasa so. Ebinom kyere se, owufoɔ no hia sika a ɔde betu ne kwan no, ebinom nso kyere se, ɔde sika no to nneema a ɔbehunu no wɔ kwan so, enna ebinom nso kyere se sika a yedi no wɔ asase yi so no, ɔde bi kɔkyere nananom a wɔadi kan wɔ kuro a ɔrekɔ so no. Enam saa botae ahodoɔ yi nti no, na ehia se obi wu a, wɔma no sika de to ne ho. Sika a wɔde gya owufoɔ kwan no, nnipa binom kyere wɔn adwene wɔn akwan pii so.

Ɔkyeame a me ne no twetwee nkɔmmɔ wɔ me adwuma yi mu no kaa sɛ,

*“Mpanimfoɔ kyere sɛ Asamando kwan no ware na sɛ obi retwa a, ɔbre ne amannee nko ara. Ne saa nti no sɛ obi rekɔtwa saa kwan yi a, na esɛ sɛ yema no sika to ne ho na sɛ ekɔm de no a, ɔde bi atɔ aduane adi, afei sɛ sukɔm de no a, ɔde sika no bi atɔ nsuo anom”.*

Wei yɛ nana kyeame adwenkyere a ɔde too dwa. Ekyere sɛ, ɔhunu no sɛ ekwan a owufoɔ no rekɔtwa no ware na amannee ne ɔhaw pii na ɛwɔ kwan no mu. Wei foa Anti (1977) adwenkyere no so sɛ, sɛ obi wu owu pa a, abusuafoɔ ne adɔfoɔ de nneema pii gya no kwan te sɛ deɛ ɔretu kwan no, ɛfiri sɛ wɔsusu sɛ owuo kwan no ware na mmepɔ nso aye mu ma. Ɔhemmaa baako a me ne no twetwee nkɔmmɔ wɔ me adwuma yi mu nso de bi kaa ɔkyeame deɛ yi ho sɛ,

*“Sika a wɔde ma owufoɔ no, botae a ɛtae akyire anaa gyidie a ɛwɔ mu ne sɛ, owufoɔ no de foro kaa. Wei nti yefre sa sika no sɛ ‘hyentiadeɛ’ a ekyere sɛ ehyen a ɔbeforo no sika no na ɔde betua ka”*

Afei, ɔbaa baako a ɔkyere adesiedeɛ wɔ ayie ase nso adwenkyere ne sɛ, onipa bi a ne busuani adi kan wɔ kuro no so no, ɔtumi de sika ma no sɛ ɔmfa nkɔ na ɔhunu ne busuani Asomasi a, na ɔde ama no. Wei nyinaa gyina gyidie baako so sɛ, Akanfoɔ gye di sɛ asamando yɛ ɔman na sɛ obi kɔ ho a, ɔbehunu wɔn a wɔadi kan wɔ ho no nyinaa.

Nnipa binom nso adwenkyere a wɔde foaa weinom so ne sɛ, adɔfoɔ bi nso tumi de sika ma owufoɔ no de sre adeɛ firi ne nkyen sɛ ɔkɔ a, ɔmfa mma no. Me ne saa nnipa yi yɛ adwene kyere sɛ, ɛduru saa mmere yi a, adɔfoɔ a wɔwɔ haw bi te sɛ awoɔ, yareɛ anaa adwumasem no tumi de sika bɛma owufoɔ no sɛ ɔkɔ a, ɔmfa so na ɔnkae wɔn. Wei kyere sɛ, Akanfoɔ wɔ gyidie sɛ onipa wu a, na wafiri honam mu kɔ honhom mu nti ɔhunu nneema nyinaa enti

se ateasefoɔ de wɔn abisadee fa ne so a, wɔn nsa beka. Enti na Akanfoɔ wɔ kasa bebɔ bi se, “Dee ɔrekɔ na yeto no nkra”.

Dee etwa toɔ koraa wɔ sikasem yi mu no, Ɔdikuro baako nso de foaa so se;

*“Sika a se obi wu a Akanfoɔ de ma no no, ɔde kɔbɔ amannee wɔ nananom anim. Se ɔkɔduru a, nananom fre no ne no di amannee na wɔabisabisa no yen ateasefoɔ yi ho nsem. Nti se yeannya biribiara anyya no kwan a, ɔko a edeen na ɔde bebɔ amannee?”*

Nana asem yi ne dee yeapensempensemu nyina no da no adi se, Akanfoɔ gyina botaeɛ bi so nti na se obi wu a wɔde sika ma no anaa wɔde sika gya no kwan no. Wei ma yehunu se Akanfoɔ nye wɔn nneema kwa, na mmom wɔwɔ botaeɛ nti a wɔye biribiara a wɔye.

#### 4.1.4.2 Duku (Hankɛkyifu)

Hankɛkyifu ye adee a mmarima de hye wɔn bɔtɔ mu anaa mmaa de bɔ wɔn abɔsɔ ano na se fifire te wɔn a, wɔde apepa. Hankɛkyifu a Akanfoɔ de ye adesiedee ma owufoɔ no wɔ botaeɛ bi a etae akyire. Nhwewemu kyere se, adɔfoɔ de hankɛkyifu de kyere wɔn dɔ, nti se obi wu na ɔpe se ɔkyere ne dɔ a, ɔtumi fa duku no so.

Akanfoɔ wɔ gyidie bi se, asamando kwan no ware na eye mmepɔ nko ara. Afei asamando kwan no nso ansa na ɔbi betumi atwa no na wabrɛ yie pa ara, enna ɔbra biara nso fifire firi mu. Wei nti se obi wu a, adɔfoɔ ma no hankɛkyifu se, ekwan no a ɔretu no, se ɔduru kwan so na fifire te no a, ɔmfa saa hankɛkyifu no mpepa ne ho fifire. Afei obi nso tumi de hankɛkyifu no fa owufoɔ no so mane ne busuani a wadi kan wɔ asamando hɔ. Enam wei so nti na se obi wu a, wɔde hankɛkyifu gya no kwna no. Yenhwe hankɛkyifu yi bi nhwesɔ wɔ wɔ mfonin a ewɔ 23 a ewɔ aseɛ ha yi mu.





**Mfonin 23: Hankekyifu asɔɔtoɔ a Akanfoɔ tumi de ye adesiedee**

**4.1.4.3 Kaawa (Pɛtia)**

Kaawa anaa pɛtia ye adee a ɛkyere ɔɔɔ na se obi de kawa hye obi a, na ɛkyere se ɔne no wɔ apam na wɔn ntam ntete. Enam wei so nti na se obi ware a, na wahye no kawa de kyere se awaree apam abeda wɔn ntem. Na se ekɔba se wɔn mu baako firi mu a, ese se baako no worɔ kawa no to adaka a wɔde besie dee wawuo no de ho kyere se apam a eda wɔn ntam no mu ate na mmom ɔɔɔ no da so wɔ hɔ.

Akanman mu se obi firi mu a, adɔfoɔ tumi fa pɛtia anaa kaawa so de kyere wɔn dɔ kyere owufoɔ no. Dee ebɛdaa adi wɔ m'adwuma yi mu ne se, se obi dehyee firi mu wɔ Akanman

mu a, abusua no de petia bo duku ano de sie won dehyee no. Nhwewemu yi maa no too dwa se, kawa a Akanfoɔ de sie won dehyee no wo botae mmienu nti a wogyina so ye. Me nkommotwetwefoo no mu baako de too dwa se, botae a edi kan a Akanfoɔ gyina so de petia sie won dehyee no ne se, wode kyere odo a wowo ma won dehyee no. Dee aka kaa ho ne se, se obi ma obi kaawa a, na ekyere se odo onipa no wie, enti abusua no pe se wokyerese se odo a ewo wanne owufoo no ntam no da so wo ho. Me ne akasafoo yi ye adwene kyere se, Akanman mu no se wode abofra bi to obi a, otumi to kaawa de hye abofra no de kyere ne do a owo ma no. Wei nti me ne dee okyerese n'adwene yi adwenkyere yi ko benkoroo mu se enam a odo a abusua bi de kyere owufoo no.

Adwenkyere foforo a obaa hemma baako nso de foaa so ne se, abusafoo de petia gya won dehyee no kwan no ye dee wode kobo amannee wo nananom anim. Dee akae ne se;

*“Asamando ye kuro a nananom adi kan wo ho. Ne saa nti so se obi wu na okopue nananom anim a, wone no di amannee bisa no dee abusafoo de gyaa no kwan. Enti ono nso yiyi nneema a n'abusua ne n'adfo de gyaa no kwan nyinaa kyere ma nananom nso hunu se abusua ne adfo de anigye na egyaa no kwan”.*

Nana nso nkyeremu yi ma no da adi se, Akanfoɔ gye di se kuro bi wo ho a se obi firi yen nkyen wo asase yi so a akotoa so. Yenhwe sedee petia a mereka ho asem yi te wo mfonin a ewo 24 ne 25 yi mu.



**Mfonin 24: Pɛtia a wɔde ye adesiedee**

**Mfonin 25: Pɛtia a ɛbɔ duku ano**

#### **4.1.4.4 Buroni nsa (Hyenaapo)**

Mpanimfoɔ sɛ, “Adeɛ a yede nsa ye no, wode nsuo ye a, enye yie”. Akanman mu no, amammere biara ntumi nkɔ ayiee wɔ mmere a wɔmfa apaɛɛ anaa nsaguo mma mu. Akanman mu no, wɔyi apaɛɛ de adwuma bi hye Nyankopɔn ne nananom nsamanfoɔ nsa. Afei Akanfoɔ yi apaɛɛ de sɛ biribi firi nananom nkyɛn. Ne saa nti no sɛ obi wu a, ansa na wɔbesie efunu no gye sɛ wɔyi apaɛɛ.

Nneɛma a Akanfoɔ de ye adesiedee no wɔntumi nyi Buroni nsa mfiri mu. Sɛ obi wu a, ansa na wɔde efunu no bekɔ asiee no, wɔde no to adaka mu a, wɔyi efunu no so apaɛɛ. Wɔde owufɔɔ no hye nananom nsa sɛ wɔnye no nka wɔn ho, afei wɔsrɛ sɛ, sɛ owufɔɔ no afom nananom wɔ ɔkwan bi so a ɛmma wɔnnye no nka wɔn ho a, wɔmfa nkye no. Akanfoɔ san fa apaɛɛ so wɔ mmere a wɔregya owufɔɔ bi kwan sɛ nananom ho adeɛ, wɔsan sɛ nananom sɛ wɔnsi owuo ano kwan mma wɔn wɔ abusua no mu. Weinom nyinaa wɔde nsa na eye, na

nsa a wode ye no ne Buroni nsa anaa hyenaapo. Wei nti no, yebetumi asi no pi aka se, botae a Akanfoɔ gyina so gye nse ye adesiedee no ne se wode yi apae.

Nnipa binom nso a me ne won twetwee nkommɔ no nso de too so se, Buroni nsa a Akanfoɔ de ka nneema a wode ye adesiedee ho no ne se, wode ma owufoɔ no sedee obenya bi akɔbo amannee wo ne wiase foforo a ɔrekɔ no. Otoa so se, Akanman mu no, wode nsa di dwuma ahodoɔ pii a ebi ne se, wode nsa ye bresuo, wode nsa di amannee, titire ne se obi firi kwan so aba na ebia ɔrekɔse se obi awu no, otumi de nsa kɔbo n'amannee. Enam wei nti no na ekyere se nsa ye adee a ehia Akanfoɔ yie pa ara. Yehunu Buroni nsa yi bi wo nhwesoo a ewo mfonin **26** wo asee ha yi.

Nkyeremu ne adwentoatoa ahodoɔ a akɔ so wo ɔfa yi mu no nyinaa da no adi se, Akanfoɔ gyina botae ahodoɔ pii so nti na wode nneema ahodoɔ binom ye adesiedee no. Ne saa nti no nneema anaa adee biara a wode di dwuma wo adesiedee mu no wo n'asekyere anaa senti a wode saa adee no di dwuma no.

Se yefa Simioteske tiɔri a mede dii dwuma yi na yede toto nhwehwemu adwuma yi ho a, ene no wo twaka pa ara. Dee edi kan, sedee 'Simioteske tiɔri yi gyina nsenkyerenne (biribi a enye anokasa) so na enye anokasa no, saa ara na adesiedee nso ye Akanfoɔ amammere no fa baabi a egyina nsenkyerenne so na wogyina so de tirimupo anaa nsem ahodoɔ to nnipa anim. Nhwesoo bi ne se, se sika a wode ka adesiedee ho no kyere se dee wawuo no mfa nye hyentiadee na ɔforo kaa a, ɔde atua ka. Tirimpɔ a ewo mu ne se Akanfoɔ susu se owuo ye akwantuo na okwantuni biara nso hia sika a ɔde beforo hyen.

Bio, adesiedee mu no, nneema ahodoɔ a wode ye adesiedee no nyinaa ye dee ekasa kyere na emu biara wo dee ekyere. Weinom nyinaa ye nneema a yetumi de yen ani hunu na yede yen nsa so mu a eye yie. Nhwesoo bio ne se, sedee edaa adi wo me nhwehwemu yi mu no,

ankaatwadee a wode ka adwaredee ho no wo ne nkyereasee. Dee ekyere ne se, owufoo no mfa nware na omfa nte ne ho mfiri efi ne nka biara ho. Tirimpoo a ewoo mu ne se, ankaatwadee ye adee a ete adee bi ho fi. Bio, se sebe nka wo obi ho na ode ankaatwadee ye ne ho a, nka no nyinaa befiri ne ho. Ne saa nti no, wode wei gyina ho ma se abusuafoo no mfa nware efunu no se nka bi wo ne ho a, wode ayi afiri ne ho ansa na wode no ato mpam.



**Mfonin 26: Hyenaapo a Akanfooo de ye adesiedee**

#### **4.2.0 Nsakraee a aba Akanfooo adesiedee mu ne nneema a wode ye adesiedee no mu**

Prempeh (2016) kyere se, amammere hyee asee wo bere a yen nananom nyaa suahunu anaa nimdee ne tumi de nsenkyerenee dii dwuma ahodoos bi se wobemema nneema ahodoos din na yeasoo din no mu wie ma amansan agye atom preko pe. Okoo so kyere mu se, amammere

ye adee bi a eye nwanwasoo na eye nnidiso nnidiso na etumi dane beye nsenkyerene. Ne saa nti no, agudee, ntaadehye, gyidie, nyankomade, kasa ne adwinnee nyinaa hye amammere ase.

Amammere ye awuagyamma, na efiri awoo ntoatoasoo kosi awoo ntoatoasoo (Opoku, 1987). Wei kyere se, amammere hyee ase firii yen nananom mmere so na atoa so de abesi enne da yi. Su baako a ewo amammere ho ne se, amammere ntena faako. Asiamah ne Lugogye (2008) kyere se, Amammere nsesaee no gyina nyini a enyini no so. Biribiara a enyini no nso wo ho kwan se nsakraee ba mu. Ente saa a, anka nkyirimma a woreba no ntumi ntena saa amammere no mu. Se wohunu se nneyee no bi ntumi mmoa won asetena mu nkoso a, ese se omanfo no sesa mu firi won abrabo mu sedee ebeye a wobetu mpon ako won anim wo abrabo mu.

Ewom se amammere ma ne ho kwan ma nsakraee ba mu dee, nanso eduru mmere bi a, nsakraee a eba mu ye kese dodo ma eno nti amammere no mu nnepa no nyinaa year. Se eba saa a, etaa de nsunsuansoo bone pa ara na eba nnipakuo no so. Se yehwe nsakraee a aba Akanfo amammere ahodo no bi mu a, dee yehunu ne sa nsakraee no bi de nsunsuansoo bone aba ama nnepa a anka amammere no de bema nkyirimma no ayera. Saa nsesaee yi bi na ako so wo Akanfo adesiedee ne nneema a wode ye adesiedee no mu.

Ebedaa adi wo me nhwehwemu yi mu se, sedee na tete no na wote adesiedee no ne nneema a na kane no wode ye adesiedee no, nsakraee pii na aba mu. Nsakraee no bi ye nneema a wode ye adesiedee no enna ebi nso ye okwan a wofa so ye amanee no. Saa ofa yi behwe adwenkyere ahodo a me nkommotwetwefoo no hunuu se eye nsakraee a aba Akanfo adesiedee mu.

#### 4.2.1 Adesiedee ayɛ Sikasɛm

Nsakrae a ɛdi akotene wɔ Akanfoɔ adesiedee mu no ne sikasɛm a aba mu. Eyɛ yen nyinaa animsem sɛ, nnansa yi sɛ ayie ba efie a, adesiedee a wɔkyerɛ no yɛ nneɛma akeseakese nko ara, ne saa nti no ɛde ɛkabɔ na ɛbetɔ nnipa binom so. Ɛwom sɛ adesiedee da Akanfoɔ amammerɛ adi deɛ, nanso nneɛma ahodoɔ binom a wɔde abɛhyehye mu no ama nnɛpa a na ɛwom no reyɛ ayera. Wɔn a me ne wɔn twetwee nkɔmmɔ no kaa nneɛma ahodoɔ nti a wɔhunu no sɛ ayɛ sikasɛm a abɛhyɛ Akanfoɔ adesiedee mu no. Ɔkyeame baako bi a me ne no dii nkɔmmɔ no de too dwa sɛ;

*“Tete no, botaeɛ nti a nananom gyinaa so de sika kaa owufoɔ adesiedee ho no ne sɛ, na wɔde ma owufoɔ no ɔmfa nye kaa sika nkɔ kuro a ɔrekɔ so no, ɛno nti na na wɔfrɛ no hyɛntiadeɛ no. Anaa na wɔde ma no sɛ ɔduru kwan so na sɛ sukɔm de no a, ɔde atɔ nsuo anom. Ne saa nti no na eyɛ mpesowa mpesowa na na wɔde ma abusua no de bɔ duku ano. Dee yehunu no ɛnne yi ne sɛ, saa adeɛ yi adane nsawabodeɛ a sɛ ɛduru so a, abusua no bi tumi de adaka a wɔbɔ nsawa gu mu no si hɔ gyegye sika gu mu te sɛ deɛ wɔrebɔ nsawa no. Wei ama saa adeɛ yi botaeɛ asesa koraa”.*

Wei ne nsem a nana kyeame de too dwa wɔ saa nkyerɛmu yi mu, Me ne no yɛ adwene kyere sɛ, seesei sɛ ɛduru adesiedee so wɔ ayie ase a, wɔtumi de beyɛ dɔnhwere mmiensa to hɔ de gye sika nko ara, na kane no na ɛnte saa.

Bio, me ne wɔn a wɔkyerɛ adesiedee wɔ ayie ase no mu bi dii nkɔmmɔ na sei na ebinom nso de too Nana kyeame deɛ yi so;

*“Seesei adesiedee adane sikasɛm wɔ Akanman mu. Ne saa nti sɛ obi nni sika a, na eyɛ suntidua ama abusua no. Sɛ yehwe nneɛma a nnipa binom toatoa so de soasoa mmaa ma wɔto santene firi do kɔka do no a, na ɛnte saa wɔ*

*tete mmere no mu. Tete no, nneema a na wode ye adwaredee no na wode gu prete so na na nnipa baako pe bi anaa mmienu na wode ko”.*

Ofoforo nso dee ode too so wo sikasem mu ne se, enne yi won a wokyere adesiedee wo ayie ase no mpo wokofa won tua won ka, nanso kane no na ente saa, Afei, ohemmaa baako bi a me ne no twetwee nkommɔ nso de ne dee toaa so se;

*“Se yehwe adwaredee no ankasa a, kane no na eye nneema kakra bi na na wode ye, nanso enne yi dee nneema a na enka ho nyinaa wode awiram. Anka adwaredee ye nneema a wode dware nko ara, nanso enne yi dee, wode nneema bi te se nsuo a egu ntoa mu, dɔkɔdɔkɔ nsa, tɔfe, ne dee ekeka ho. Weinom nyinaa ye sikasem a etumi to obi anaa abusua bi suntidua”.*

Adwenkyere ahodoɔ yi nyina da no adi se, sikasem a aba Akanfoɔ de abewura won adesiedee mu no dooso na ama nnipa a na ewom a anka yede bema nkyirimma no ayera. Dee yehunu ne se, enne akasesem nko ara na nnipa binom kyere no wo ayie ase de gye din ne animuonyamhunu wo nnipa anim. Wei ama se obi biribi wu na se onni sika a, na eye dadwene keseɛ ama no.

#### **4.2.2 Adesiedee adane akansie**

Se yede sikasem a aba Akanfoɔ adesiedee mu no to nkyen a, seesei yebetumi asi no pi aka se Akanfoɔ adesiedee adane akansie. Akansie a aba adesiedee mu enne yi no ama nnipa binom mpo bu Akanfoɔ se won ho te won wo ayiye mu enna ebinom nso hunu se Akanfoɔ see sika wo ayiye mu.

Eye yen nyinaa animsem se, enne yi se ayie bi ba efie bi mu na dee wawuo no wo nsewnom a wodoso a na ese se won mu biara kyere adesiedee a, edane akansie wo nsewnom yi ntam,

nkanka ne se woye mmaa. Enam se obiara pe se oye ma ne dee boro ne yonko dee so nti no, ema no bedane akansie a ebinom mpo ye dee eboro won ahoden so. Se ekoba saa a, ema yehunu se eye ahotɛ, nkyereho ne ahomasoo sun a woda no adi. Wei ma nnepa a anka ewo saa amannee yi mu a ese se nkyirimma no sua no, wonhunu no saa.

Afei, se obarima bi firi mu na oye sikani anaa ne nsam wo bi na ne yerenom dooso a, adesiedee a akorafo no kyere no nso dane akansie. Ne nyinaa ne se, akunafo no mu biara pe se oye dee ebeboron ne yomko dee so na amansan akamfo no. Se ekoba no san so a, ema won a wontumi mpo koboo mmoosea ma akyire no, ekaboo betoo won so.

Obaa baako a me ne no twetwee nkommoo faa adwuma yi ho no de too dwa wo saa asem yi ho, onoo dee ohunu akansie a aba wo Akanfooo adesiedee mu wo obarima a ne kunu awuo na owo yerenom, ne dee okaee ne se;

*“Se obarima bi wu na se ne yerenom dooso a, ennee na asem aba fie. Mmaa pe koratwe na obiara nso ani bere ne kora. Ne saa nti no se eduru adesiedee so a, obiara pe se oye ma yekamfo no. Ne saa nti ebinom tumi toatoa nneema so firi kurotia koo kurotia a mehunu no se mfasoo biara nni so”.*

Asem a obaa yi de too dwa yi ma no da adi no ye nokore turodoo efiri se nansa yi dee ereko so wo Akanman mu ara ne no. Mede m’ani ahunu osikani bi a owuie a na ne yerenom ye mmiensa, na mmere a eduruu adesiedee so, na mmaa yi mu biara pe se okyere ne bobere ma nnipa hunu se onoo na na ne dee koo nkan. Ewom se eye animuonyamhye ma owufooo no ne owufooo no abusua dee, nanso eduru mmere bi a, eye a na eboroo so. Wotumi hyehye nneema a na anka kane no enka ho nyinaa de kyere wo badwam. Se eba no saa a, emma yenyaa adesuadaee biara mfiri mu na nkyirimma nso ahwe so asua de aboo won bra daakye.

#### **4.2.3 Nneema a wogyee se adwaredee no womfa nnware amu no**

Adeɛ baako a ɛmaa Akanfoɔ gyinaa so gyee adwaredeɛ ne sɛ wɔde saa nneema no dware owufoɔ no na wɔde bi nso siesie ne ho. Akanman mu no sɛ obi wu a, abusua dware no siesie ne ho fefɛɛfe ansa na wɔde no ato mpa so ama adɔfoɔ abɛgyam no. ɛnam wei so nti sɛ obi wu a, na ɛhia sɛ abusua no benya nneema a wɔde bedware amu no ne deɛ wɔde besieise ne ho. Ne saa nti sɛ owufoɔ no wɔ yere anaa kunu a, na ɛhia sɛ ɔde saa nneema yi ba de hyɛ no animuonyam. Sɛ nso ɔnni yere anaa kunu na ɔwɔ mmaa mpanimfoɔ a wɔawareware a, na ɛsɛ ne nsewnom nso yɛ saa nneema yi de hyɛ owufoɔ no animuonyam. ɛnne yi, sɛ yɛhwɛ saa amanneɛ yi a yɛhunu sɛ nsakraɛ pii na aba mu. Deɛ yɛhunu ne sɛ, botaeɛ a nananom gyinaa so de saa adwaredeɛ amanneɛ yi baɛ no, asesaeɛ kakra aba mu. Deɛ ɛbedaa adi wɔ me nhwehwɛmu yi mu no ne sɛ ɛduru mmere bi a nneema a ɛnam akunafoɔ anaa nsewnom so de brɛ abusua a wɔahwere wɔn dehyɛɛ sɛ wɔmfa nware no no, ɛduru mmere bi a abusua no mfa nneema no nnware amu no. Ne nyinaa ne sɛ, nnansa yi sɛ obi wu na wɔde ɛfunu no kɔhyɛ mɔkyere a, ɛduru mmere a wɔbɛkɔ akɔfa no aba fie a, wɔma wɔdware no wɔ mɔkyere ho. Ne saa nti no saa nneema yi a adɔfoɔ de ba sɛ wɔmfa nware owufoɔ no nyinaa bɛyɛ abusua no nneema a wɔmfa mma owufoɔ no nkɔ. Nana hemmaa a me ne no twetwee nkɔmmɔ no, sei na ɔka faa saa asem yi ho;

*“Nnansa yi mɔkyeresɛm a aba so a wɔde ɛfunu kɔhyɛ mu nti no ama nneema a yɛgyɛ no adwaredeɛ no rehwere botaeɛ nti a nananom gyinaa so de hyɛɛ ayiyɛ amanneɛ no mu. Nnansa yi sɛ obi wu na wɔde no kɔ mɔkyere a, wɔde no beba no na wɔadware no wɔ ho. Ne saa nti nneema a adɔfoɔ de ba sɛ adwaredeɛ no nyinaa bɛyɛ abusua no dea. Me mpo deɛ memfoa saa adeɛ no so ɛfiri sɛ, Akanman mu sɛ obi wu a, nye obiara na ɛsɛ sɛ ɔhunu n’adagya mu. ɛno nti na ɛyɛ mma anaa agyamma na wɔwɔ ho kwan sɛ wɔdware owufoɔ no. Wei nti na mpanimfoɔ de yɛɛ akasabɛbuo bi sɛ, “Obi nkɔ nsuo nnware obi fie saman”.*

Nkyeremu a nana hemmaa de too dwa yi ma no ada adi se, tete no na obi wu a, wode nneema a eye adwaredee no dware owufoo no, nanso enne yi dee enam se wadware efunu no wo mokyere nti no nneema a Akanfoo gye no se adesiedee no bi so nni mfasoo anaa botae a nananom gyinaa so de hyehyee no ayera.

Amammere biara botae kesse pa ara ne se ede amanee a ewo mu no besie de ato ho atwen nkyirimma, nanso eduru mmere bi a nsakrae a eba mu no ye adee a ema nnepa a ewo mu no binom yera. Ewom se mmere dane a ese se wo nso wodane wo ho bi dee, nanso nye biribiara na ese se yegye tom wo oman bi mu enam se nsesaee aba nti. Se ekoba saa a, ebema nkyirimma ayera won nkyi, efiri se mpanimfoo se, “Se woma wo were firi wo kurom hene aben a, woyera wo adwabo ase”.

#### **4.2.4 Nneema a wofemfem**

Adee baako a aba Akanman mu nnansa yi wo adesiedee ho ne se nnipa binom kosre anaa wokofem firi ebinom ho de bekyere na wasan de akoma dee ne dea. Mpanimfoo aka ato ho dada se, “Obi beye ne biribi no, na ewo asekyere”. Saa ara na etee nso wo adesiedee ho. Akanfoo amfiti preko pe na wode saa amanee yi behyee ayiye mu, na mmom wogyinaa botae ahodo pii so.

Sedee adi kan ada no adi wo dwaumadie yi mu no, Akanfoo botae no bi a wogyinaa so de hyehyee adesiedee amanne no ne se wode nneema no bi besie owufoo no na ama wanya bi de ako asamando akokyere nananom a woadi kan ko no. Ne saa nti nneema bi te se bommo, kete, ntoma, sumiie, ne dee ekeka ho nyinaa ye adee a anka ese se abusua no de sie owufoo no na ama Nananom botae no aba mu.

Enne yi dee yehunu ne se, akunafoɔ anaa nsewnom hyehye nneema ahodoɔ toatoa wɔ nkyensee mu de soasoɔ nnipa binom to santene toatoa so firi tire kɔka tire. Saa nneema ahodoɔ yi nyiaa ebinom wɔ hɔ a, wɔn a wɔreye kuna anaa wɔreye nsewie no kɔfenfem firi nnipa binom hɔ na se wɔde kɔkyere wie a, na wɔasan de akɔma ne wura. Enam se wɔsan gye wɔn adee firi abusua no hɔ nti no, emma abusua no ntumi mfa bi nsie owufoɔ no. Wei nyinaa ye adee a aba adesiedee mu nansa yi wɔ mmere a na tete no na ente saa. Se wohunu se obi de nneema bi te se kente, nwentoma, ntoma fufuo ahodoɔ, bommo ne dee ekeka ho nyinaa akyere ama amanfoɔ ahunu a, na emu dodoɔ no ara wɔkɔsrɛ firi ɔmanfoɔ hɔ.

Me ne wɔn a wɔkyere adesiedee wɔ ayie ase twetwee nkɔmmɔ bisaa no se, so nneema a ayɛ a akunafoɔ anaa wɔn a wɔreye nsewie no toatoa so no, ne nyinaa na wɔde ma owufoɔ no abusua anaa? Sei na ɔbaa panin yi a me ne no twetwee nkɔmmɔ yi de too dwa.

*“Nneema a akunafoɔ anaa wɔn a wɔye nsewie no de bekyere wɔ dwam no nyinaa ebinom wɔ hɔ a, wɔde begye edin kwa wɔ nnipa anim. Dodoɔ no ara ye dee wɔkɔsrɛ firi nnipa binom nkyɛn de kyere wɔ badwam. Se yerekyere adesiedee no ɔ badwam a, nneema a wɔkɔfem a wɔmfa mma abusua no nyinaa wɔne abusua no dwene ho anaa wɔdi kan de to wɔn anim ansa na mmere no aso. Ne saa nti se eduru mmere a wɔde rekɔma abusua no a, na wɔn a wɔsoso dee wɔkɔsrɛee no nyinaa amane afa mfikyire de asan akɔ okunani anaa dee ɔreye nsewie no fie. Ebi nso wɔ hɔ,a, wɔde kɔ owufoɔ no abusua fie na akyire yi wɔakɔfa wɔn adee”.*

Wei ye nsem a ɔbaa panin yi de too dwa faa saa nsem yi ho. Nsem yi ye nokore kyere se, nansa yi dee yehunu ne se ebinom mpo abue sotɔɔ a dwuma a wɔdie ne se wɔhyehye adesiedee ho nneema ma nkurɔfoɔ de gye sika na dee wɔtontɔn ma amanfoɔ no ye ketewa bi. Wɔn a wɔwɔ sotɔɔ yi bi no ye wɔn a wɔde adesiedee kyere wɔ ayie ase no ayɛ wɔn nnwuma no, ne saa nti se obi kɔfem nneema no wɔ ne nkyɛn a, na wɔafa no ama no akɔkyere

agye sika. Weinom nyinaa ye nsakrae a aba enne mmere yi adesiedee amannee no mu efiri se, kane no na ente saa.

#### **4.2.5 Adesiedee adane afefesem (Fashion)**

Se yehwe sedee ayiyo adane sikasem ne akesesem wo Akanman mu nansa yi a, ama amannee ahodo a ewo mu no pii nso adane afefesem nko ara. Seesei se obi ho ka na orekoye nsewie anaa kuna a, dee ehye ne tirim ara ne se amannee a eye adesiedee a no a, dee eda ne tirim ara ne se orekoyere nneema a eye fe ama nkurofo apene no.

Dee ebadaa adi wo adwuma yi mu ne se, nneema a wode ye adesiedee nnansa yi no, nsakrae pii na aba mu. Dee ebadaa adi wo nhwehwemu yi mu ne se, nneema a wode ye adwaredee ne adesiedee no ekwan a wofa do de aduradee siesie no no ma wohunu se nye won botae ne se worekyere nananom amammere, na mmom eye afefedee a ewo mu no woreda no adi. Nneema a woyehye no bi mpo wo ho a, wode firi Aburokyire na wode na wode aduradee akura ho, wei nti ema wonhunu adee a ewo mu no. Samina mpo a, nneema a wode befefa ho ansa na wode agu nkyense ahodo bi mu no nyinaa kyere afefedee a Akanfo de aba adesiedee mu nnansa yi.

#### **4.2.6 Adwaredee nneema no bi a asesa**

Nsakrae a aba wo Akanfo adesiedee mu no bi ye nneema ahodo a na kane no wode ye adesiedee ne adwaredee no na asesa. Ewom se mmere adane ama nneema koo n'anim dee, nso eduru mmere bi a eni se yetoto amammere ase. Nneema ahodo a nananom gyinaa so bo won tirim de yee nhyehyee wo adesiedee ho no, ennemmafo asesa binom ayiyi bi nso afiri mu. Nye se nneema ahodo no bi na eni ho, na mmom ebinom dwene se eye tete nneema a ese se woyi firi ho de abeefo nneema si anan mu. Won a me ne won twetwee

nkɔmmɔ wɔ adwuma yi mu no kaa pii faa nneɛma ahodoɔ a tete no na ɛwɔ ho a ɛnne yi wɔayi afiri ho ɛnne deɛ nsakraɛ aba mu.

Deɛ me nkɔmmɔtwetwefoɔ no mu baako de too dwa ne se;

*“Kane no na nneɛma a wɔde ye adwaredeɛ no na wɔde adwe ka ho. Dwuma a na wɔde adwe no di ne se wɔwe na wɔde emu nsuo no akeka owufoɔ no mmɔwere so abubu awewere so kamakama. Na ne botaeɛ ne se ɛbɛma ne mmɔwere no so apae fitaa, nanso ɛnne yi wɔayi adwe no afiri ho na wɔde pawoda a ɔwde si nneɛma (washing powder) na asi anan”.*

Deɛ ɔkyerɛɛ n’adwene yi kaeɛ no ye nokore ɛfiri se, nnansa yi se wɔrekyerɛ adwaredeɛ a, wonhunu se wɔde adwe ka ho, nanso adwe ye adeɛ a ɛho ye na a wobetumi anya bi wɔ baabiara. Me nko ara deɛ m’adwene ye me se nye se wɔnya adeɛ no bi, na mmom suatra ne abeɛfosem a aba nti na wɔmpɛ se wɔde adwe no bedi dwuma bio, nanso mpanimfoɔ se amammere yentoto no ase. Afei, wɔn a wɔkyerɛ adesiedɛ wɔ ayie ase a me ne wɔn dii dwuma yi mu baako nso de too so se;

*“Kane no na wɔde baha ne aburodua ka adwaredeɛ no ho de kyere se ansa na owufoɔ no bedware anɔpa no ɛse se ɔko baabi so kɔye ne ho wie na eye baha anaa aburodua na ɔde besiesie ne ho. Nnansa yi wɔayi saa adeɛ yi afiri ho a wɔde Aborɔfo deɛ a yɛfrɛ no tɔlet roo (toilet roll) na asi anan”.*

Sɛdeɛ madi kan aka no, saa nneɛma yi a wɔmfa nni dwuma yi ye adeɛ a ɛda so wɔ ho na se worepɛ bi a, wommɛ nanso ɛnne mma yi gye di se eye tetesem nti ɛse se wɔde deɛ aba so na ɛdi dwuma. ɛne yi, se obi repɛ saa nneɛma yi bi ahwe pa ara a gye se aberewa anaa akɔkora posoposo bi atwa n’ani ahwe dan ansa na wɔayɛ bi wɔ n’ayie ase. Weinom nyinaa ka ho bi na ama amammere no reye atɔ nsuom wɔ Akanman mu no.

ɔfoforo nso kyereɛ ne deɛ se,

*“Ɛne yi se wɔrekyere adwaredeɛ a, ebinom de 555 bokiti no na ɛgyina hɔ ma bɔbrapa, na so bɔbrapa bokiti no da so wɔ dwam a wobɛnya bi atɔ. Mennim se ɛye fe na saa 555 bokiti no ye wɔn nti na wɔde di dwuma. Afei, ebinom ayi toobetɛ nso afiri adwaredeɛ no mu, se wɔbehunu bi a na ɛye teteni ayie ase”.*

Saa nneɛma a wɔayiyi afiri amannee yi mu no, ɛbeduru mmere bi no na Akanfoɔ amammere no ayera koraa ɛfiri se, ɛne yi se wobisa ɔbabunu beye se mfenhya aduasa se ɛdeen ne bɔbrapa a, ɔntumi nkyere nkyere mpo na kampese wahunu toobetɛ. Nanso se anka saa nneɛma yi da so ka nneɛma a wɔde ye adesiedeɛ yi ho a, anka ɛbetumi aboa da kora ama ɔbabunu bi asua biribi afiri na daakye bi no ɔde abɔ ne bra.

Ne korakora no, me nkɔmmɔtwetwefoɔ no mu baako nso de wiee se,

*“Kane no na wɔde sokoduaa na na ɛka adwaredeɛ no ho na ɛne yi enam se nnua ho aye den na wɔmma kwan mma wɔntwitwa nnua nti no, ye de Aborɔfonuro a ye de twitwiri yen se na esa sokodua no anan. Afei wɔde nsamina hwam bi nso abesi amonkye no anan mu”.*

Saa nsem yi a me nkɔmmɔtwetwefoɔ de ato dwa yi nyinaa ye nokore turodoo ɛfiri se nneɛma a na kane wɔde ye no (sokoduaa) ɛho aye den nti se wɔape n’asinanmu a, na megye di se enam ne kwan mu. Nkyerekyeremu ahodoɔ a ato dwa wɔ soro ha yi nyinaa di adanseɛ se nsakraeɛ aba tetefoɔ kwan a na wɔnam so kyere adesiedeɛ wɔ ayie ase ɛne nneɛma a na kane no wɔde ye adesiedeɛ no.

### **4.3 Ɔfa yi tɔfabɔ**

Ɔfa a ɛto so nnan yi ye adwuma yi mpensempensemu. Saa ɔfa yi gyinaa nsemmoano a menya firii me nkɔmmɔtwetwefoɔ a mede wɔn dii dwuma yi no nkyen na ɛyeɛ

mpensempensemu wɔ ɔfa yi mu. Mpensempensemu yi gyinaa Simioteske tiɔri a Saussure (1983) de pueie no so. Ɔfa yi hwɛɛ nneɛma ahodoɔ a Akanfoɔ de ye adesiedee ne deɛ nti a Akanfoɔ de saa nneɛma no ye adesiedee no. Afei esan hwɛɛ nsakraeɛ ahodoɔ a aba wɔ Akanfoɔ adesiedee mu enne yi.



## ƆFA A ETƆ SO NUM

### MMUABƆ, DEƐ ƐFIRI NHWEHWƐMU YI MU, ADWENKYERE NE

#### AYIEEƐ

##### 5.0 Nnianimu

Saa Ɔfa yi ye deƐ etwa nhwehwƐmu adwuma yi to koraa wƆ AkanfoƆ adesiedeƐ mu mpensempensemu. DeƐ Ɛfiri nhwehwƐmu yi mu baeƐ ne deƐ adwuma yi aboa ama ada adi nyinaa no, mada no adi wƆ tƆfabƆ kwan so wƆ saa Ɔfa yi mu. Ɛno akyiri no, mede m'adwenkyere ahodoƆ a mewƆ fa adwuma yi ho nyinaa ato dwa. Wei bƐboa ama obiara a Ɔbekenkan adwuma yi no benya nimdeƐ bi afa AkanfoƆ amammere ho.

##### 5.1 Adwuma yi nyinaa mmuabƆ

NhwehwƐmu adwuma yi wƆ afa num. Ɔfa a Ɛdi kan no buƐe nhwehwƐmu yi ani so maa ƐkyereƐ deƐ ƐbƐkƆ so wƆ Ɔfa biara mu. Ɔfa a Ɛdi kan hƆ no ara ƐhwƐe adwuma yi nnyinasoƆ, Ɛdaa Ɔhaw a maka ho nsem yi adi wƆ hƆ. Bio, saa Ɔfa no ara kyereƐ nhwehwƐmu yi botaeƐ ne Ɛho nsemmissa. Afei adwuma yi ho mfasoƆ, beaeƐ a adwuma yi kƆpem, adwuma yi ho akwansidee, adwuma yi nhyehyeeƐ nyinaa nso daa adi wƆ saa Ɔfa yi mu ansa na merebƆ ne nyinaa mua.

Ɔfa a etƆ so mmienu no mu no, nnwoma ahodoƆ a animdefoƆ binom aye a Ɛne me adwuma yi wƆ twaka no daa adi wƆ hƆ. Ɔfa yi hyeƐ aseƐ hwƐe AkanfoƆ kasa ne wƆn ho nsem na etoaa so kyereƐ amammere ase. Bio, Ɔfa yi mu no, ƐhwƐe su ahodoƆ a amammere wƆ no bi te se amammere nyini, yesua amammere, amammere di nsesa, wƆkye amammere, ne deƐ Ɛkeka ho. Ɔfa yi ara mu no, ƐhwƐe nnwoma a animdefoƆ binom aye a Ɛfa owuo ne owuo ahodoƆ bi te se owupa ne atofowuo. Afei, AkanfoƆ ayiye ahodoƆ bi te se sodoƆ, dƆtewie,

sikasa, ɔpemfoɔ ayie ne ɔhene ayie nyinaa kɔɔ so wɔ ɔfa yi ara mu. Ne korakora no, saa ɔfa yi hwɛɛ deɛ nti a Akanfoɔ yɛ ayie ne amanneɛ ahodoɔ bi a ɛkɔ so wɔ ayiyɛ mu bi te sɛ efunudwareɛ, efunudeda, adesiedeɛkyerɛ ne efunu so mmusuwie.

Afei ɔfa a ɛtɔ so mmiensa no nso daa nhwehwɛmu kwan a mefaa so yɛɛ saa nhwehwɛmu yi, nhwehwɛmu yi su, beaɛɛ a nhwehwɛmu yi kɔɔ so, nnipa dodoɔ a mede wɔn dii dwuma, ɔkwan a mefaa so nyaa nsem a mede dii dwuma yi, ɔkwan a mefaa so yɛɛ mpensempensemu yi adi, na afei ɔfa no muabɔ nso daa adi wɔ hɔ.

Ɔfa a ɛtɔ so nan no nso yɛɛ mpensempensemu a ɛfa adwuma yi ho. Adwuma yi yɛ nhwehwɛmu a ɛfa Akanfoɔ amammere no bi ho a ɛyɛ ayiyɛ. Adwuma yi botaeɛ titire pa ara ne sɛ ɛhwɛɛ nneɛma ahodoɔ a Akanfoɔ de yɛ adesiedeɛ ne botaeɛ a wɔgyina so de saa nneɛma no yɛ adesiedeɛ. Ɛsan hwɛɛ nsakraɛɛ ahodoɔ a aba Akanfoɔ adesiedeɛ mu. Mpensempensemu a ɛkɔɔ so wɔ dwuma yi mu nyinaa firi nsemmoano ne adwenkyerɛ a menya firii nnipa a mede wɔn dii dwuma yi hɔ. Adwuma yi gyinaa Saussure (1983) adwenemusem Simioteske a ɛgyina nsenkyerɛne (sign) so sene sɛ yede yɛn ano bekasa de asem anaa tirimupɔ bi ato dwa no so na ɛyɛɛ mpensempensemu yi. Tiori yi hwɛɛ nneɛma ahodoɔ a Akanfoɔ de yɛ adesiedeɛ no ne botaeɛ a wɔgyina so de nneɛma ahodoɔ no yɛ adesiedeɛ wɔ owufɔɔ bi ayie ase.

Ɔfa ɛtɔ so num yi yɛ ɔfa a ɛbɔɔ adwuma yi nyinaa tɔfa. Ɛde deɛ ɛfiri nhwehwɛmu yi mu baeɛ no too dwa na ɛde nhwehwɛmu yi baa ayieɛɛ. Deɛ ɛbetɔɔ dwa titire wɔ nhwehwɛmu yi mu ne sɛ, Akanfoɔ wɔ nneɛma ahodoɔ bi a wɔde gya owufɔɔ bi kwan na ebi wɔ hɔ a wɔde siesie owufɔɔ no ɛna ebi nso wɔ hɔ a wɔde gu n'adaka mu de sie no. Na saa nneɛma a Akanfoɔ de sie aowufɔɔ no nyinaa wɔwɔ botaeɛ nti a wɔgyina so de yɛ na botaeɛ no bi gyina gyidie so ɛna ebi nso yɛ mpomden nti na wɔde saa nneɛma no di dwuma.

## 5.2 Deɛ ɛbetɔɔ dwa wɔ nhwehwɛmu yi mu

Adwuma yi yɛ nhwehwɛmu a ɛfa Akanfoɔ amammerɛ no fa a ɛyɛ ayiyɛ. Ɛhwɛɛ amanneɛ bi a ɛkɔ so wɔ ayiyɛ mu a ɛyɛ adesiedɛɛ. Adwuma yi hwɛɛ nneɛma a Akanfoɔ de yɛ adesiedɛɛ ne botaeɛ a ɛtae akyire nti a wɔde saa nneɛma no yɛ adesiedɛɛ. Adwuma yi aboa atwe adwene asi so sɛ, Akanfoɔ adesiedɛɛ a wɔyɛ no dɔtewie mu no wɔ nkyekyɛmu anaa ɛgu mu ahodoɔ pii. Yɛwɔ nneɛma a wɔde yɛ adesiedɛɛ a ɛno na wɔde dware amu no, ɛno na wɔfrɛ no sɛ adwaredeɛ. Ɛna yɛwɔ nneɛma a wɔde yɛ adesiedɛɛ a wɔgye de siesie ɛfunu no ho wɔ mmere a wɔadware no ayie. Afei, yɛwɔ deɛ wɔgye de siesie mpa a wɔde no to so ma adɔfoɔ besu no twa agyaadwɔɔ, na ne korakora no, yɛwɔ deɛ wɔgye no wɔ mmere a wɔadeda ɛfunu no ayie.

Ɛbedaa adi sɛ, Asamando ho te sɛ ɔman a deɛ yeyɛ no wɔ asase yi so no, saa ara pɛpɛɛpɛ na wɔyɛ no ho. Ne saa nti no nneɛma a yɛhia no wɔ asase yi so no, owufoɔ a yɛregya no kwan nso hia nneɛma a ɛwɔ asase yi so ha na ɔde akotoa n'abrabo so.

Ɛbetɔɔ dwa wɔ nhwehwɛmu yi mu sɛ, nneɛma a Akanfoɔ gye de dware ɛfunu a wɔfrɛ no adwaredeɛ no bi ne adwe, ankaatwadeɛ, baha anaa aburodua, bokiti a nsuohyɛɛ gu mu, sapɔ a wɔfrɛ no paprada anaa bɛkyɛ, toobetɛ, towuro anaa mpepahɔ, nkuto, nsokoduaa, samina, yiwan anaa bileedi abaa ne pawoda. Deɛ nhwehwɛmu yi yii no adi ne sɛ, botaeɛ nti a Akanfoɔ gyina so a wɔgye nsaa nneɛma yi ne sɛ, wɔgye di sɛ onipa wu a, na ɔretu kwan nti ansa na ɔbɛkɔ no, ɛsɛ sɛ ɔdware. Ne saa nti wɔgye saa nneɛma yi na ɔde bionm asieise ne ho ansa na wadware na ɔde bi nso adware ɛfiri sɛ, obiara retu kwan a, ɛsɛ sɛ ɔdware na ɔsiesie ne ho.

Bio, deɛ ɛbedaa adi wɔ nhwehwɛmu yi mu ne sɛ adesiedɛɛ a Akanfoɔ gye no ebi yɛ deɛ wɔdware ɛfunu no wie a wɔde siesie ne ho, Saa nneɛma yi bi ne ahwenneɛ anaa tɔma a ebi

ne anwansena tire, ahwennee bɔdɔm, akokɔ ani ne ahwenepa nkasa, na wɔde ma mmaa nko ara. Bio, wɔgye nneema bi te se pieto anaa pante, danta, ne duku anaa debɔwo. Dee ebɛdaa adi ne se, botae a wɔgyina so gye saa nneema yi ne se wɔde siesie efunu no ho na afei nso wɔde ma no kɔ se ɔduru a, na ɔde akɔbɔ amannee wɔ nananom anim.


Dee esan bɛtɔ dwa wɔ nhwehwemu yi mu ne se, Akanfoɔ adesiedee no ebi ne ntoma na ntoma no nso wɔ nkyekyemu. Ebɛdaa adi se, ntoma a wɔde ye adesiedee ma owufoɔ bi no gyina ɔbra a owufoɔ no bɔɔ no mmere a na ɔte ase. Se wɔde kente ye adesiedee ma owufoɔ bi a na kyere se owufoɔ no bɔɔ ne bra yie anaa ɔwɔ mma a wɔn nsam wɔ bi. Ntoma a wɔde ye adesiedee ma owufoɔ no bi ne nwentoma anaa kente, ntoma fufuo ne Agyeibɔhyen.

Bio, nhwehwemu yi boa maa edaa no adi se, Akanfoɔ wɔ nneema a wɔgye de ye adesiedee ma owufoɔ bi a wɔde siesie mpa anaa kete so de owufoɔ no to so. Dee ebɛdaa adi ne se, wɔde nneema yi gya owufoɔ no kwan de kyere se akwantuo mu a ɔrekɔ no ɔbɛda kete so nti se eduru anwummere a, ɔmfa sa nneema no nsiesie ne kete so na ɔna. Saa nneema yi bi ne kete, bommo, sumiie ne mpasotam. Wɔde saa nneema yi siesie mpa a wɔde efunu no to so na wɔde bi nso agu adaka mu akɔsie owufoɔ no.

Esan bɛdaa adi wɔ nhwehwemu yi mu se Akanfoɔ wɔ adesiedee a wɔgye no wɔ mmere a wɔadeda efunu no na adɔfoɔ rekyere wɔn dɔ akyerɛ owufoɔ no. Dee ebɛtɔ dwa ne se, saa nneema yi dee ɔdɔfoɔ biara tumi de kyere ne dɔ a ɔwɔ ma owufoɔ no. Nneema yi bi ne hankekyifu, kawa anaa petia, ntoma fufuo Buroni nsa ne sika, Dee edaa adi ne se, sika a wɔde gya owufoɔ no kwan no batae ne se wɔsusu se asamando ye ɔman nti se owufoɔ no rekɔ a, ɔmfa sika no bi ntia ehyen a ɔbeforo eno nti wɔfre saa sika yi se hyentiadee. Afei kawa a adɔfoɔ de ma no no nso wɔde kyere ɔdɔ a wɔwɔ ma owufoɔ no.

Afei, adwuma yi boa maa yehunuu sɛ, tete no ɔkwan a na Akanfoɔ fa so kyere adesiedee no nsakrae pii na aba mu. Ne saa nti no nnepa anaa botae nti a nananom gyinaa so de hyehyee sa amannee yi no ayera ama nkyirimma nhunu dee ewo mu. Dee ebadaa no adi ne sɛ, enne yi adesiedee no nyinaa adane sikasem nti etumi to abusua anaa onipa bi suntidua. Afei, nhwehwemu yi boa maa yehunuu sɛ, enne yi adesiedee no adane akansie ne afefesem nko ara. Ne saa nti no ama ne botae no ayera.

Ne korakora no, dee edaa adi no maa yehunuu no wo adwuma yi mu ne sɛ, nsakrae pii na aba nneema a na tete no wode ye adesiedee no mu, na nye sɛ ebia enne yi nneema no nni ho na mmom suatra ne abeefosem nti. Dee epue firii nhwehwemu yi mu ne sɛ, kane no na nananom de baha anaa aburodua, nso enne yi adane tolete roo, kane no na wode adwe nana esiesie owufoɔ no mmawere so nso enne yi adane wohen pawoda, bobrapa adane 555 bokiti, nsokoduaa adane Aborofo apɔsee, ne dee ekeka ho. Saa nneema yi nyinaa mmoa mma amammere no nyu mpon.



### **5.3 Adwenkyere ne nsusuiɛ**

Saa nhwehwemu adwuma yi fa Akanfoɔ amammere ne fa a eye ayiye ho. Adwuma yi hwee Akanfoɔ ayiye no mu amannee baako a eye adesiedee, na ehwee nneema a Akanfoɔ de ye adesiedee wo owufoɔ bi ayie ase ne senti a wode saa nneema no ye. Adwuma yi twee adwene sii so sɛ, kane no sedee na nananom ye adesiedee no nsakrae pii na aba mu enne yi na ama botae a nananom gyinaa so de hyehyee saa amannee no reye ayera a eno nti nkyirimma nnya mfasoɔ biara anaa suahunu biara mfiri mu. Wei nti mefa saa adwuma yi so twe mpanimfoɔ ne anintini adwene si so se nsakrae a aba kane no ne enne yi adesiedee

mu se wɔamfa wɔn nan ansi fam na wɔanyi abeefosem a aba mu no a emmoa Akanfoɔ amammere no a, ebema nkyirimma nnya adesua biara mfiri saa amannee yi mu.

Bio, saa adwuma yi twee adwene sii Akanfoɔ adesiedee a ekɔ so wɔ dotewie nko ara mu. me nhwehwemu yi mu no, dee mehunuiɛ ne se adesiedee akeseɛ no mu fa keseɛ no ara kɔ so wɔ ayipa anaa mmere a wɔrenom sikasa no mu. Ne saa nti no mesusu se, ɔhwehwemufɔɔ bi befa ato ne ho so ahwe nneema a Akanfoɔ de ye adesiedee ma owufɔɔ wɔ mmere a wɔrenom sikasa na ɔhwe botaeɛ nti a wɔgyina so gye saa nneema na afei ɔhwe se nsesaeɛ bi kane dee no ne enne dee yi mu. Wei bebo ama yeatumi asi no pi se, Akanfoɔ reye ayera wɔn amammere akɔfa Aborɔfo dee na eno nso de nsunsuansoɔ bɔne bebre nkyirimma daakye.

Me nhwehwemu yi san twee adwene sii so se, enne yi Akanfoɔ adesiedee nyinaa adane sikasem ne akeseɛsem na ama ede asodie keseɛ pa ara na abetɔ abusua anaa nnipa binom so. Wei nti no, mesusu se, mpanimfoɔ mfa wɔn nan nsisi fam na wɔnhwe nsakyera amammere no fa a adane sikasem no mu. Mesusu se ahenfo de wɔn nan besi fam na wɔaye mmara ketee se obi busuani wu a, nneema pɔtee bi na ese se ɔtumi de ye adesiedee, na onipa a ɔbebu saa mmara yi so no wɔbetwe ɔne n'abusua nyinaa aso. Wei beboa ama sikasem a aba mu no so ate kakra.

Ne korakora no, mmere a mereye nhwehwemu yi dee edaa adi ne se, wɔn a wɔkyere adesiedee wɔ ayie ase no de kasasu a emu dɔ na ekyere adesiedee no. Enye daa daa kasa biara kwa na wɔde di dwuma wɔ adesiedee kyere no mu. Ne saa nti no mesusu se, ɔhwehwemufɔɔ bo befa ato ne ho so ahwe kasasu ne nsentitire a akyeame a wɔkyere adesiedee wɔ ayie ase no de di dwuma wɔ wɔn kasa mu. Wei beboa ama kasasua ne amammere atu mpɔn wɔ akyeame kasa mu.

#### 5.4 Awieeɛ

Ɔfa yi de nhwehwɛmu adwuma yi nyinaa aba ayieeɛ. Adwuma yi twee adwene sii Akanfoɔ nneɛma a wɔde ye adesiedee ma owufoɔ bi ne dee nti a wɔde saa nneɛma no ye adesiedee. Nhwehwɛmu yi ama yɛahunu se Akanfoɔ adee biara a wɔbeyɛ no wɔwɔ nnyinasoɔ nti a wɔde ye. Ne saa nti se obi wu a, enam se wɔsusu se onipa no rekɔtoa n'abrabo so wɔ kuro foforo so nti no, wɔde saa nneɛma no ma no na se oko a, ɔde akɔtoa abrabo so wɔ ho. adwuma yi gyinaa nsemmoano a menya firii me nkɔmmɔtwetwefoɔ no nkyɛn na eyee mpensempensemu yi nyinaa.



## MMOA NNWOMA

- Abakah, E. N. (2004). *Tone in Akan nominal: In Kroop D.M.E, Osam, E. K. (eds), studies in the languages of the Volta Basin ( 3) . University of Ghana, Legon. Linguistics Department. PP.193-218.*
- Achana, D. (1993). *The artistic aspect of funeral performance in the Kasena-Nankana area. [B. A. Thesis Unpublished]. University of Education, Winneba*
- Adamson, A. W. (1990). *Economic democracy and the expediency of worker participation. Universijty Press.*
- Adu-Gyamfi, P. (2010). *Observable artistic changes in the funerals of Adanse traditional area. [M.Phil Thesis Unpublished]. Kwame Nkrumah University of Science and Technology, Kumasi.*
- Agyekum, K. (2011). *Akan kasadwini. Dwumfour Publication.*
- Agyekum, K. (2010) The language of nsawa: Akan funeral donations. *Issues in InterculturalCommunication 157-176*
- Agyekum, K. (2006) The sociolinguistic of Akan personal names. *Nordic Journal of African Studies 15 (2) : 206- 235*
- Akpanglo-Nartey, J. N. (2002). *An introduction to Linqustics course for Non-Native speakers of English. (2nd ed). Tema. Sakumo Books.*
- Aleshire, L. (2009). *101 Ways you can help: How to offer comfort and support to those who are grieving. Sourcebook, Inc.*
- Anim, C. (2008). *AkanfoƆ kasasua ne won Amammerɛ. Print Boss*
- Ansa, A. M. (2014). Language choice in multilingual communities: The case of Larteh, Ghana. *Journal of Humanities . University of Ghana, legon.*

- Anti, A. A. (1977). *Obeede*. Jospong Printing Press.
- Arthur, C. (2003). *Akanfoɔ Amammere ho adesua I: A textbook on Akan culture*. (Unpublished).
- Asantewaa, M. (2020). *Yeregyina "Speg Theory" so apensempensem Akanfoɔ mme a wɔabubu ahyehye nnyemmoa binom ano mu*. [Unpublished M. Phil Thesis]. University of Education, Winneba.
- Assiamah, S. A & Lugogye, R. E (2008). *Introduction to cultures of Ghana*. Masterman Publication Ltd.
- Asubonteng, O. & Hope, P. A. (2019). *Twi adesua nhoma. (Akuapem)*. Damas Educational Services Limited.
- Bamfi-Adomako, E. (1998). *Ɔbrɛguo*. Ghana Publishing Corporation.
- Best, J. W. & Kahn, J. V. (2006). *Research in Education* (10<sup>th</sup> eds). Pearson Inc Ltd.
- Boadi, L. A. (1977). *Forms and meaning in Akan*. Manuscript, Dept of Linguistics, University of Ghana, Logon.
- Boahene, A. (2004). *Comprehensive notes on Ghanaian language and culture (Akan) for Teacher Training colleges and Advance learners manuscript*; Unpublished.
- Boahene A. (2001). *Akanfoɔ amammere ne amanneɛ*, Suhaw printing Press.
- Boateng A. (2012). Socio-economic transformation of Akan funeral rites in Ghana. *Omega M (Westport) 65(4):281-97. Doi: 10.2190/OM. 65.4.c PMID:23115893*
- Boateng, A. A. (2020). *Okofɔ Asenso nwoma 'Batakari Adɔɔso' mu mpensempensemu: emu akanfoɔ nsempɔtitire, amammere, kasasu ne agorɔmma*. [Unpublished M. Phil Thesis].

- Boateng, R. (2016). *Research made easy. USA: Create Space Independent. Publishing Platform. University of Education, Winneba.*
- Bonsu, M. A. (1993). *Sankɔfa: Akanfo amammere bi*. [B. A Thesis, Unpublished]. Kwame Nkrumah University of Science and Technology, Kumasi.
- Bosiwah, L. Abrefa, K.B. & Asenso, C.O. (2015). An etymological study of the word ‘Aborɔfo’ (Europeans) and its impact on Akan Language. *International Journal of Applied Linguistics*.
- Brian, H. (2009) Funerals as feast: Why are they so important? *Cambridge Archeological Journal*. 19. 29-52 [10.1017/5095977430900002X](https://doi.org/10.1017/5095977430900002X)
- Creswell, J. W. (2005). *Research design: Qualitative, quantitative and mixed methods approach (3<sup>rd</sup> edition)*. Thousand Oaks, CA: Sage Publications
- Dolphyne, F. A. (1988). *The Akan (Twi Fante) language: Its sounds systems and tonal structure (1<sup>st</sup> eds)*. Woeli publishing Services.
- Effa, D. A. (1993). *Owuo Agyaa*. Ghana Publishing Corporation.
- Finnegan, R. (1970). *Oral literature in African*. Oxford University Press.
- Forson, A. B. (2001). *Julius Ceasar*. Apra Series Limited.
- Forson, B. (1988). *Code -switching, among Ghanaians* . University of Ghana, Legon. PP. 10 - 194.
- Fosu, A. (2000). *Funeral celebration by Akans*. Unpublished.
- Geertz, C. (1973). *The interpretation of culture*. New York Press.
- Ghana Statistical Service, (2020). Population and Housing Cencus. Retrieved from [www.ghanastatisticalservice.gh](http://www.ghanastatisticalservice.gh) on 27<sup>th</sup> January, 2022.
- Gorlée, D. (1994). *Semiotics and the problem of translation*. Amsterdam-Atlanta: Rodopi.

- Huber, H. (1993). *The Krobo: Traditional social and religious life of a West African people*. Switzerland University Press.
- Johnson, B.C (1978). *Stable triglossia at Larteh. P at terns in Language, Culture and Society : Sub-Saharan Africa*. Osu WPL, 19,93-102.
- Kuada, J. & Chacha J. (1999). *Ghana. Understanding the people and their culture*. Woeli Publishing Services.
- Kobi, Y. (2010). *Amammersɛ fie*. Mighty Winners Publication
- Kottak, C.P. (1990). *Prime - Time Society: Anthropological Analysis of Television and Culture*. Wads-Worth Press.
- Mbiti, J. S. (1989). *Introduction to African Religion*. East African Educational Publishers
- Montagu, A. (1975). *The nature of human aggression*. Oxford University Press.
- Nketia, J., H., K. (1955) *Funeral dirges of the Akan people* Achimata Printing Press.
- Olenyo, M.M.J. (2011). What is a name? An analysis of the semantics of Lulogooli personal names. *International Journal of Humanities and Social Science*. 1(20), 211-218.
- Opoku, K. A. (1989) *West Africa traditional religion (2<sup>nd</sup> eds)*. FEP International PrivateLtd.
- Opoku, K. A. (1987). *West African traditional religion*. Lagos F.E. P.
- Opoku, A. A. (1973). *Obi kyere*. Ghana Publishing Corporation.
- Osam, E. K. (2008). *Studies in the Language of the Volta Basin*. Department of linguistics -University of Ghana, Legon.
- Osei, K. (2002). *Asante culture* . A handbook on Asante culture. CITA Press L.t.d

- Owu-Ewie, C. (2017). *Introduction to traditional and action research*. University of Education, Winneba: Database multimedia
- Owu-Ewie, C. (2012) *Introduction to traditional and action research*. Vision Xpress Sec. Service
- Prempeh, A. A. (2020). *Akanfoɔ amammerɛ*. Alpha and Omega Printing Press
- Prempeh, A. A. (2016). *Akanfoɔ amammerɛ ne Akan kasadwini*. Premesco Publications
- Prempeh, A. A. (2009). *Akanfoɔ kasa ne amammerɛ*. Alpha and Omega Printing Press
- Sarpong, S. (2006). *Anomsem kasadwini*; [Unpublished M. Phil Thesis]. Department of Akan- Nzema. University of Education, Winneba
- Saussure, F. (1983) *Course in general linguistics*. (Eds. C. Bally A. Sechehay, and A. Riedlinger; Trans. R. Harris) London: Duckworth.
- Sossou, M. (2002). Widowhood practices in West Africa: The silent victims. *International Journal of Social Welfare*. 11(3), 201-209.
- Spieth, J. (2011). *The Ewe people. A study of the Ewe people in German Togo*. Sub- Saharan. Publishers Poetry, London: Longman.
- Tuffour, A. D. (2020). *Bono abosomdin no bi mu mpensempensemu wo mɔfo-sentase kwan so*. [Unpublished M. Phil thesis]. University of Education, Winneba.
- Twumasi–Ankra, C. L. (1991). *Efiri tete Akanfo amammerɛ bi*. Educationa Press and Manufacturers Ltd.
- Tylor, B.E- (1871). *Primitive culture*. Cambridge University Press.
- William, F.A. (1997). *Anthropological Linguistics: An introduction*. Blackwell Press.
- Zimmerman, B.J. (2002). *Becoming a self - Regulated learner. An overview – Theory into practice* 41(2). M. Campillo Press

